

1.


Insidiæ Structæ,
 OLAI RUDBECKII Sueci
 DUCTIBUS HEPATICIS
 Aquosis, &
 VASIS GLANDULARUM
 Serosis.

Arosia editis.

a
 THOMA BARTHOLINO
 Medico Regio Professore & Anatomico
 in Academia Hafniensi.

*Bibliotheca
 Scholar.*

*Pantaleoni
 piar.*



LUGDUNI BATAVORUM,
 Ex Officina ADRIANI WINGAERDEN.

CIO IO C LIV.
ex lib. Jo. alphonso Borelly.

LECTORI

S A L V T E M.

PRONIT nuper in lucem Francofurti ad Oceanum Balticum, typis Petri Hauboldi, scriptum aliquod, cui titulum Author fecit, insidiae structae Cl. Viri Thomae Bartholini vasis lymphaticis, &c. Cujus videndi copiam quum primum fecisset Cl. M. Wilhelmus Wormius, amicus integerrimus, mirabar frontispicio inscriptum nomen Martini Bogdan, hominis mihi prorsus ignoti, & quo cum nullum intercessit negotium, scriptum ipsum legens, prorsus mihi persuasi emendicatum esse illud nomen, quod titulus praefert, & voluisse eum; cujus res agi videbatur, famam sibi aliena sub larva asserere. Comperit enim habeo ex relatu eorum, qui Martinum Bogdanum optime norunt, non esse eum, qui possit vel tantum in Anatomicis praestare, atque ultra Medicinæ prima rudimenta, nihil in arte sapere, & occupari potissimum in pueris instituendis: non putavi itaque rem mihi esse debere cum homine ignoto, imperito; & tantum non iniquo mihi, vel propterea quod nullum ipsum verbo læserim, aut ad scriptum adeo vi-

A

tulere.

INSIDIÆ STRUCTÆ

rulentum, & calumniarum plenum provocaverim. Ad Te me converto CL. Bartholine: Tuum hoc scriptum est, vel quia pro Te: Tua res agitur: Tibi insidiæ structæ sunt, si structas possis probare. Præter Te alius non est, qui depugnare pro valis lymphaticis a se inventis possit. Tecum itaque res mihi necessario esse debet, seu à quo mihi imposita necessitas est, famam meam atque exstimationem defendendi. Nosti Iuris consultos pro crudeli habere, qui famam suam negligit. Doleo autem me, quem tantum non pro puero habes, congredi debere, cum viro tanti nominis, majorisque futuri, si didicerit famam modeste uti. Impar fateor congressus Achillis. agnosco in Te Cl. Vir dotes eximiast opto Tibi, ut ijs non efferare, neque abutare, ad suppressendos conatus eorum, qui licet in multis Tecum paria facere non possunt sperant tamen & se aliquid posse, nec contemnendum adferre ad notitiam corporis nostri majorem & accuratiorem consequendam, quam hætenus habemus, res enim hæc non tam eruditionis, quam studii est, non tam industriæ, quam diligentia. Ipsi novisti multa se arcana naturam scrutantibus offerre, quæ eruditos latent in perpetuum. Nec dubium est posse Anatomicum esse, etiam eum qui linguas eruditas non novit. frustra itaque Tibi nauci videor, quod

quod Latinam linguam ad Tuum gultum non calleam. Neque is sum, qui in pretio viros eruditos habens, iis invidere famam suam velim, aut quicquam de honore merito detrahere. Multo minus is sum, qui convitia mihi dicta quantumvis virulenta, indigna, atque iniuncta, revocare ad animum velim. aut talionis lege paria reponere. Neque lubet bacchæ bacchanti adversarier, si vel hoc ipsum patris à me dici. Præteritis itaque omnibus convitijs, injurijs, calumnijs, alijsque id genus quam potero modestissime famam meam defensum ibo. Priusquam igitur ad singula veniam, hoc libet in genere confiteri, non videre in Tuo scripto rationes tales, quibus veritatem, quam pro me habeo, everteris. fatebitur id quicunque priora mea legerit, & cum recenseditis contulerit. Videbit ibi pleraque aliena, contortas interpretationes, res autem ita iejune tractatas, ut respondere iis nihil sit facilius, quod ego admonere lectorem non desinam; quoties id rerum ordo postulabit. Vix decima pars est eorum, quæ ibi continentur, quæ sapiunt dissertationem realem: pleraque logomachix sunt, neque puto. Hunc unum & primum esse scripti mei scopum debere, ut ostendam Bartholinum falso sibi vindicare Vasorum lymphaticorum inventionem; atque

4 I N S I D I A S T R U C T A .

eam mihi juxta & nomen atque auctoritatem conciliem. Hoc enim esset laureolum in Mustaceo quærere neque enim Cl. Bartholine, siquidem Tui istorum ductuum sis inventor, propterea unquam Alexandro Magno æquiparaberis ; neque si ego primas hac in parte mereor Parmenio fiam. Certa res est, judicium hac de re plane pendere ex aliorum arbitrio. Qua propter ferram contentionis super hac re tecum ducere animus non est. Non possum tamen, si in eam rem quandoque incidero, meam lectorem, quam temere toties mendacii à Te insimuler. Erit hæc Cl. Bartholine, totius hujus scripti apologetici, & instituti ratio, ut evidenter demonstrem, convitium, quod mihi objicis de furto commissio, non solum esse nullum, sed etiam homine nedum docto, nedum Christiano, indignum. Sequar autem Tua ipsius vestigia.

M E M B R U M I.

Falso argui me commissi furti.

TOtus est primum in eo Author ; ut convincat me è suo tractatu suffuratum esse, quæcunque meo inserui, adeoque aliena pro meis venditasse. Sed ficulnea plane sunt omnia, quibus objectio illa nititur ; imo
ne

ne speciem quidem veri habent. Quamobrem ne mihi ipsi injurius sim, probabo evidentissime Bartholini tractatum ne ex auditu quidem mihi innotuisse, quamdiu in Suecia fuerim, primumque Hamburgi, 16. Augusti visum, ubi in transitu dies aliquot moratus, forte in officina templi ni fallor S. Joannis eum offendi, emique novitate tituli illectus. Retulitque tum mihi socioque meo itineris Dⁿ. Johanni Palm bibliopola, incidens in verba de Slegelio, Anatomico Hamburgensi, non sine offensione quorundam lecta fuisse, quæ de ipso Cl. Bartholinus scripsit, P. 27. editione prima. Nam cautior deinde calamus in recentiore emendavit.

Certo etiam affirmare possum Cl. Bartholini tractatum in Suecia tunc, cum Holmiæ solverem, nulli fuisse visum, aut de eo quicquam publice constitisse. Nihil enim aut Janssonius, qui primus peregrina inferre solet, aut quispiam domesticorum de eo rescivit. Unde nec ego prodiisse tale quidpiam divinare potui, multo minus aliquid ex eo accipere.

Quod magis est, jam Anno 1652. mense Aprili demonstravi ductus hosce aquosos Serenissimæ ac Potentissimæ Reginæ nostræ; Cum constet Cl. Bartholinum eo tempore nondum pervenisse in notitiam eorum. In tractatu enim de Lacteis thoracis, cujus editio

vulgata est mense Majo ejusdem anni, sanguificationem in Hepate fieri adhuc credidit, & ductus Hepaticos, si geminos viderit, lacteas esse venas putavit, vide quæ scripsit, Cap. 15. Pag. mihi 99. quam egregie ergo hallucinatur in chronologia, quæ hic unice locum habet.

Post habitam a me disputationem de Circulatione sanguinis Anno 1652. mense Majo sub præsidio Cl. Viri Dⁿ. Olai Stenii: Med: Profess: Regii, Mathematici celeberrimi, nunquam sine honore a me nominandi, delineationem lactearum thoracicarum, & ductuum Hepaticorum, non modo Cl. Bourdelotio, qui Ubsaliæ Habitæ sectioni non interfuerat, verum etiam Sereniss. Reginæ demonstravi, quod ecquis facere me ausum putet, si usus fuisset Cl. Bartholino ea in re doctore, quomodo autem uti potui, cum constet illum sequente demum anno 1653. tractatum de Vasis Lymphaticis evulgasse?

Accedit, quod testimoniis a me evinci potest, jam tum paratas habuisse tabulas & æri incidendas tradidisse Erico Unger, eumque spem meam fefellisse in maturanda opera, unde videns me trahi, recepi meas figuras, easq; Cl. Magno Celsio tradidi, qui paulo etiam serius, licet, eas tamen cælo suo adornavi. retardatus præterea fui delineatione plurimorum

VAS. ET DUCT. RUBER. 7
rum (erant enim ultra sexaginta) instrumentorum Mechanicorum à me juvenorum, quæ Majestati offerre necessum habebam.

Denique nec id denegari potest, Anno 1652. habitam a me fuisse disputationem publicam Sereniss: Regiæ Majestati dedicatam, in qua aperte ademi Hepati, illustre illud atque tot seculis vulgatum sanguificationis munus. Quæ itaque ratione commode id facere potui, nisi longe ante prævidissem, hos ductus abducere humorem ab Hepate, & non ad Hepar adducere. Cum tamen Cl. Bartholinus in Tractatu de lacteis thoracicis, qui prodiit eodem mense strenuè asseveraverit Hepar sanguificationis esse organum. Cap. 15. Pag. 19. Hæc sunt, quæ forte paulo prolixius narrare volui, ut clare ostenderem, me si quid hac in re egerim, ne in minimis quidem Cl. Bartholini opera usum fuisse,

M E M B R U M II.

Cl. Bartholinum non esse primum juvenorem & Authorem ductuum Hepaticorum.

Qui prius membrum perlegit, cognoscat equidem post refutatam calumniam de commisso furto, Cl. Bartholinum non esse ductuum aquosorum inventorem, quod si interim concedam, quod ipse dicit Pag. 196. ea

vasa a se inventa esse mense Decembri Anno 1651. & Febr: 1652. Id tamen non potest mihi obesse, qui etiam testimonio non uno probare possum, jam Anno 1650. ea me habuisse cognita & perspecta. quod vero rei testes non produxerim inde non firma oritur argumentandi machina, Cl. Bartholinum esse primum juventorem. Nec Cl. Bartholinus ademerit Afellio, van Horne, Wirsungio, Harvejo, Pecqueto, viris excellentissimis, laudem eorum, quæ ab ipsis inventa sunt, licet publicis testibus in rudimentis ipsis & experimentis primis caruerint.

Scribit etiam Cl. Bartholinus in historia sua Anatomica, Cent: 2. Pag. 256. doctissimum Wilhelmum Wormium interfuisse hisce demonstrationibus: quod parum fideliter ab ipso notatum est. Nam si doctissimus Wormius demonstratione ipsius, & autopsia edoctus viderit vasa illa, non opus fuisset operam meam apud Cl: Doct: van Horne Anatomicum insignem, omni honore prosequendum, hac in re sollicitare quam amico etiam denegare non volui.

Deinde publica est confessio Cl. Bartholini, se adhuc Anno 1652. Mense Majo habuisse ductus illos pro vasis lacteis, cum tamen, ut nunc scribit, invenisset illos Anno 1651. mense Decembri

embri & 1652. in Febuario. quis non cognoscit errorem adeo defendi: ea enim ratione etiam Vesslingius & Highmorus ipsius Cl. Bartholini confessione priores invenerint, quo de viderit ille, mihi quippe non idem videtur, si quid vidisse sufficit, nec obstat ignorare quid videris. Omnes laniones Anatomici audient, & multarum rerum inventores, quia multa contigit ipsis videre, quorum naturam plane ignorant. Nunquam me putabo invenisse aliqua, nisi quorum originem, insertionem, ductum, situm, aliave eo spectantia accurate cognovero. Ad probandum & evincendum te ductuum horum inventorem esse, necessum erat, aut expungere omnia in quibus ipse te errasse fateris, dum vasa ea pro lacteis habuisti, aut vero similis argumentum invenire, quam hactenus produxeris. Eodem Anno, puta 1652. Mense Majo admodum reverendus Doctor Stigzelius SS. Theologiæ Professor Primarius, quem hic honoris & observantiæ causa nomino, petiit, sæpiusque suasit, ut eos ductus Hepaticos, & reliqua a me inventa publico bono usuique in lucem emitterem; sed existimavi tutius fore, si meliori tempore ea reservarem, tum ut auctiora singula prodirent, tum ut addi possent plura.

Porro Cl. Bartholine (dabis enim mihi veniam)

niam) si exercitatissimus es, & annuo cum semestri spatio absolvisti illam Hecatombem, quam Anno 1652. inquirendis vasis lymphaticis consecrasti prout videre est in tua Historia Anatomica XLV (11). Cent: 2. Pag. 252. Cur tam incerta, dubia, non dicam falsa figuræ tuæ inferuisti, quæ vitare potuit is in suis, quem Tyronem vocitas? utor hic eodem gladio, quo tu adversus Pecquetum usus es, Fol: 120. Nam singula quæ figura tua expressest, nunquam neque hic Lugduni, neque in Suecia ullius animalis sectio manifestavit. Concludo itaque te peracta una alteraque sectione, statim ruditer omnia sicut primoprehenderas curasse delineari, & postea evulgasse,

Ceterum neque possum præterire ea, quæ in pervolvendis suis tractatibus de lacteis & vasis lymphaticis a me observata sunt, tanquam testimonia inconstantiae tuæ. Confiteris te lacteas Anno 1652. mense Febr. invenisse, & mense Majo ejusdem Anni divulgasse: vasa vero lymphatica Anno 1651. mense Decembri reperisse, & commisisse typis mense Majo 1653. His ita positis secundum propriam tuam chronologiam concluderem quidem brevius intercessisse tempus, inter lactearum inventum & earundem editionem, longius autem inter vasorum lymphaticorum inventum &

eorum

eorum evulgationem, nisi alia essent, quæ contraria me suspicari cogerent. Repetis enim toties in tractatu de vasis lymphaticis, ut & de dubiis lacteis, te lymphatica vasa *nuper, nuperime, nuper adeo, tam nuper* invenisse, quod de lacteis thoracicis non dicis, quæ tamen trimestri (ut dictum est) spatio; lymphatica vero plus quam annuo post inventionem eorum descripseras. Qua igitur probabili ratione verba hæc: *nuper nuperime, &c.* convenire possunt vasis lymphaticis, inter quorum inventionem & editionem effluxit spatium unius anni cum dimidio? rectius certæ ea verba convenissent lacteis thoracicis. Manifestum itaque evadit, vasa lymphatica longe post lacteas a te inventa fuisse, & quidem An. 1653.

Denique pro conclusione hujus membri notari potest, suspicionem haud exigua in quietæ conscientiæ deprehendi ex aliis tuis verbis, quæ Iparsum ex tuis scriptis animadti. Leguntur in Tractatu de lacteis thoracicis, Cap. 9. Pag. 21. hæc verba sequentia: *mirum observavimus in cane quodam satis magno & sano, septimâ post pastum horâ aperto, ductus lacteis similes, sed modo lacte, modo sero pellucidos &c.* Deinde Cap. 12. Pag. 38. *singulare est, quod in cane quodam septima post pastum hora dissecto vidimus ad pedes anteriores &c.* hisce verbis fateris non-
quam

quam te vidisse hæc vasa quam bis, anteedi-
tum in Majo Tractatum de lacteis thoracicis.
nunc autem contrarium in historia de vasis
lymphaticis inquis Fol: 196. *observavimus qui-*
dem sape in canibus dissectis in primis XV. Decem-
bris Anno 1651. IX. Ian: 1652. ex hepate aquosos
ductus, deinde in tua Apologia Fol: 21. 11. Jan:
1652. iterum in vasis lymphaticis Pag. 196,
18 Febr. 1652. & Pag. 166. *Inter has cogitatio-*
nes minor canis commode offertur; & paulo post;
repetita inde saepius in alijs canibus &c. hæc si vera
sunt indicaste multoties illa vasa vidisse, & ad
minimum quinquies ante editas lacteas. Hæ
tuæ confessionem contrariæ à nullo conciliari
possunt sine verborum & syllabarum quarun-
dam exclusionem, uti te in scripto apologetico
fecisse animadverti. Nam ut defenderes illud,
quod in Tractatu de V. L. te toties vidisse vasa
lymph: anteeditas lacteas gloriaris, necessum
tibi erat verba in tractatu de lacteis corrumpere.
itaque mirum *observamus pro observavi-*
mus, in cane pro cane quodam substituiisti. Hic
observamus indefinite magis ponitur quam *ob-*
servavimus; sicut & vocabulum *canis* absolute
positum includit non unum, sed multos adeo-
que æquipollet plurali numero canibus. Eo-
dem modo in altera citatione processisti; *sin-*
gulare est quod in cane pro cane quodam, ut extat
Pag,

Pag. 86. Tract. de lacteis thoracicis. Ulterius dicis ductus hos quos observasti 15. Decembris 1651. *lacteis similimos, sed modo lacte, modo sero pellucidos.* In Historia autem Anatomica XLVIII. Centi II. ubi de eadem sectione loqueris. ecce 15. Decembris 1651. *multi comparebant, non candidi lactearum more, sed splendentes colore hyatidum.* Hæc omnia plane incongrua sunt, quæ inconstantiam verborum, quam in me sæpe damnare injuria soles, arguunt.

M E M B R U M III.

POSTquam expendi aliqua momenta generalia, quæ mihi insequentibus proderunt, reliquum est, ut tua verba Cl: Vir, agrediar examinare: quæ tanto minus paritura laboris existimo, quanto longius a veritate absunt. Nulla sciens præteribo, quæ recens inventi materiam concernunt, quo minus luce meridiana clariora evadant singula, sine affectu tamen & ambitione, quibus gravari solent ii, qui damnum in conscientia metuunt. seriem ergo verborum ut sequar, primum omnium adductam tua verba, quæ Pag. 4. O. lin. 29. leguntur;

Ad

Ad Proëmium I. notatur Cl. Bartholinum publicos testes habere, quod primus sit eorum vasorum (ductuum) inventor.

Plus pavoris quam animi Rudbek habes, qui deseris consilium, quod defendere debes. Et quia te conscium falsi scis, Terentii illud adeò timuisti, ut id absquè mendâ non insequeris:

Nullum est jam dictum, quod non dictum sit prius.

Magis acris iudicii homo es, qui eruditè hac invertis, ut sœnum putidum pro auro puro vendas. Multa jam dicta esse inque posterum dici posse, quæ non sunt dicta prius. Quam inepta hæc sunt, nil certi profers, & an unquam aliquid de ductu hepatico dictum sit, aut an adhuc dici debeat? Applica hæc, nil tibi proderunt. Dudum Ductus hepatici antequam ipsis tuum nomen affingeres, sub Vasis lymphaticis Bartholini innotuere, & priusquam tuâ injustâ manu tractares, Duce Bartholino Eruditorum limina salutarunt. Hoc Naturæ beneficium Cl. Bartholinus artis munere postea exornavit, ut omnes Docti hoc in isto possessore laudent. Privata testimo-
nia

nia prateribo, cum tu Rudbek tu fratris ambias epistolam, ut superbus in hoc sterquilinio autorem despicias. Publicè Excellentiss. Rolsink Professor Jenensis in sua Dissertatione de Hepate cl. l. c. l. l. l. l. editâ, non veretur asserere. Nunc v. Bartholinus αιχαδὴ θυχῆν. immortalis nominis cum gloriâ, repertis à se lymphaticis omni sanguificationis honore, tot seculorum applausu decantatum jecur spoliât. Exsequis etiam Hepatis; tot seculorum abdominis nostri rectoris à Cl. Bartholino editis, dictam dissertationem exornat. Nil de te Rudbek nil de tuo ductu hepaticò, aut vasis glandularum serosis Vir candidus protulit.

Quod ad testimonium publicum (quod hic atters) attinet, prætermisiss cæteris omnibus, quibus in me veheris, illud contra me non pugnat. sic in eo excell: Rolsink Professor Jenensis testis, Te, repertis vasis lymphaticis omni sanguificationis honore jecur spoliâsse; ea verba, Cl. Bartholine, non probant te esse ductuum hepaticorum primum inventorem, sed tuum Tractatum prius quam meum ab ipso visum fuisse hæc tua illatio non plus habet roboris, quam eorum, qui de invento Typographiæ anxie labarantes Moguntinis illud attribuant eo quod multi impressos Moguntiaë libros primum videre, beneficio tamen typorum Belgicorum, quos furto subreptos, & in
Ger-

Germaniam delatos fuisse apud omnes cordatiores in confesso est. Eodem pacto & ego absurde concluderem de Veslingio, quia nos in Suecia prius ejus anatomiam, in qua lacteæ mesenterii descriptæ sunt, antequam Asellii tractatum de iis editum, vidimus; ergo Veslingium merito appellari earum inventorem, cujus tamen inventi laudem Asellio deberi unanimiter viri doctissimi affirmant, tale est tuum argumentum Cl. Bartholinæ, quod non modo frustra, verum etiam parum apposite nectis.

II. Hippocratem non primum redegisse Medicinam in ordinem.

Ea fuit totius præmii mei ratio, ut in genere ostenderem artem Medicam non fuisse hominis unius inventum; sed multis Hominibus acceptum referri debere. Inter eos, quorum hæc in re decantata laus fuit ab omnibus, Græcos posui, atque in iis Hippocratem, id an jure notam mereatur, lector viderit. cæterum id mihi falso obijcitur, quod scripserim, Hippocratem redegisse Medicinam in ordinem, quod verba mea aperte testantur: Pag: 243: *postea autem Galenus Pergamenus; nunquid ne ab Hippocrate*

crate & sua accepit, methodo incomparabili comprehensa cum aliis communicavit ? quod etsi me non scripsisse liquet ; tamen si scripsissem , non doleret. Meministi credo , id laudis Hippocrati Cellum dare in proæmio , quod primus Medicinam à sapientiæ studio separaverit. Id an facere potuerit sine constitutione artis , tu forte melius judicaveris. Doctos scio in libris Hippocraticis qua res & methodum invenire & deprædicare , quod alibi & vel in ipso Galeno delideres. Verum huc ego me non immitto, ceu qui existimem , eos me fecisse progressus, quorum fiducia præsumam de tantis autoribus, rebusque ab ipsis tractatis judiciū.

III. *Nec Aeginetam esse Arabem.*

Majorem tamen inscitiam detegis Rudbek ; qui Aeginetam inter Arabes retulisti. Quem scripta & Patria Aeginā, & urbs & Insula hoc nomine gra-cum indicant. Plin. lib. 4. c. 12. Mela. c. 7. p. 98. Isocrat in Evagria. Opera Iani Cornarii & aliorum ipsum latine legimus , in nulla tamen Bibliothecā quantum constat arabicè latent : Vide Rudbek quanta nox tuis oculis circumfusa ! antequam lucem conspicias , quæ nebula discutienda ! quas inevitabiles tibi esse confiteris, cum conqueraris: Oculi plus vident

quam oculus. Ego majus tibi concedam. Adhuc minus duo oculi vident quam unus, si invidissimi furtum in alienâ domo hareant, & latebras sequantur, in quibus non discernunt, quid lucrum commendet. Excidunt timidis & ignotis indicia, quæ viam ad furtum faciunt in tantâ caligine; quam obrem temeritas solet ipsos aperio crimini reddere, quod tibi quoque contingit Rudbek. Quæ spes, fides quæ supererit in secretis, quæ anceps imo nulla plane in vulgaribus. Vix credis Rudbek, quantum juvat erroris tuo coarguendo operam dare: vel quod injustâ re libereris, vel ab ambitione deterrearis iniqua. His lectus non solum hominum judicio, verum & tuâ conscientiâ erubescet.

Accidit tibi, ut dum nimis anxie scrutaris umbræ, parcius rem ipsam attingas, quod solemus fâsse satis in cane Æsopico ridere. Non erat propositi mei differere de initiis Medicinæ ejusque incrementis, unde nec eo salutem Græciæ positam esse non existimo, si Ægenitam Arabem dixerim. Si quis Medicinam professus istis scitis ad febrim felicius tollendam, & ad naturæ arcana sectionum beneficio investiganda aptior fiat ex antiquis patriam ejus auctoris accuratius inquirendam suaderem. Evenit mihi hic quod tibi Cl. Bartholine in Tractatu tuo de lacteis thoracicis. Cap. 5 Ubi inter Professores regios annumeras eos etiam, qui

qui aut Doctores sunt tantum, aut ne Doctores quidem, sed experientiam sibi continua medendi praxi acquirunt.

IV. *Et inscitè jactare Rudbeckium Chymiae utilitatem, cui studet.*

Egregie Rudbek cordatus, & catus es, qui, quæ nondum didicisti, statim sapis. Nondum incæperas Chymiae studium, ut dicis in epistolâ, tamen ipsius utilitatem tot verbis ex tollis. Ex cibus nam re est, toties coctam crambem offerre? Hanc tot præclari Doctores demonstrarunt, ut tibi bene conveniat: Quid tu

— argutos inter strepis anser olores?

Quacunque Syntagmata libas, aut secretorum libros quos vocant consulis. id largâ manu exhibent. Sed condonemus tibi, qui struem his exsequiis paras; quid si & rogam?

Quam multi possunt de Chymiae utilitate differere, licet ejus operationes adhuc ad oculum perspectas non habeant? præstari etiam certe talia possunt ab iis qui Chymicos scriptores legerunt, & præcepta ejus didicerunt. Ego quoque, antequam in Belgium adveni, non plane Chymiae rudis eram, licet plurima

desiderarem, quæ ab operante Magistri manu discenda essent. Perplurimi quoque judicare atque describere possunt ea, quæ solo auditu ab aliis cognita habent. Quod quoque tibi evenit in Historia tua Anatomica; quæ cum constet farragine quadam rerum variarum ad Anatomiam non pertinentium, perplurima te ex relatione aliorum & lectione autorum acquisivisse inficiari non potes. Idem quoque in aliis scientiis evenire animadvertimus; quod propterea ita superciliose damnare non possumus. Quotusquisque est inter Botanicos, qui cum se omnes herbas vidisse, gloriari non potest, interim non audeat ignotas delineare, & usum earum in Medicina deprædicare? & quis quæso est inter eos, qui in Historiis animalium recensendis operam collocarunt, qui omnia oculis lustravit? plane itaque iniquus Cl. Bartholine, qui mihi objicis, quibus damnari non dicam te, verum etiam viros egregios in aperto est.

V. *Aut R. Columbum Valvularum autorem.*

Optimè quæris, quis ante Realdum Columbum Valvulas venarum invenerit, cum primum hujus rei inventorem nescias. Scio Columbum lib. 6. Anat.

Pag:

Pag. 302. disputare sui seculi more, quâ de causâ possit Chylus per venas mesaraicas ferri ad hepar, & latatur se primum vidisse, & divulgasse hoc inventum, scribuenim: Natura sagax extremæ unicuique harum venarum scil. mesaraicarum membranam apposuit, qualem in vesica cavitae extremis ureteris, quæ lotio ad vesicam descendenti aditum præbent, prohibentque ne ad superiora amplius revertatur. Idem in extremitate harum venarum effecit natura. Quod à nemine quod sciam animadversum est, ut magnam naturæ industriam facile perspiceret. Andreas Laurentius, l. 4. Hist. anat. q. 5. p. 256. & Bartholinus l. 1. de venis c. 3. p. 314, Columbum fucum fecisse testantur, nec à nemine ipsius valvulas fuisse unquam demonstratus, quod tamen ni fallor factum à Doctiss. Harveo, ut demonstraret chylum, non sanguinem ferri per mesaraicas. Nec destituit ratio Laurent. & Bartholinum. Sirculis exiguis venas mesaraicas in intestinis dispersas, quia promitteret habere valvulas in extremitate, aut ipsas demonstrari posse. Lynceus hic cæutiret. Neo orisua extrema addo sunt lata, ut necessariò requirant carunculas, chylo si refluxerit obstaculum, veluti ureteres. Animum Rudbek prius indiversâ verses, priusquam labori memoriâ digno pretium exsolvas, quo Aquapendentium plurimi judicant dignum. Hic in tractatu de venarum ostiis scribit:

B 3

Subit



Subit mirari quomodo ostiola hæc, ad hanc usque ætatem, priscos quam recentiores Anatomicos adeo latuerint, ut non solum nulla prorsus mentio de ipsis facta sit, sed neque aliquis prius hæc viderit quam anno Domini MD LXXXIV. quod à me summa cum lætitiâ interdisssecandum observata fuere. *Salomon Albertus Anatomicus VVittebergenfis, in observat. adjunctis Hist. part. human. fatetur, se ipsa ostiola Anno MD LXXIX. Mense Decembri, secundum Aquapendentis methodum investigasse, & invenisse, demumquæ descripsisse, ut d. l. videri potest. Alii ingrati tudinis ut Riolanus l. 5. Anth. c. 49. p. 346. Aquapendentem incusant, cum P. Paulus Monachus Servita Venetus, ea invenerit; Aquapendens tantum ediderit, dicti Monachi nomine omisso. Unde alii harum valvularum vestigia etiam apud Hippocratem lib. de ossib. pag. 277. legunt: Φλέψ επωμιαία, τὸ δὲ μεταξὺ αὐτῶν, αὐτὴ τε ξιωέχει, καὶ ὁμὴν ἀφρώδης: Humeralis vena medium in brachio locum obtinet, & membrana squammosa: Constat etiam Cananum Vesalium de Valvulis vena azygi certiore fecisse Anno MD XLVII. ex Vesalii examine in observ. Fallop: Ratisbonæ cum Franciscum Estensem ægrotum cum Canono viserem, is mihi retulit, se in venæ conjuge carentis initio, & item in venarum renes adeuntium, & infectionum venæ,*

venæ, juxta elatiorem sacri offis sedem occurrentium orificiis membranas ejusmodi, quales in venæ arterialis, & magnæ arteriæ occurrunt principiis observare. Hosque sanguinis refluxui obstare asseruit. *Roslan. l. 5. Ant. c. 46. p. 349.* I. *Sylvium valvularum venarum inventorum citat* (licet nomine *ἐμφύτων* intelligantur) *ex Isagoge Anatomica* : Membrana quoque epiphyxis, est in ore azygi, vasorumq; aliorum. Hoc etiam, *A. Lusitanus l. 1. curat, § 2. ann.* notavit. & ex ipso *Hollerius* in suam praxin transcripsit, quo tamen risum reliquis Anatomicis movit, uti *Bauhino* in *Theatro*. Ut merito hac consideratio superaret indolem nostri, *Hoffmann. Inst. lib. 2. c. 13. §. 3.* si ipsis temerè certum autorem, ut tu *Rudbek* fecisti, nominaverimus, nec alias circumstantias circumspexerimus. Re enim a quo animo excusâ, caret *Aquapendentius* ignominia objectâ. Sit *P. Paulus Monachus* ipsarum inventor. Credo soli ne ipsas ostendisse *Aquapendentio*? aut *Aquapendentium* ausum fuisse rem multis notam scripto sibi vindicare? Primus *Aquapendentius* valvulas in artubus vidit, descripsit & edidit, idcirco sit ipsarum inventor, reliqui nil profuerunt, qui inter se de valvula azyge litigarunt, quam plurimi tantum ex relatione cognoverunt. Longissime accersis materiam differendi, cum lites de valvularum inventionemoves, quas ego neque defendam, neque

evertam. Multi famam habent, alii merentur. Quod & Columbo accidisse verosimile est, & constat ex testimonio multorum, quorum vestigia sum sequutus cur non & de aliis litem moves? & quidem Asellio de inventione lactearum. Harvæo de circulatione sanguinis? nam & in dubio est an non Erasistratus lacteis, Paulus à Sarpa Monachus Circulationem sanguinis invenerit. Sed parum hæc ad rem pertinent, minus certe ad materiam nostram quæ in eo primario consistit: An ductus hepatici, sive vasa lymphatica eo modo in animali dentur, ut. Tu. Cl. Bartholide, eos depingere curasti: an eo: quo ego illos delineavi, & paratus sum cuivis ostendere, quod tu an possis valde dubium tua figura facit.

M E M B R U M I V.

A D C A P. I.

Fig. Inventores semper æmulos habent.

Consuevit omni seculo injustus possessor sua jura Cultra suam memoriam, aut aliorum cognitionem proferre. Vnde nulli vitio magis quam huic unquam conduxit tempus. Inspice omnem avi memoriam, & cujusvis laboris premium, jurabis hæc.

hereditario jure hanc luem plerosque corripere, & frequentem ipsam esse in Medicinâ. Ut antiquos omnium rerum doctores constituent, & recentiores nil sapere quod non ab antiquis didicerunt, probent Nam & Caspari Asellii Ticinensis venas lacteas ab antiquis notatas contendunt, & ab Erasistrato veluti arterias lacte repletas, in nuper natis hâdis visas, quæ in animalibus adultis alterius cujusdam rei plena sunt Galen. l. an sanguis in arter. contin. c. 5. Sic Harvæo ne sincera laus maneret, quod æterna sui nomipis famâ Circulationem Sanguinis multis persuaserit, Competitor vel Antecessor P. Paulus Sarpa Monachus Servita Venetus objicitur; aut veneranda Antiquitatis obscura conjectura ex Hippocrate, Aristotele & aliis protrahuntur. Pecqueti Lacteas Thoracicas anteveruisse multi gloriantur, quibus tamen ante Pecqueti scriptum nunquam innotuerunt. Si eas Cl. Bartholini more illustrassent, cui non parum debemus in hâc materia, laborem æstimaremus: Cum tamen aliena sua essent dicant, par est, ut mastigia audiant.

Vellem paulo clarius ostendisses, unde nata tibi occasio inferendi hunc paragraphum. Ex meo certe non habes. In meo Cap. 1. neque reprehendo, neque noto quenquam. Nihil ibi de Asellio, nihil de Erasistrato, de Harvæo, de Te, nihil denique de horum omnium æmulis, aut qui inventorum gloriam ipsis invi-

derint, & sibi vendicaverint. Sed veritus es, Cl. Bartholine autoritatis tuæ & famæ detrimentum, si vel unicum in meis caput a censoria nota immune dimisisses.

*Sic Vasa Lymphatica Cl. Bartholinus, prasente D. Petro Bourdelotio eruditione Septentrioni & Gal-
lis noto Anno clō 13 c LI, Mense Decembr. ad-
huc fortune invidia referebat ad Lactæas Aselius lib.
Anat. Lact. Thorac. c. 15. p. 50. Post diligentiori
cura clō 13 c LII, exclust. ibid. c. 6. p. 21.
& c. 12. p. 38. Tandem clō 13 c LIII. Cal.
Maji publicè descripta (nomine Vasorum Lymphati-
corum) Ioanni Riolani Anatomico Parisiis, & publi-
co commodo consecravit. Quæ tu Rudbek hoc cap. I.
observata prodix, ex hac relatione Bartholini tan-
tum accepisti.*

Vide sis que antea in generalibus de his sa-
tis superque explicavi, & invenies hæc lubrica
esse & diluta.

Nunquam innotuisti Bartholino Rudbek, semper
tibi Bartholinus cognitus in omnibus sciole. Sic hu-
manum ingenium omni tempore aestuat in gloriam,
& quo major sit sui aestimator, parcus alterius, li-
benter que sibi contraria esse experitur siet; & si mo-
dò vulgo persuadeat suam notitiam, (quam hoc
scripto furaris Cl. Bartholino) parvi pendet Docto-
rum memoriam, quæ Bartholino in seros annos su-
perstes erit. Verum illud Acci Tragædi tibi placet,

Argos

Argos me conferam, nam illic sum nobilis
Ne cui cognoscar noto.

Si consuli tibi optaveris.

*Nuspiam cares suspitione fraudis, alibi accuratus es
Chronoteta, in dedicatione tamen omittis, quo hac
scripseris, nec addis quando Potentiss. Regina hos
ductus monstraveris.*

Miror quare alias accuratus non melius epistolam meam ad Ex.D. Hemsterhuis, Amicum meum plurimum honorandum, pervolveris, in qua omnia momenta temporis ita expressi, ut nisi sciens nemo falli possit quo scilicet tempore ostenderim Smæ. ac Pmæ. nostræ Reginæ hos ductus Hepaticos. Deinde ex Cap.1. idem colligere poteris, ubi hæc verba sunt. Pag. 247. Hoc ita pro vero habito, cum aliquando, presentibus, Magna Europæ virgine CHRISTINA serenissima atque clementissima nostra Regina illustrissimis atque generosissimis Dominis, amplissimo senatu Academico, studiosorumque corona, lacteas thoracicas publice ostenderem, hos quoque ductus in medium adduxi. Quando autem lacteas thoracicas ostenderim, Cap.3. Habes, ubi hæc leguntur Pag. 261. Hanc postmodum vesiculam chylousam, Anno millesimo sexcentesimo quinquagesimo secundo, mense Aprili, jussu non modo sed & in presentia MAJESTATIS, discursum movente experientissimo Medicorum Stenico publico Professore

fore medicina, sectione illustravi. Et ne erres, scias locis citatis, me non loqui de sectionibus diversis, sed de una, cuique Sereniss. Reginam interfuisse dixi.

Cum primum tibi in hepate apparuissent, statim venas lacteas esse, non credidisti.

*Imo credidi. Videantur verba Cap. I. P. 247. Dum An. 1650. & 1651. in venarum lactearum originem, ac insertionem inquirendam versabar, injectæque semper supra venam portæ, cum ductibus choledochis ligatura, non semel apparuere ductus, manifesto inter hepar & ligaturam intumescences, ultra autem evanescentes, quos venas esse lacteas minime sum arbitratus. Non est credibile quenkum hic posse falli, cujus oculis caligo non est offusa. Conspicimus enim atque cognoscimus sensu oculorum vasa illa nunquam (injecta ligatura, quasi medio ductu hepaticorum, inter hepar & saccum lacteum) inter hunc saccum & ligaturam sed inter ligaturam & hepar intumescere, non supra: quandoquidem aliàs chylus, si eum continent ac deferunt, ad hepar pervenire nequiret. Hæc ita mihi semper in aperto fuere, ut me dubitare mihi quidem licuerit multo minus in iis errare. Prodis itaque quam nondum satis exercitatus in Anatomicis manus habeas; Cl. Quam parum in difficilioribus præstare possis, ac fama
magis,*

magis, quam manu nitaris. Sane optarem à te ostendi mihi, quæ tibi ostendere ausim. Si publice recum coram testibus Anatomica manu congrèdi liceret, vel per auctoritatem tuam atque existimationem; qua non tolli viri sapientis est, scias eam mihi esse conscientiam, ut credam posse præstare, quæ tu non audebis.

Antithesis hac est Bartholini effato quando de Lymphaticis dicit: Se venas lacteas credidisse, esse illa vasa in hepate visa. Antithesis hac & tua confessioni est, qui cap. 2. b. 3. o. fateris, te frequenti demum sectione edoctum, non fuisse lacteas, qua non opus fuisset, qui hac vasa primo impetu vidisti, Fia. & cognovisti. Vnde colligo, te vidisse Bartholini opusculum de Lymphaticis, si hujus capitis assertio vera est.

Non invenies hic repugnantiam aliquam, si animum advertas ad sequentia Cap. 3. P. 252. In plurimis & ferè omnibus dissectis animalibus, tales ductus hepaticos duos, tres, quatuor, & plures interdum (Tab. 1. rr.) mox ab Hepatis lobo majore, qui venam cavam suscipit, atque eidem ut & reni sinistro adnectitur, egressos atque immediate illam cingentes, quasi in cavam hiarent, reperi, illas venas lacteas esse arbitratus sum. Veram frequenti demum sectione edoctus, & per ligaturam injectam, & humoris in illis contenti motum, manifesto illos vesicula chyli insertos eide mque humorem aquosum infundentes

dentes conspexi. Quæ verba quam in alienum sensum detorseris, figuramque meam Tab. 1. exhibitam non bene examinaveris, censebit quisquis nostra legere & conferre dignabitur. Sermone enim eo in loco institui, de singularibus quibusdam ductibus, qui venæ portæ non incumbunt ut reliqui, sed ab infimo hepatis lobo orti, venam cavam, cui proxime adjacent, eousque deorsum sequuntur, donec in vesiculam chyli inferantur, qui ductus cum in omnibus non reperiantur, neque in Mesenterio reliquis associantur, expressi eos separatim à cæteris in figura Tab. 1. lit. rrr. Hi sunt illi de quibus ego dubitavi in initio num lacteæ essent, tum quia adeò profunde circa vesiculam latent, tum quia Walæus aliique notarunt, venas lacteas esse, quæ cavæ inferuntur: nam & nostri non absimilem in cavam inscriptionem præ se ferunt, dum adeò arcte ipsi adhærent, ut vix sine læsione separari possint. Post factam vero in iis, sicut in ceteris ligaturam, luce meridiana clarius apparuit ductus aquosos esse. Falsa itaque est Cl. Bartholini tua conjectura, quæ nemini nisi studio partium impedito fucum facere potest.

M E M B R U M V.

A D C A P. II.

I. *Ineptè hæc vasa ductus dicuntur.*

Satis liquet quod scintillas quas à magno Bartholini lumine habes in ipso portu suffocare studeas, qui multa de mari incongruè loqueris. Forsan quod te in tenebris manifestent, & interdum parum juvent. Nimis sollicitus de nomine es quod tamen male pronuntias per ductus hepaticos. Scias nomen tanquam vestem in corpore esse, res autem carnem & nervos, igitur non oportet te majorem vestis curam quam corporis gerere. Astutè hæc vasa ductus hepaticos appellas, ne semper cum Bartholini scripto convenias. Sed parum præsidii tibi ex hac nomenclatura est, quam & nos Bartholino scimus à te esse surreptam, qui hæc vasa expresse c. 5. p. 31. Lymph. ductus aquosos, (rectè omissò hepate, quia non omnes ab ipso proveniunt,) & vasa serosa vocavit, sine discrimine tamen & his, & illis appellationibus dignatur, donec alii commodiora monuerint. An id factum a te aut alio, nemo asserit, quia nec ipse audes.

Nimis liberalis es in toties eadem repetendo. Non me excruciauit unquam, quo nomine appellanda sint hæc inventa, neque laborare

rare nimis in re tam nullius momenti operæ pretium fuit. Placuit ductum hepaticorum appellatio, quam & recte illis, sic suadente re ipsa; impositam esse; monstrant verba Cap. 2. Pag. 249. *Itaque hæc vasa ductuum hepaticorum nomine indigitanda duxi: Et quidem ductuum hepaticorum cum & humorem ferant & ducent, & quod illum ab hepate accipiant, indeque suam originem deprimant: deinde aquosorum, quod tali humore ipsorum cavitas infarcta sit. Et quamvis non suppeteret aliquod argumentum ad defensionem nominis impositi, licebat mihi eodem uti jure quo tu Cap. 5. Vaf. Lymphat. Pag. 216. Nos, nalli nomenclaturæ adstricti, sine discrimine & his & illis appellationibus dignabimur, donec commodiora alii monuerint. Deinde mea quidem more infranitorum Criticorum arguis atque oppugnas, rationem interim non adfers, quare ego ineptè isto nomine illos ductus donaverim. Sed esto me hac in re ineptè fecisse; multo tu ineptius, qui te ejusdem erroris inscius atque & condemnas. Appellas enim hæc vasa Cap. 2. Vaf. Lymph. Pag. 196. *Ex hepate aquosos ductus.* Pag. 197. *Similes aquosi ductus plurimi visebantur portam transscendere.* Cap. 3. Pag. 204. *Aquosi ductus comitantur, vel chylo ad hepar protracto succedet serum, quemadmodum per thoracicas lacteas chylus serum;**

ferumque ad cor fertur, tumque ab inferioribus inferentur aquosi ductus & in glandulam mediam, ex qua ad hepar; & in Receptaculum, ex quo ad cor. Si sero tumidas venas deprehenderimus, mutanda erit sententia, renunciandum hepatis, dicendumque erit, aquam ex hepate ad Receptaculum commeare, lacteisque hactenus ad hepar deferri visas nihil esse prater ductus aquosos. Cap. 5. Pag. 309. Aquosus ductus sinu suo. Pag. 211 Quod aquosi nostri ductus. Pag. 214. Aqueos nostros ductus; Et alibi multoties. Deinde quoque lacteas thoracicas ductus nominas Cap. 15. Lact. Thorac. Pag. 99. Per novos ductus thoracicos. Pag. 108. Chylus ad thoracem per novos ductus irruit. Cap. 16. Pag. 113. Duplicem ductuum chyloforum insertionem. Nec in eo satis caute agis, quod non mihi tantum, sed & Viris eruditione præstantibus eundem errorem impingis. Per te enim ab illo immunis non est Cl. Dr. van Horne in ductu suo chyliifero, & Virsungus in ductu suo pancreatico, quorum posterior tamen ab humore contento denominati non meretur ex tua sententia.

Si hæc de causâ Ductus hepaticos voces, quod in hepate incipiant, cur non & biliosos, qui à vesica bilis similes descendunt, aut recti Intestini; aut hos omnes ab invicem distinxeris, quod tamen in Iliacis fecisti.

C

Nul-

Nullos adhuc ductus vidi originem duxisse à vesicula fellis, sicut hic præsupponis. Id experientia didici, ramulos quosdam ab hepate egredi & supergredi vesiculam fellis, supraque eam conjungi, & mox unum ramum cum reliquis descendentem constituere

Nam si isti a vesicula prodirent procul dubio humorem biliosum continerent & reliquorum ductuum contento dissimilem; jam vero nullam hic reperiri differentiam novitis, qui eos sæpius inquitavit & consideravit. Sic quoque ductus isti, qui quasi *immediate* venæ cavæ adhærent, & oriuntur ab infimo hepatis lobo, non statim dici ductus venæ cavæ possunt, & ab ea orti, quamvis supra eam immediate vehantur.

Nullus veterum aut recentium scriptor, arterias ductus cordis, aut nervos cerebri nominat, quamvis hi in cerebro, illa in corde orientur. Studio ineptis Budbek cum Bartholinum ducem deserui, cave ne Menalcas Maronis testis sis gravis. Virg. eclog. 3. v. 18.

Non ego te vidi Damonis pessime caprum excipere insidiis.

Affatim tua ex Vaf Lymphat. c. 5. describis, licet diversis verbis pari tamen sensu, interjectis aliquot paradoxis.

Prima horum inania ac futilia, ideoque indigna

digna refutatione sunt. Sequentibus V. in 1. & 2. membro, satisfecisse me confido.

II. *Substantiâ similia esse lacteis.*

Quoad Substantiam à Venis lacteis non differunt. *Vtique: Lactea membranam crassioremem habent, hac vasa tela aranea subtilem, ut levissimo tactu rumpantur, & effuso humore conspici nequeant, quod aliter se habet in Lacteis vide Bartholinum Cent. 1. Hist. Anat. 11. & Tulpium.*

Appositè & convenienter hæc à te dici non putabit, qui respicit ad ea, quæ l. de Lact. thorac. Pag. 61. narras. *Mirum observavimus in cane quodam satù magno & sano, septima post pastum hora aperto, ductus lacteus similimos, &c.* Ipse hic inquis ductus hepaticos lacteis esse similes, proindeque quoad substantiam non differre, quod ego ipso facto tibi, si voles, & coram amicis tuis, quos interesse volueris probabo. Cultro Anatomico enim lacteas thoracicas, & ductus aquosos a corpore separabo, ac transmittam tibi, ut appareat nullam adesse differentiam. Tu quidem primo in subsidium adducis Hist. Anatomicam XI. Cent. 1. sed gratis. Nam nihil ibi præter Historicam narrationem continetur, nulla mentione facta de

substantia lactearum. Verba tua sunt Pag. 24:
 loco citato. *In aperto enim mējenterio visa illa sci-*
licet lacteæ hinc inde dispersa lacteo succo, sed nu-
mero pauciores ob canam parcam. Cetera indagare
religio adstantium vetuit. Ad Cl. Tulpii obser-
 vationem, quam adfers haud facile est, cum
 nec verba ejus, nec locum adducis. Inter alia
 autem miror, quod cum ductus hepaticos
 quoad substantiam lacteis similes esse neges,
 eos tamen anni spatio fere pro lacteis habue-
 ris: præsertim si animadvertere discrimen po-
 tuisti, quod situm esse in membrana crassitie
 ais: neque meliori experimento dicis, vasa
 lymphatica effuso humore conspici non posse,
 quæ tamen ego penitus evacuata nihilominus
 obtuli oculis variorum testium, primum in
 Suecia, & idem hic Lugduni Batavorum; ubi
 hæc scribo. Inter illos mihi vel unum amicum
 tuum. Cl. van Horne nominasse sufficiet.
 Nam æque bene hi ductus aquosi (sive vasa
 Lymphatica) detumefacti ad oculum patent,
 ac lacteæ mesentericæ suo privata chylō.

Lactea carnem membrana ad natam habent, qua
spatia inter fibrillas replet, hac verò Vasa nullam.
Vnde excepta pia matre non tenuior in corpore pars
est, nec substantia ulli æqualis.

Si scirem ex astrorum positura & ordine
 (quorum vi influere multa, disponi nonnulla,
 mutari

mutari quædam Mathematici tradunt) profluxisse hujus aphorismi demonstrationem, emerem ejus artis ludibria, ut istorum fiderem, quæ tamen efficaciter influxere, conjunctionem viderem. Ego in trecentis, & quod excedit a me dissectis nunquam carnem lacteis adnatam deprehendi. Neque Cl. Dⁿ. van Horne, ut ex ipso intellexi, nunquam in homine aut animalibus a me diversum animadvertit.

III. *Frigida esse.*

Temperamentum ipsis frigidum & siccum assignis, qui tamen omnia calida in corpore vivente reperis, & nil nisi comparatè frigidum dici potest. Hoc statui ex communi & vulgari Medicorum sententia: ita tamen ut absolute non posuerim sed respectively, ut solent medici. Tu ipse in Anatomia reformata libello n. c. 3. de venis lacteis sic loqueris: qualitatibus primis activis frigidiores vulgatis venis, quia chylus, quem vehunt sanguine frigidior est. Passivis sicca venis tamen vulgatis humidiores. Sic & ego respectively ductibus hepaticis temperamentum frigidum & siccum attribui cum quo ad substantiam cum lacteis conveniant. Sunt enim ambæ membranæ. Quoniam vero verba tua necessario erant mihi citanda, subnotare volui compara-

tionem illam frigiditatis lactearum cum venis a Te institutam, non carere incommodo. Nonne lequitur, si venæ lacteæ frigidiores sunt venis, propter chylum sanguine frigidiorum, etiam venas frigidas esse propter sanguinem frigidum? si autem sanguis frigidus, cujus beneficio omnes partes carent, concludi recte potest, nullam partem calidam, sed frigidam esse. Præterea dicis venas lacteas esse siccas, cur non humidas? quia si lacteæ frigida sunt propter chylum, cur non & propter eundem humidæ. Verum Cl. Bartholine. Quis sensus nos ducere in notitiam istam temperamentorum potest. Vereor ne nimium hic diligentes simus, & supervacua velut aliud agendum non habentes inculcando negligamus utilia.

Nec conceditur idèd frigidum nominari, quod ex spermate generentur; si hoc frigidius sanguine affirmaveris, cum ex magis spirituosâ portione sanguinis fiat, argentum purius auro esse, facilius persuaseris.

Si animus fuisset defendere, secundum longo usu receptum medicorum docendi sententiam, spermaticas partes frigidas esse non deessent forte verba & rationes. Semen enim cum heterogeneum sit continet in se partem terrestriorem, quæ multo frigidior est portione spirituosâ seminis, inde partes respectivè
frigi-

frigida formari possunt : porro non sequitur secundum genuinam argumentandi rationem, quia semen ex sanguine, ergo ex solo spiritu sanguinis, & non ex Parte ejusdem terrestriore. Sed hic aliis principiis opus est : quæ cum hujus loci non sint, ulterius hæc non movebo, Aliàs probatu mihi haud esset difficile, nullam animalis solidam partem, carnem puta, ossa, viscera, &c. esse sua natura & per se calida, ne quidem ipsum cor, quod alio tempore, si vitam Deus concesserit demonstrare conabor.

IV. *Neutrius Parentis semen ad generationem veluti materiam facere.*

Experientiam quam tu crepas, nec viri nec foeminae semen, ad generationem animalium conferre, secundum materiam, Recordia tua destruis, sine autore, sine ad stipulatore hoc scribis, quo indicas, te, quidquid aliqua specie mentem pepulit, pro certo amplecti.

Sententiam Harvæi, quam & alii anatomici arripuerunt: non attuli, ut ipsam defenderem, sed loquens ad sensum veterum de Temperamento ductuum hepaticorum & eorundem materia, idcirco illam sententiam adduxi, ut

diffensus veterum ac recentiorum appareret. Vide P. 250. Temperamentum horum quod attinet, cum sint ex membranis confecti, frigidum erit & siccum, membranas enim crassiores spermatis partem, in suorum substantiam nactas fuisse, ab omnibus ferme Medicis Anatomicis & Philosophis supponitur: quamvis & illa opinio accuratissimis hoc sedulo Anatomicis displiceat, cum avro & corā ipsa nec viri nec femina semen, ad generationem animalium concurrere, secundum materiam perneget. Dubito itaque, num tibi hac in questione debeam respondere. Aliqua tamen probabilia proponam, ne nihil egisse videar, donec confecta experimentalis mea de generatione plantarum & animalium historia, propriam sententiam eruditis examinandam offeram.

Notandum igitur primo illud, non vere materiam totius materiali appellari, quod ipsi quoad quantitatem æquale non est. Omnes autem fere Philosophi partes spermaticas ex seminis parte terrestriore formari statuerunt, quo autem modo, prorsus ignoro. Semen enim, quod utero concipitur, ne quidem uni vertebræ constituendæ sufficit. Quin etiam si experientiæ fidendum, ne quidem uteri cavitatem semen intrat. Solus spiritus genitalis se corpori ipsius insinuat, humore postea, ut ego quidem videor luculenter observasse, foras

gas sensim refluyente, vel evaporante. Hoc modo intellexi maris semen materiam corporis vere & proprie non posse appellari. Sed neque fœminarum semen fœtûs materia est. Ipsi enim Galeni confessione, quod fœminæ semen, sive potius analogum semini habent, adeò id aquosum frigidumque est, ut nihil ad fœtûs generationem conferre possit, ut jam non dicam multos esse, qui etiam hoc analogum in fœminis reperiri negant, cum quibus tamen non facile fecerim, Quicquid sit, non alia esse partium materia potest quam sanguis si enim hic materia partium est in fœtu edito, ut esse ostendit magnum subitumque omnium incrementum; cur non item in constitutione fœtûs. Nec illud sanguinis natura impedit. Partes enim obtinet fibrosas & albas, quæ spermaticis; & rubras quæ sanguineis materiam subministrare possunt. Cum vero hic discursus hujus loci non sit, commodiori tempori reservandus videtur.

Harvæus industrius natura indagator; In tractatu de Generatione animalium hoc asseverat de cervis. Exerc. 67. & 68. qui nunquam mense Octobr. in uteri cavitate semen aut sanguinem alteriusve rei vestigium invenit, quam circa finem Octobr. molissimam, qualis cerebri est, substantiam. Quid si Natura sefellit aciem oculorum, quæ ex tenuissimis ini-

tiis, quæ in majora excrescunt miracula, producere consuevit. Non obijcio illud quod Columbus scribit lib. 12. *Anatom.* Quamobrem non possum illos satis admirari, qui cum de hominis in utero matris formatione omnia penè ignorarent, & quæ in brutis imperfectè observabant, ad hominem maximo errore transtulerant. Et paulo post: Nonnullos non rem ipsam, sed quod verisimile cuique visum est, scriptum reliquisse.

Locum ex Harvæi exercitatione 68. de generatione animalium expendisse satis, antequam describeres, non videre. Per substantiam enim mollissimam, cerebro similem, & circa finem mensis Octobris in uteri cavitate à se observatam, non intelligit semen aut conceptum, sed superficiem interiorem uteri, ut ex consequentibus & antecedentibus patet, & facile ipse dijudicaveris, si te manus tuæ deducere in notitiam talium possunt; vide quæ sunt exercitatione 69. & præsertim tractatu de conceptione Pag. 406. ubi ista repereris. Cumque adeo substantia uteri ad concipiendum parati sit cerebri constitutioni persimilis.

Agnosco & veneror gratâ mente Harvæi laborem, ut tamen omnia è tripode prolata, non accipio, quod & ipse suadet Pag. 404. In G. A. septimo die bulla utero excidunt. *Arist.* 1. 7. *H. A.* cap. 3. ex Hipp. lib.

*lib. de carn, & consuetum hoc queruntur mulieres
vitium, cum opem quarunt.*

De bullis exçidentibus, quæ adfers, incerta sunt omnia, neque enim dicis, quamdiu in utero conceptæ fuerint: nec facile dixeris, cum ne fæminæ quidem ipsæ conceptionis tempus definire certo queant. Proinde nihil inde solidi concluderis, quod eam dubitationem, quid sit illud, quod a fæminis profluit, marisne semen an fæminæ, an colliquamentum Harvæi.

Hybrida ex imparibus parentibus orti veluti ex Nigritâ & Europæâ semen materiam adfuisse monstrant. Viti & illud à Pisone l. 2. c. 17. de Med. Bras. notatum, quod merito ingenio Harvæi, & Aristotelicorum lites movere potest. In Parnambuco anno clb l3 c xxxviii. ex Æthiopisâ, & Lusitano, gemelli masculi nascebantur, validissimi, alter albâ cute, alter nigra, crispis capillis, & oculis castis.

Ratio hæc tua nulla est. Quod filius alter patri, matri similis alter. Semen ergo patris in uno matris in altero prærogativam in confirmando si obtinuit: cur non is, qui nigredine cutis, similis erat matri, mox in totum fœmina fuit, cum fœmineum in ipso semen prævaleret. deinde experimenta Tuis valde contraria multa habemus. Causam vero hujus rei, meliorem ostendit nobis Patriarcha Jacobus
ovibus

44 . INSIDIÆ STRUCTÆ
ovibus congregientibus versicolores bacillos
objiciens.

*Vis illa utriusque seminis (Harvæus ex. 69. p. 315.)
in debita materia ad certum usum reservatur. Si
hac ex utero profluxerit, aut quocunque modo perie-
rit, simul & vis illa absque subjecto consistere nequit.
Quid postea, hoc facto, membra formabit, aut spi-
ritus fermentationem suscitabit? Non necesse est, ut
omne semen maris ad uterum contendat, & cum
fæmineo misceatur, potest exigua pars illum orgas-
mum concitare (quemadmodum venenum aspidis) in
toto corpore, ut sufficiat ad motum & actum; quan-
quam hunc primis diebus sensu, in cervix non depre-
hendit.*

Ex parte hic tibi & mihi convenit. Ex parte
non. Verum est spiritum gignificum, qui que
autor est formati fætus, utero communicari a
mare. Verum est, quod utero postea concipi-
tur, & ovum vocatur ab Harvæo, si prolaba-
tur foras, nihil formari. Hoc vero quod pro-
labitur, semen esse fæmineum ut evincas, opus
tibi erit multis experimentis. Quippe obser-
vamus in fæminarum testibus sæpe humorem,
quem volunt non reperiri, neque testes vel
ante vel post congressum aliquam mutationem
pati. Verosimilius est conceptum seu ovum
illud esse partem sanguinis optimam e corpore
uteri in cavitatem pro materia fætus apposi-
tam

tam. Cujus pars spirituoso contagio maris fermentata colorem rursus sanguinis adipiscitur hoc punctum saliens est. Aliæ deinde particulæ rubescunt, & in arterias venasque formantur, quorum auxilio materia partibus conformandis advehitur.

Ipse Harvey hanc naturæ invidiam (scilicet occulta mysteria ita vocare) luget Exerc. 57. p. 257. Multa inesse antequam apparent, Exerc. 44. p. 56. Latent plerumque veluti in altâ nocte, prima naturæ stamina; & subtilitate sui non minùs ingenii, quàm oculorum aciem eludunt. Etsi vidit Exerc. 56. p. 248. & 69. p. 315. & 323. mulieribus secundo mense conceptum elapsum, ad ovi columbini molein sine fœtu, aliquando etiâ ad phasiani, vel gallinacei ovi magnitudinem, atque hoc tempore Embryonem intus longitudine unguis digiti minimi fluctuantem. Et Riolanus similia annotat animadv. Anat. Laurent. p. 670. Parum tamen hac exempla videntur probare. Vim enim hic illatam fuisse fœtui ex abortu patet, quæ si fœtum ex utero deturbare potuerit, facile & fœtus operationes ipsas turbavit, aut omnino impedivit, ut debitas temporis lineas non perfecerit. Quid si & Natura consilio illud sine fœtu, ovo analogum excreverit, ne indigestam molam foveret? Gallina subventanea ova parit, quibus aliquid analogum & fœmina possunt concipere, si
maris

maris semen femineo non sit conforme, aut in aliis debitis qualitatibus deficit. Barthol. Histor. Anat. cent. 1. obs. 4. Inanimatum etiam illud ovo analogum fuit, quia nullius puncti salientis, aut liquoris purpurei meminit Harvæus. Quæso ut potuit vitalium operationum indicium existere; cum vita abfuerit? Quanquam Harvæus ex sanguine omnia constituat, & ille sit princeps omnium partium, Exerc. 51. p. 199. & 201. & Exerc. 52. p. 216. & materia;

Quos hic adducis conceptus abortivos ab Harvæo, Riolo, & Laurentio, notatos, veros fuisse negas, & id quidem non invalide, si rati o sufficit: nam experientia in animalibus habita tecum non loquitur. Cum enim isti conceptus abortivi similes fuerint animalium, pro veris haberi, non falsis debent, quamvis gutta saliente catuerint. Neque enim statim hanc apparere necesse est, vel foetum formari constat namque experientia, quod utero conceptum est, sat longo tempore saliente puncto carere.

Cur Cor, Hepar & reliqua membra primis diebus non rubeant, sed albescant, cum ex sanguine ortum ducant?

Si concedatur conceptum aliud non esse præter partem sanguinis transcolatam & albam, opus non est ut partes ex illo formatæ rubeant, antequam pars concepti fermentatione spiritus masculi

masculi in rubrum colorem conversa, illis advehatur. Cæterum cor nunquam apparet album, sed rubrum, si vera est experientia. De hepate dubitatur, quamvis credibilis sit, a principio rubrum esse, cum conformetur ex sanguine exstillante & concreto circa portæ venas.

Præterea si semen in formatione partium non adsit ut materia, nulli etiam morbi hereditarij erunt; absque semine enim illorum contagium propagari non potest.

Imo potest. Nonne spiritus genitalis uterum fœminarum ingrediens, nec anittens naturam & qualitates suæ originis, potest sanguinem maternum sic disponere, ut morbi patris in factu post tempus se prodant. Nonne etiam matrum morbi per sanguinem fœtui communicari possunt? vitiosus enim si fuerunt reddi melior à spiritu maris posse non videtur.

Harvaus quidem nititur per contagium, & vim magneticam hac natura mysteria adumbrare. Cum autem utraque similitudo vim suam non explicet, absque atomorum materialium contactu, in debita (ut ajunt) activitatis sphaera; & conceptio paucis septimanis incerta materia animadvertatur esse facta, aliquo autore opus, qui hunc artificio reapse subtilissimæ apposuit manus. Ingeniosè laborat Deusingius hic explicare Harvaum, Dissert. de Generat. Foet. in, ut. p. 1. l. 2. §. 63. Sentit enim genituram maris

ris genitalibus feminatum partibus ritè adspergi, est
ut eo per circuitum sanguinis in universum corpus
rapi; & dispositionem suam naturam toti corpori induci.
Hæc ergo generura maris facultate corpori femineo
communicata; cur non in quavis corporis cavitate
conceptio sit, uti in stomacho, quod Salmuth semel ob-
servavit c. 3. obs. 94 corde & intestino recto, ut in
Xiphia Bartholinus Hist. Anat. c. 2. observ. 16. Aut
proprie arbitrio semen ad uterum revertitur, ex-
acta fermentatione in toto corpore, ut omissam for-
mationem instigat? Observavi in Harvard tractatu
de Conceptione p. m. 404. hanc vim utero ipsum
obferre. Utero quidem præcipue debetur hoc
negotium, citra cujus apparatus, & functio-
nem, conceptum ullum frustra expectaveris.
Videtur sane femina, post tactum in coitu
spermaticum eodem modo affici, nulloque sen-
sibili corporeo agente, prolifica fieri, quo fer-
rum magnetæ tactum, hujus statim vi dotatur,
atque ferramenta ad se allicit. Cum tamen Har-
væus sibi non consentiat ipsi, & in prioribus exercita-
tionibus ut c. 10. p. 34. Ovum non ab utero sed
interno principio generari & Exerc. 13. p. 51.
Et pullum ab interno in ovo principio effor-
mari, nihilque ovo ab incubatione accedere
præter forum & tutelam asserat: Quæ omnia
etiam applicat. Exerc. 79. p. 318. ad uterum qua-
drupedum: Neque enim uterus est fabricator

ac formator fœtus; nec quidem mater ipsa est, magis quam gallina pulli in ovo cui incubat. Quemadmodum enim pullus, ab interno agente & formante in ovo fabricatur: ita fœtus similiter, ex hoc damarum ovo conficitur. *Verum ut oculorum vigor per hujus mysterii lineamenta duci nequit ut Lucretius l. 1. de R. N. v. 258. cecinit.*

Quod nequeunt oculis rerum primordia cerni;

Accipe præterea, quæ corpora tute necesse est.

Confiteare esse in rebus, nec posse videri.

Quod & ipse Harvæus passim dicit. Ita nec paucis lineolis hoc negotium potes exsequi, cum Natura hæc secreta arcana depingat, & cum mora. Et quanquam ad has latebras perveneris, ipsas rimando & scrutando amittis.

Deusingii quam affers sententiam; nihil ad me. Ipse autor pro se loquetur. Harvæus, quam sibi non contradixerit, qui ipsum intelligunt, atque ex habitis experimentis supplere, quæ sine iis obscuriora videntur.

V. *Bene auctoritate Hippocratis Bartholinum sub pinguedine glandulas descripisse.*

In quas glandulas Vasa lymphatica ex hepate
D
repen-

repentia in transitu sub vena porta divertant, ad mentem Hippocratis Barthol. sub pinguedine diduxit, dudum ex Hippocrate lib. de Gland. didicerat, has semper in uliginosis corporis partibus reperiri. Nam glandularum integra, & absoluta materia sic se habet. Eadem quidem natura spongiosa, raræ siquidem & pingues, & neque carnem habent reliquo corpori similem, neque aliud quippiam corpori simile, sed friabilem & multis venis refertam. Quam si seces sanguis copiosus specie albus, & veluti pituita effunditur, ad tactum vero tanquam lana apparet.

Color qui huic errori anatomico inducitur, facile adulterium quid prodit, neque aliquo pacto excusari potest: siquidem & ipse numerum glandularum adauxeris & recte. Quidem hoc vero tibi si licuit, cur idem mihi vitio vertitur. Deinde secundum Hippocratem, cujus autoritas in præsidium assumitur glandulæ appellari, pinguedo non potest. Ipse enim Hippocrates distinguit, cum dicit, *glandulas carnem corpori similem non habere, neque aliud quippiam corpori simile. Quare nec pinguedini.* Quin experientia nos docet, differentiam facere inter glandulas & pinguedinem. Distinguit enim glandulas à pinguedine 1. Sensus: qui illas duras, licet pinguedini immerfas, reperit, hanc vero mollem. 2. Color: glandulæ enim sub-

rubent;

rubent; pinguedo albet. 3. Consensus Anatomicorum, qui glandulas carnibus annumerant; pinguedini vero peculiarem, & ab illis diversam substantiam attribuunt. Itaque non solum in hisce differt glandula, quæ mihi ductus hepaticos recipit, à tua pinguedine; verum etiam experientia ipsa. Multoties enim illa pars mesenterii, per quam ductus laudati transeunt, in macilentis animalibus omni pinguedine caret, glandula ad oculum subrubra & dura apparente. Glandula denique sub portæ vena à dextris sita est: pinguedo à sinistris, prout figura tua exhibet. Neque rectus dicuntur ductus hi ab hepate supra venam porta versus sinistrum ferri, ut eadem figura vult: cum constet eos, versus dextrum revolutos glandulæ nostræ inferi. Quod non modo Lugduni hîc Batavorum: verum etiam in Suecia variâ demonstratione exhibui. hæc omnia eo spectant; ut ostendam verosimile esse, nunquam te glandulam hanc observasse, ac proinde neque ductus, qui sub ea glandula delitescent, eique inferuntur, vidisse.

Vide Rudbek non his adauxisti glandulis vasa inventa, sed qua exemplo Hippocratis sub pinguedine latebant, quia non opus fuit, tu fusius descripsisti, & falso.

Cave, ne Anatomicos omnes hæc ratione

in te concias, quorum nulli non maxima laus debetur, cum minutissima quæque investigare conantur. Recte equidem Anatomici in cerebro anum, testes, vulvam, id genus partium accurate describunt, distinguunt, quamvis earum partium ulum hætenus ostendat nemo. cur capsulas atrabilarias ab aliis glandulis pancreas glandulosum à carnosio separant & distinguunt, nisi ob evidentem rei, quæ accurate discerni amat, naturam. Sed & tu glandulas lacteas ab aliis cur distinguis, si non suadente vario earundem usu; feci itaque nihil à proposito & consilio meo alienum, cum fusius hanc ductuum hepaticorum glandulam descripsi.

Tu fusius descripsisti & falso.

Mirum quam hic sui conscius animus se prodatur; vel iste locus arguit, non Bogdanum esse, sed Bartholinum, qui apologi personam hic sumsit.

Non enim semper hæc vasa in has glandulas inseruntur, sed ad latera sæpius ipsas praterreunt, quod ipse fateris, & iconi exprimit.

Vide sis verba mea Pag. 251. Vbi assero, per plurimos horum ductuum, scilicet hepaticorum, ac interdum omnes in glandulam nostram ingredi. Deinde & hæc. Hæc, (scilicet glandula) omnes fere ductus hepaticos eodem modo, ut glandula

(T. I.

(T. 1. 22.) *magna sive pancreas glandulosum in mesenterii medio, venas lacteas ab intestinis recipit atq; ad vesiculam transmittit, se penetrare finit.*

A quo quantum abest, quod mihi affingis? eos nempe ductus sæpius ad latera glandulæ ipsam præterire, Hoc enim ex mea delineatione nunquam probaveris: ductus sunt octo vel novem, qui glandulam ingrediuntur, qui eam profundius latentes non attingunt, duo tantum vel tres. Quid clarius ab ipsa figura peti potest? quomodo autem hic tua cum meis conciliabis? ut jam non dicam malevole contorsisse te verborum meorum sensum.

Nec nova est hæc glandula, quia mesenterium totum hujusmodi scatet.

Pariter non sunt nova lactea thoracica non glandulæ lactearum in homine ad lumbos sitæ, non ductus Virsungianus, non sanguinis circulatio, non lacteæ Asellii; nam & hæc ante nos omnia fuere, licet clare & evidenter non fuerint demonstrata. Singula hac ratione amittent novitatis famam, si ita argumentari volupe est.

Nec veluti glandula mesenterii major esse potest, quia hæc major est, & in hanc omnes lactea desinunt. Fic.

Quis sodes unquam affirmavit, illam glandulam esse majorem pancreate. Contrarium patebit, si denuo inspiciantur verba mea,

Pag. 253. *Hæc omnes fere ductus hepaticos eodem modo ut pancreas glandulosum in mesenterii medio venas lacteas ab intestinis recipit, atque ad vesicalem transmittit, se penetrare sinit &c.* In quibus non instituo comparationem magnitudinis hujus glandulæ cum pancreate, sed innuo eodem modo glandulam nostram in se ductus hepaticos recipere, quo pancreas glandulosum admittit lacteas.

VI. *Hæc vasa nec adeo crassa ut ureteres esse.*

Malè & hic mangonium exerces, & satis audacter, cum infra numerum quinarium hos ductus hepatis subsistere scribis, quod vix credibile.

Falleris, mi Bartholine, qui mangonium vocas, quod me experientia docuit. Patet hic ut alibi, quam parum videris eorum, quæ circa hanc rem vidisse oportebat, qui alterius observationi audet obloqui idcirco tibi id, quod dixi, de numero ductuum hepaticorum vix credibile videtur, quia non vidisti. Rogo itaque te in rem ire, & nostræ diligentia nihil concedere, ita autem, se rem, ut dixi, habere testari poterunt, qui sectionibus mense Martio Anno 1653. a me in Suecia habitis interfuere. Quibus tum demonstravi non nisi unum in eo
subjecto

subjecto ductum ab hepate ad vesiculam progredi. Quod & multo ante Anno 1652. mense Majo deprehendi ac delineavi, & in figura Serenissimæ Reginæ & Bourdelotio exhibui. Quam figuram tamen cum aliis observationibus, quas de visicula & lacteis mesenterii ac thoracicis habebam, tractatui meo inferere eo tempore non potui, propter iter, ad quod properabam.

Et quis has quisquillas admiserit, qui brutorum animalium alveos semel inspexit: hos ductus crassitiem ureterum adæquare. Seu intelligas membrana Fict. crassitiem, seu ductus, utroque fallis.

Si per crassitiem intelligo latitudinem, vix possum hic reprehendi, cum etiam tu sis ejusdem opinionis: vide Pag. 206. Nec possumus exilitati causam obscurioris coloris imputare, siquidem venule lacteæ in mesenterio multo sunt minores, aquosa contra juxta hepar crassiores. An non hic ipsemet per crassitiem intelligis latitudinem. Cæterum falsum est me dixisse, ductum hos crassitiem ureterum adæquare. Verba sunt P. 253. Infelibus, caniculis, vulpibus crassitiem ureterum non excedunt. Differunt adæquare & non excedere. Illud in genere omnes ductus ejusdem esse magnitudinis cum ureteribus dicit. Hoc vero, eosdem infra quantitatem ureterum subsistere, tacite simul arguens ductuum alios

maiores esse, alios minores, ita tamen ut nulli magnitudinem, sive latitudinem ureterum excedant, uti & verbis perspicuis explicui. Paulo ante l. citato. *Et quo pauciores eo plerique majores sunt; quo plures eo minores.* Interim vero aliquibus per occasionem demonstravi ductus, qui superarent latitudinem ureterum.

Sunt potius similes filo araneo, quod levi tactu laceratur, nec gravia sustinet, nisi falsa, qua tu ingeniose comminisceris, aut confundis.

Nec istud commentum meum est. Licebit tibi experiri, quam illi ductus non facile rumpantur, & præ aranea soliditatem ac lenitudinem habeant insignem, multoties injectam ipsis duplici modo ligaturam, unguibus rupi, ipsis non simul ruptis. Neque rupturæ metus est, nisi ab imperita & rustica manu. Tuum jam erit videre atque araneæ filum ligare possis, & ligaturam unguibus solvere, sine fili ruptione, cum quibus istos ductus non satis perite confundis.

Hem! A mesenterio membranam habere verosimile judicas, & tamen connexionem negas cum aliqua parte.

Nonne dico Pag. 254. Connexionem cum vena porta, & ductibus choledochis mediante mesenterio possident. Non hic confundenda connexio cum origine & insertione hic vero

tuus

tuus error est, quod eorundem ab hepate ortum & in vesiculam insertionem pro connectione habes. Non eodem modo recte splenica a portæ vena oriens, & lieni inserta, dici potest cum utraque parte connecti, ut cum pancreate, diligenter inter connexionem, insertionem, & originem, distinguere nos jubet partium usus.

M E M B R U M VI.

A D C A P. III.

I. Antiqui Hepar sanguificare non statuerunt.

HÆc equidem dixi, ac nihil eo in loco minus mihi propositum fuit, quam disputare, an Hippocrates, aut Aristoteles, vel alius quispiam veterum, officinam sanguinis in Hepate statuerit. Antiquorum seu veterum appellatione licuit mihi Galenum ejusque sectarios intelligere, ceu quorum placita vel imprimis hodie sequimur. Aristotelem quotusquisque Medicorum legit, quotusquisque Galenicorum intelligit? rarius ille, cui non præjudicii de Aristotele scabiem affricat Galeni lectio.

Felici perpendebas Rudbek consilium judicio cum *Fid.*
ex Bartholini cap. 7. tuum 3. & 4. caput scribe-

Fict. res, & commodè omitteres pag 39. humoris limpiditatem sine coloris tincturâ, sine odore. aqua purissima per similem, qui per tunica subtilitatem crystalli instar transparet.

Non repetam quibus commissum a me furtum esse, satis ante dilui. Continebo me intra materiam. Quod de humoris omissa descriptione mihi objicis, id falsum ostendunt verba Pag. 255. *Vbi qualitates istius humoris descriptas reperies. Hi ductus hepatici, humoris semper pleni sunt, qui in animalibus vivis, vel statim morte extinctis, colore aqueus conspicitur, sed post unam alteramve horam flavescit. Iterum ista te indiligentiæ in sectionibus coarguunt. Qui non comprehenderis humorem ductibus hepaticis contentum mutare colorem post paucas horas, fierique ex aquoso albo subluteum in aliquibus, in aliis subrubrum. Quæ omnia ego non tantum vidi, & ex meis observationibus publico communicavi. Verum etiam Doctoribus Leidensibus, etiam tibi notis ad oculum ostendi.*

Item laude dignus? ne nil videaris egisse, hepar primus sanguificationis munere spoliatus, cum dudum ipsius exsequias Cl. Viri: Bartholinus, & post illum Rolsink celebraverint; & nil utriusque opinione defuerit, quam panegyris.

Non arrogo mihi eum honorem, qui viris claris-

clarissimis jure meritoque debetur, sed quis eum honorem meretur, ego quidem hoc loco non disputabo. Id certum est, Te alieno labore partam gloriam Tibi vindicare, si hepatis exsequias primum Te celebrasse existimes. Quod si inter nos contendere debet, quis primus hepati id munus detraxerit, mihi priores debere probatu haud difficile est. Eodem enim anno & mense destruxi sanguificationem hepatis in disputatione alias nominata, quo Tu eandem acriter in tractatu de lacteis thoracis adhuc defendebas. Quo jam argumento docebis a Te primum exsequias itum hepati. De Pecqueto nihil dicam, cum uno quasi tempore, ille suam, ego meam sententiam mutaverim. Constat verum sanguificationis organum ante nos cognovisse Cl. Viros D. vander Linden, fautor meus omni observantia colendus, & Corn. ab Hogelande, quorum scripta non dubito Te vidisse, neque ego eorum mentionem facere neglexissem, si in tempore mihi illa pervolvere licuisset. Neutrum quippe vidi, antequam Lugdunum Batavorum appulerim.

Hos tu titulos mereris, qui veteres ac recentiores Medicos tum Philosophos Hepar sanguificationis organon affirmasse tradis? Inania hac veterum non sapiunt lectionem, quos infeliciter laceſis. In nullo Hippocratis scripto id pronuntiaturum est, qui aperte docet,

docet, lib. 4. de morb. p. 500. & 502. Hepar quid-
 quid bilis est trahit, Lien aquam, Cor sanguinem,
 Caput pituitam, & lib. de Cord. sub fin. Η γὰρ με-
 γάλη ἀρτηρία βόσκειται τὴν γαστέρα, καὶ τὰ ἐν-
 τερά. Hippocrati consentit Platon in Timeo, qui con-
 coctionem sanguinis venis totius corporis adscribens,
 nullam differentiam inter venas & artcrias agnoscit,
 Huic passim adstipulatur Aristoteles lib. 3. H. Ani-
 mal. c. 4. à vena cava docet duos ramos produci, al-
 terum ad omentum, alterum ad pancreas, ὅπου δὲ
 πῶτις ποταμὸς φλέβες ἀφ' ἧς ἐκ μεσεντερίας τείνεται,
 Hepati manus chylum concoquendi, prius attributum,
 cum Erasistratus & Herophilus Anatomiam melius
 excolerent, quo tot litcs inter Galeni & Aristotelis
 discipulos concitata, quas nulla ingenii vis supera-
 vit: donec Natura propitia tot contentionum miser-
 ta, feciale Bartholinum cum Vasis lymphaticis eli-
 geret. Hepatis munus ex recentioribus maximi Me-
 dici discrimina varia intenterunt: quamvis in hepa-
 te Afelius venarum lactearum, per quas omnis chy-
 lus ad hepar credebatur ferri, truncum notavisset; &
 N. Highmorus ut inseruntur figuris aeneis descrip-
 sisset. Primum tamen Riolanus ipsarum ὑπερξίν in
 hepate negavit. Post Harvey venas mesaraicas re-
 vocavit. Demum Fecquetus ob Lacteas thoracicas,
 & Bartholinus additis Lymphaticis, ad hepar ipsis
 aditum ademerunt. Considera Rudbek tuum præcox
 de antiquitate iudicium, si Pythagoram citasses.
 divi.

divinare cum ille Euphorbus esset, te Therpsitem fuisse.

Jam sæpe notavi, multa mihi per errorem & oblivionem objici, quæ alibitibimet ipsi adscribere non dubitas diserte enim in Tract. de lact. Thor. Pag. 99. ubi de hepatis actione loqueris: *Sed quantum veritas & natura permiserit, antiqua placita, sine præganti ratione, nunquam sunt damnanda.* & Pag. 111. Aristoteles ipse, cordi addictissimus l. 3. de Part. animal. c. 12. fateatur Epar post Cor omnium viscerum esse αἰμαρνώ-
τατον. Pag. 102. de Vas. Lymph. Divisique cum corde imperium in opere sanguificationis, partim antiquitatis reverentia, partim rationibus quibusdam. Pag. 148. de dubiis lacteis. *Siquidem antiquum hepati munus sartum tectumque voluit conservare.* Pag. 149. In hepate certè, in quo solo cum veteribus sanguificationem defendit: Et quare in Tract. Tuo de dubiis lacteis non moves hanc litem Cl. Riolo, quem Tibi adversarium habes. Vide Pag: 179. Everti antiquam medicinam quaritur Cl. Riolo, impugnari artis nostra antesignanos, Hippocratem, Aristotelem, Galenum, aliosque qui hepati benè habenti sanguinis confectionem consignarunt an assignarunt? Hæc singula quomodocunque explices ostendunt antiquorum appellatione eosdem tibi & mihi venire, atque adeo injuria me damnari.

Pro-

Protèrvè Anatomicos celebres maculâ notas. Quæ enim Veslingius & Highmorus delinearunt, non nervuli fuere.

Revoca primum Tibi in memoriâ, quæ Pag. 132. Tract. de Lact. Thor. scripsisti. *non dubium est sapius hujusmodi canales visos, sed vel pro nervis habitos, vel venulis inanitis &c.* Hic ipse Cl. Vir celebres Anatomicos maculâ notas, nempe quod lacteas thoracicas antea quidem viderint, sed pro nervis habuerint. simili argumento & ego usus sum, sed paullo fortiori, quod tamen non adduxisti, sed præterieras. Cum illud refutare tibi impossibile erat. P. 258. *Quæ autem Veslingius in figura factus dissecti apposuit, & Nathanaël Highmorus elegantissimis delineationibus illustravit, nervulos fuisse existimo, quippe cum illa, nec stylo, nec inflatione, nec ligatura, nec denique motu humoris probaverint.* Absurdum esset excusare hos viros, propterea quod vasa illa existimaverint venas lacteas esse, nam venæ lacteæ nunquam in pancreas carnosum inferuntur: neque interpretatione ductuum hepaticorum molliri eorum sententia potest, quandoquidem nec illi ad pancreas tendunt. Falsum quoque illud est, ductus hepaticos venam portæ ambire instar annuli, falsum inquam est, ac nescio unde acceptum. Neque me Cl. Highmorus moratur, qui ita tabulis suis incidi curavit.

curavit. Multo minus Tu, qui & ubique idem inculcas. Pag. 197. *Simles aquosi ductus plurimi visabantur portam transcendere annuli inst. t.* Pag. 199. *Aquosa hac vasa similem in modum observavimus, hic variis cum porta annulis connexa.* Pag. 204. *Vidimusque ductus nostros novos annulatim portam amplexentes.* Pag. 219. *Maxima pars annulari forma venas ambiunt.* Pag. 220. *A cruribus eodem modo permulta adscendunt, socia vena cruralis & Iliaca, quam ambiunt modo arte modo laxa, circulatorum instar, &c.* Rursus Te provo-
 oco ad opus, quo si veneris ea dexteritate, quæ nisi industria & diligentia non acquiritur, certus sum alio, præter Te iudice opus non fore, ad damnandum Tuum hoc præfestivum iudicium. Denique quod semel notari debet, neque Veslingii, neque Highmori, neque Tua Bartholine vasa unquam sic apparent, ut in figuris vestris descripta sunt. Nam si ductus nostros, etiam vos vidistis succo plenos, quare nodos, qui tanto in iis sunt numero valvularum testes non effigistis, Quod si repletos non vidistis, qua ratione delineastis, cum ut ipse fateris Pag. 218. *Inanita non videntur.*

Quod *nervulos* attinet, per illos nihil aliud intelligebam, quam fibrillas tendinosas & pingues, quæ semper apparent in membranis, præsertim aliquatenus pinguibus.

*Tot nervos non habet hepar, sed fuerunt Lym-
phatica vasa, quæ Lactea cum Asellio crediderunt.*

Nulla mihi hic conciliatur invidia. Nemo enim non ex affectu ista prodiisse videt. Cur quæso hic dicis Vesslingium & Highmorum hæc vasa vidisse, cum alibi in tractatu tuo de V. L. Pag. 218. Id neges. Nostra scilicet Lymphatica, cum liquore in auras videntur evanescere, ut præter venas sanguifluas nihil compareat. Quæ causâ est, quod hætenus in cadaveribus observata à nemine fuerint. Pag. 195. Hic annus majora prodidit, quæ Anatomicorum, quotquot secula cuncta suspexerunt, hætenus oculos effugerunt. Rursus si tibi hoc concedam, quod apertè negavi, & adhuc nego, Vesslingium, & Highmorum hæc vasa vidisse, nihilominus frustra est tuus conatus de vendicandis Tibi vasis lymphaticis, quia vel Te confitente, illi vasa ista invenerint, quamvis pro lacteis habuerint, sicut & Tu An. 1652. docente id a capite ad calcem, tuo de Lact. Thor. tractatu. Si vero propterea negas, illos viros habendos esse pro primis inventori- bus, quia vasa illa pro lacteis habuerint, neque Tu Tibi potes attribuire eorum inventionis laudem, qui etiam ut Tua ipsius verba ubique testantur, tunc temporis, nempe Anno 1652. pro lacteis illa habuisti.

II. Rud.

II. Rudbek neque lactearum neq₃ Thoracicarum est autor.

Tuâ ne operâ Medici se omni anxietate expediverunt Anno cl^o l^o c l^o ? Testibus tibi opus, cum vitulos de hac re, testes constituas. Altum silentium hujus ductus lactei, ullone scripto illo anno detexisti ? Miris modis ludos facis, Doctus, qui serum pro lactea vendis chylo, & tuas tenebras aliorum lucem esse gloriaris.

De Vasis Lymphaticis jam antea in generalibus satis probavi contrarium, unde ad ea lectorem remitto. De Thoracicis non moveo litem Cl. Pecqueto; quod & ingenue confessus sum in epistola ad D. Hemsterhuis. Non sum gloriæ ita cupidus, ut pro meis venditare velim, etiam ea, quæ mea esse vix dubito. Hepaticos non solebam NOSTROS vocare; & videri velle alios excludere a participatione laudis, quam uno tempore variis locis, variis, & sibi invicem ignoti merere possunt. Non testes, non advocatos sollicitare opus habui, more eorum, qui plus præsidii in aliis quam semet ipsis inveniunt. Quid illi, quos producis testari possunt, supra id, quod Te ductore viderunt ? At vero cum certum mihi sit & Tibi, præsentium Tuorum rubore ausim ostendere, Te, aut
E omni.

omnino non , aut tum saltem non bene ductus hepaticos vidisse : quid Te juvare astantium tantum non cæcorum testimonia possunt ? quantum enim abest a cæco, qui putat se videre , quod non videt ? inter testes tuos productus est Doctiss. Dⁿ. Wormius junior, qui tamen rogatus secundum Tuum ductum, vasa hæc ostendere negavit se posse , meamque operam postea sollicitavit.

Interim ingenium sagax miror tuum.

Qua ratione mirari potes ingenium ejus quem non novisti ? sed ut honori tuo consulas, suppeditabo tibi notitiæ mei argumentum. Annum ago 22. & jam meo Marte sine Doctore (præterquam eo, qui pro suo beneplacito, hominibus distribuere dona solet) perdidici 13. artes, quarum vel una occupare meam ætatem potest. Hæc Deo meo accepta refero, neque nisi in ipsius gloriam dico. Absit enim ut in alio, quam Domino meo glorier.

Qui in vitulo motum cordis omni sanguine evacuato observas ; cum præstantissimi Medici & Philosophi, motum cordis propter sanguinis affluxum fieri doceant, & quod primo intuitu in vitulo lacteas Pecqueri, & glandulas observaveris, aut quod anno cl^o Id^o c^o LI. in fele saturâ, perfectè secundo intuitu omnem difficultatem, tot ligamentis injectis, sustuleris. Vnde noveras in hac operatione primâ,
ligan-

ligandas fuisse axillares & jugulares venas, quo citius negotio expedito; videres quomodo per venam cavam, chylus infundatur in dextrum cordis ventriculum, & illud de albet, qui tamen perpetuo ruber apparet.

Plane nullum est argumentum; quod hic profers, præstantissimi Anatomi, Medici, & Philosophi non viderunt motum cordis sine impulsu sanguinis: ergo sine illius impulsu non fit. Cur non sic Anatomi omnium sæculorum oculatissimi non viderunt in homine lacteas thoracicas Bartholini: ergo non dantur. Quod ad rem, vidi non semel moveri cor sine sanguinis impulsu. Aliquando exsectum 200. aut 300. præterpropter pulsus edidisse, quos & aliis videndos præbui. Probavi sic fieri posse in disputatione de circulatorio motu sanguinis. Neque tamen hoc ita universale esse affirmo, ut semper & in omnibus subjectis fiat. Neque opus esse arbitror modum sectionis dicere, cum satis vulgaris sit. Invektivæ Tux nihil ad me; hæc talia tibi habe.

Parum juvat tecum contendere qui in Chronologia, quam texuisti te convincis. Anno clō lō c l. tantum vesicam Chylosam in vitulo subditio, non ^{Fict.} serosam vidisti. In seclō lō c l. de eadem loqueris; nihil de serosis; quamque clō lō c l. ^{Fict.} Regina monstravisti.

Pudet jam pigetque inanium istorum; Non sequitur, quia eo in loco (cap. 3.) non feci mentionem vasorum serosorum, propterea mihi tunc incognita fuisse. Loquebar ibi de vasis lacteis, non de ductibus hisce, qui ab illis mihi distinguendi erant. Quod vero & lacteas & ductus hepaticos eodem tempore Sereniss. Regina ostenderim, colligi potest ex cap. 2. & 3. & epistolâ ad D. Hemiterhusium. Sereniss. Regina enim nullam sectionem Ubsaliae, præter unam illam, quam eo tempore institui, viderat, cujus rei testes vel mille produxero. Porro ubinam ego unquam in toto tractatu meo distinxi inter vesiculam chylosam & serosam, quod mihi affingis?

Fict. Attamen c. 6. in eodem vitulo, & ovæ serosa vidisti, non chylosa.

Egregia illatio: satisne præmissa existimavi, ut sic concluderes? duo mihi sub cultro vituli fuere, unus Anno 1651. alter 1652. 8. Febr. in priore ductum chyli ferum vidi primum: in posteriore vasa serosa circa æsophagum: hoc reperisti cap. 3. & 6. quid ergo est illud: *in eodem vitulo?* non putasti, credo, eundem vitulum in sequentem annum me servasse, ut in eodem vasa serosa viderem, in quo ante tot menses vidi ductum chyli ferum. Dicat quispiam atque hæc inter se convenire queant, an
non

non potius inconstantiam in fingendo arguant?

Cruralia vasa serosa te primum affirmas vidisse clō lō c LII. idē in epistola, & passim te ante Bartholinum inventorem gloriaris, qui tñ. publice clō lō c LII. de ipsis locutus est in Historia de lacteis thoracicis. Legisti istas Thoracicas Th. Bartholini ut fateris; ibidem tamen ter fieri mentionem vasorum serosorum astutē retices, ut primus videaris esse repertor.

Argute hic annus judicatur, mensis reticetur. Itane palpum te obtrudere æquis judiciis posse putas? videant illi, quid scripserim Pag. 287. Anno autem 1652. 6. Martij bis eodem die in ore &c. Qua periodo diserte dixi me cruralia serosa jam tum vidisse. Constat vero, neque negas uspiam, Tractatum tuum de lacteis ejusdem anni mense Majo primum esse editum. Quem & primum in pundinis Holmianis ad festum Michaëlis celebrari solitis apud bibliopolam Hamburgensem reperi. Quomodo ergo ex Tuo Tractatu ea habere potui? nisi forte inversa supputandi ratione secundum Kalendarum ordinem, etiam retrogrados facias. Mirabor, quem huic versutias inventurus Quintiliane colorem. Quod vero serosa cruralia attinet, certus sum nunquam eā ratione reperiri, & ausim quovis

E 3

pigno-

pignore certare tecum, in æternum non sic illa te demonstraturum. Pudere te debebat figmentorum. Fides Anatomicorum oculata est, credit, quod videt. Quo ne vero existimes hæc fervore quodam dici, si grave tibi futurum non est, aut indignum splendore nominis tui, congregicum juvene, & titulis nondum onusto, sistam me tibi, & coram æquis arbitris, rerumque gnaris in arenam descendemus. Tuam figuram quod attinet, videtur ea ad Idæam Platoniceam potius ficta, quam descripta ex libro naturæ. Neque enim prius ostendis unde oriantur dextri lateris serosa cruralia. Gravis deinde error est, quod ea venas Iliacas instar annuli cingentia facis. Tertio, quo tendant, ubi inserantur, neglexisti dicere. Quod ad eadem sinistri lateris vasa, vel sola hæc imperitiam tuam arguunt. Inde enim à crurali sinistra in emulgentem deducis. Id sicuti absurdissimum est, ita non facile conjecero, quo fine aut animo feceris. Non hæc encheirisis tibi dictavit; quin hæc sola figura luce meridiana clarius facit, nunquam te serosorum insertionem in vesiculam chylosam vidisse tuo Marte.

Fiã. Scimus, te hoc vadum, sine Bartholini tractatu de Thoracicis, transire non potuisse, ut omni laude dignus Bourdelotius, de te, si tu Professor eo tempore fueris,

fuero, Anno cl3 13 c. LII. 18. Maji. ad amicum scribit. Dum multa de Bartholino Serenissimæ Reginæ retuli, muneris illud mei fuit, id debebam veritati non amicitia, Gaudet Regina habere in vicinia virum, in anatomicis sectionibus insignem. Virtus ejus de quâ mirifica dixit Regina Professoribus Upsaliensibus, fuit encentivum ipsorum animis, qui jam sedulo sectioni animantium incumbunt. Aliquis ex illis eandem observationem de Thoracis Chyliferes fecit, ignoto Pecqueti nomine, sic enim asserit. Hic Bourdelotius cujusdam meminit Professoris, non tui, nisi te emeritum Professore dixerero, qui jactas te chylosam Pecqueti vesiculam præsentem Serenissimæ Reginæ indicasse. Fumosam si dixeris imaginem te conspexisse lacteam credam, non hujus liquoris candidi receptaculum. Similia Deussing. annotat s. 3. §. 98. in Dissertatione de lacte Groningæ cl3 13 c. 1. editâ. Cum aliquando discipuli mei aliquot catellum vivum (marem non fœmellam) secuissent, post largam hæmorrhagiam, extincto jam animali, deprehenderunt ad jugulum ipsius (scilicet ex ipso Thyro) magnam lactis purissimam copiam effluxisse. Viderat hunc humorem candidus Vir prius forsitan ipso Pecqueto, quia tamen fortuito & fortuna arbitrio Pecqueto fama concessit; hanc ipsi non invidet, qui aliena non desiderat. Procul hac

*invida calamitas ipso est, qua te Rudbek inundat,
& si perrexeris, ut cœpisti, suffocabit. Absonâ fide
tuam semper vulgasti famam, & chartam: modo
hanc vendas, quamvis rem ipsâ involvus alienam.
Cave ne corniculam cum in publicum prodiveris
agas:*

Ne si forte suas repetitum vnerit olim
Grex avium plumas, moveat cornicula
risum
furtivis nudata coloris.

Horat. lib. 1. c. 3. v. 18.

Quibus exornatam ceteris se anteferebat avibus.

Ad transeuddum hoc vadum, nullo mihi
opus Duce sint. Erant aquæ ubivis lymphidæ.
Non sum Cl. Bartholine Doctor ex libro.
Quam habeo secandi peritiam, genius meus
me docuit. Et facile conjeceris habuisse me,
quamvis viginti annorum juvenem mei fidu-
ciam, cum ausus fui periculum facere coram
S^{ma}. Regina, & nobilissima optimatum eru-
ditorum corona. Hoc vero periculum, quia
feci mense Aprili, jam toties dicti anni 1652.
facile liquet absque te adiutore tentasse nego-
tium. Quanto vero similis est, rumorem
hujus sectionis, & per eam inventorum per-
venisse ad tuas aures? hinc studium tuum, quod
novitatum inventionem prurit, fuisse excitum
ad aliquid temere conandum, honoremque
lumen-

fumendum, quem alius sua industria mēruisset. Suspicionem auget epistola Cl. Bourdelotii, de rebus à nobis publice ostensis scripta ad Cl. Langelotium Ducis Holsatiæ Archiatrum. E quo te quoque accepisse, quæ in Suecia fuerè, quamvis à ignoto tibi gesta, nulla videtur dubitandi causa subesse. Sectioni de qua jam toties dixi, Cl. Bourdelotius non interfuit. Professor cujus meminit, Cl. Dn. Olaus Stenius est, qui me aperiente canem, & monstrante, quæ ante inveneram, sermone ea explicare dignatur est, & coram Smæ. Regina, regnique proceribus non paucis, cum Cl. & Nobilissimis Viris, D. Wullenio, D. Sparmanio, ac D. Bronisio Smæ. Reginæ Medicis excellentissimis, de usu omnium horum inventorum, eorumque officio hepatis, lienis, cordis, aliarum partium contulit. Ego me Professore nunquam jactavi: neque si essem, hoc titulo superbirem. Ausum tamen cum aliis, & tui similibus congredi. Jam dixi tibi, si libet experiri, sistam me tibi, & forte docebo, quæ ignoras. Hæc mihi modestia mea non ex presfit, sed tua arrogantia, qua satagis persuadere mundo eorum te autorem esse, quæ etiam hætenus perspecta non habes.

Si cl. l. c. l. anno primus quæ Pecqueti aut Bartholini sunt perlustraveris, cur lustrum in silen-

*zio tranſegifti? aut tibi immodicâ ſilentii diuturnità-
te invidiam auxiſti? Qui per aliena adſpiras ad glo-
riam, nunquam celare potuiſti hanc Natura gratiam,
quam grati in te pradicaremus, quod humilis anima
induftria pramium decernat.*

Niſi pruriſſet tibi manus ad convitia, non
toties ſupervacua inſperſiſſes. Oſtendi dudum
cauſam in epiſtola Tractatui præfixa. Jam an-
te monui, non paucos præclaros Viros etiam
ante ſectionem publicè habitam, monuiſſe
me, ut ederem ea, quæ inveniſſem. Verum ra-
tus properandum non eſſe, ſecundis curis, no-
visque obſervationibus ſuperinductis, malum
maturum quid & lucè dignum proferre. Nihil
enim inſulſius videtur, quam omnem accaſio-
nem, in publicum prodeundi arripere, & vel
nugis venditandis famam aucupari. A quo
quantum tu abſis hiftoriarum Anatomicarum
centuriæ teſtantur. Mihi nefas fuit conſpur-
care chartas, crudis quibuſdam & incertis
obſervationibus, quarumque notitia vix una
conſtet experientia. Mos iſte eorum eſt, qui
ut alios præveniant, & famam inventorum
ſibi vendicent, temerario auſu diluta, atque
ridicula proponunt. In quos convenit Poëtæ
illud:

Parturiunt montes, naſcetur ridiculus muſ.

Hujus farinæ ſunt lymphatica, quæ in uno

Jano

Jano vidisse jactitas, videris ne tamen valde & merito dubito. Qui enim in vivo animali ea non, ut oportuit, vidisti, quomodo recte videre potueris in homine mortuo? Quare non facile tibi, nisi veterioribus argumentis, & melioribus demonstrationibus convictus, inventionis laudem cedam.

Ideonè credamus tibi, quod hac temereingas?

Pecquetum quando tu primum legeris, mea non interest. Tuarum partium erat probare, eodem tempore a me quoque eum esse lectum, & lectione ejus instructum venisse ad opus, & que debere, quod non debeo. Pecquetum mihi primo utendum dedit mense Junio Anno 1652. Nobiliss. Dn. Sparman Reg. & civitatis Holmenfis Medicus, ut viderem, num convenirent ipsius observationes cum meis.

Pari animo fallis, qui mense Septemb. anni cl5 l5 c 111. Lactæas Bartholini vulgas, quæ Majæ ejusdem anni in Angliam ad Harvæum & Highmorum perlata, Londini impressa, & in Sueciam Bourdelotio aliâ quoque Majæ transmissa, quæ postea Vpsalienses Professores commovit, diligentius Sectiones animantium obire, & ipsum tractatum Bartholini de Lacteis, mense Junio in mercurialibus consuetis examinare.

Ego Anno 1652. tota æstate una cum Cl. Bourdelotio vixi in aula, simul adhibiti ad publicum

blicum negotium, utrique nostrum a Sereniss. Reginâ impositum, quo tempore nullam mentionem fecit Tractatus tui, ut & nemo alius ante nundinas Holmenses. Nimis hoc scopiticum est, quod Ubsalienfes Professores commotos scribis ad diligentius sectiones animantium obeundas, tum demum, cum tuum de lacteis scriptis vidissent. Quasi vero non tam doctos Viros Ubsalia habeat ac Hafnia. Illud vero falsum esse ad ravim usque dixi & ostendi argumentis insolubilibus.

III. *Qui usus hepatis ex Bartholino exscripsit.*

Hermotimi anima relicto corpore errare solita, ut quidquid alibi ageretur, è loquino annuntiaret, quā nisi à presenti nosci non possent, Plin. lib. 7. cap. 52. Metuam ne idem tibi contigerit transcribenti in hoc caput.

Vsum hepatis primarium Pag. 57.

Manifestus error, & ad nauseam repetitus ac refutatus. Impossibile fuit me tua verba ex Tractatu de vasis lymphaticis. Anno 1653. edito, exscripsisse, qui jam ante Anno 1652. 18. Maij in disputatione publica, negaverim hepar esse sanguificationis organum. Vide dedicationem istius disputationis ad Sereniss. Regi-

Reginam, ubi animadvertes manifestè officium hepatis.

II. *Vsus.* A partibus nutritiis sive hepate, sive vesiculâ bilis exundantem humorem aqueum peculiaribus vasis infusum ex cap. 6. pag. 41. Plurimum hujus requirit sanguis, cum fluere, cum reliqua elementa sensus latere debent, aut totum corpus laxare, quò minus morbis succumbat. Facile corpus rarum multos vapores insensibiliter, vel sensibiliter aquam exspirat, teste Hippocrate lib. de Vict. in acut. p. 382. Si portio aliqua supersit, Natura ductus construxit, in quibus ad majores usus reconditur, post in vesiculas chyli infunditur, ut tenuitatem meliorem addat chylo, non fermentet, quia expers aciditatis est.

Tantundem in hoc est ponderis & rationis. Ostendi hunc usum in sectione publica, toties nominata Anno 1652. tractatus autem tuus de vasis lymphaticis, qui usum hunc describit, lucem demum vidit, anno sequente 1653. quomodo ergo hic plagium committere potui, & tuum suffurari? vereor, ne hoc mendacio tuum reatum tegas.

IV. *Falsò affirmat Hepatis ruborem à sanguine dependere.*

Objicis quod falso affirmaverim hepatis ruborem à sanguine dependere. In hac lite plus est

est verborum, quam sensus: aut enim ignoras naturam hepatis, aut inani studio multiplicas controversias: statua ex creta facta nonne albescit à creta? quod si quis molestè curiosus quærat, cur statua albeat? respondetur optimè & brevissimè, quia ex creta est. Cur à creta albeat respondentem dicere non incumbit, quia hoc non est in quæstione. Tuum erit applicare ad hepar.

Heraclitus ex liquidâ evaporatione, in solis circuitu inflammata, diem faciebat, Diog. Laert. lib. 9. pag. 365. Sic tu Rudbek vapores quoscunque affers, solem putas esse clarissimum. Quomodo convenit Veslingio tua expositio: Hepar in quibusdam animalibus album vel flavum est, utcunque rubicundus sanguis occurrat: addis opportuna quia flava ac atra bilis sanguinem copiâ excedit. Vitulâ dignus es, qui sætus hepar flavum ob flava bilis copiam asseris, aut album ob aquam.

Imo quomodo conveniat mea expositio, in posteriori membro ostendam.

Videmus in ovo sanguinem rubrum palpitare, nullam tamen aquam, nullam bilem flavam acies oculorum assequitur, & in aliis adultis idem conspiciuntur, tamdiu, quamdiu per portam acidum fermentum ad hepar non fertur. Si hoc fermentum cum sanguine perfusum, in hepatis effunditur parenchyma, statim

tim ipsi ruborem conciliat. Spiritu vitrioli Syrupis affuso, extemplo illi rubescunt propter salis acidi admissionem. Idem fieri in hepate propter fermentum lienis. Quare si id deficit natura instituto, vel nondum perfecto liene, facile patet, cur hepar alium colorem sortiatur. Si quoque id à morbo aliquo vitiat, totius corporis color luridus evadit.

Sanguinis atque viscerum ruborem à lienis aciditate dependere; ac proinde necessarium esse, ut lien primo conformetur absurdum est. unde enim punctum saliens rubet, quod ante lienem existere non audebis negare. Cujus deinde observatione constat, lienem formari ante cor, sanguinem quoque a liene exire, & huic contendere in cor pro tinctura. Melius de his in Anatomia tua Reformata. l. I c. 14. Pag. 87. Color epatis sani rubicundus; si vero omni sanguine destituatur, aut decoquatur; recte cum Gordonio dicendum, subcandidam esse, sicut in Embryone, antequam affusio fiat sanguinis. Et paulo supra. Epar, Substantiam habet rubram & mollem [ut bacillo dequassari possit & separari à vasis intertextis, sive cocta, sive cruda] vasis circumfussam, instar sanguinis concreti, unde *παρέρχουσα* dicitur, id est, affusio, quia affunditur vasis, & spatia inter hac replet. Pag. 91. Ruborem autem se. Cbylus parenchymati similem, non tam ab hepatis carne sola acquirit, quæ ipsa sanguini affuso suum debet

debet colorem. Hic satis apertè dicis hepatis ruborem à sanguine dependere.

Bartholinus Anat. Reform. lib. 1. c. 14. p. 91. ruborem hunc deduxit à luminis naturalis copia, quod veluti peculiare elementum omnibus mystu inditum, tribus libris de Luce animalium eruditè demonstravit. Consentiret Platoni Bartholinus, si lucem ab igne non discrevisset. Platoni enim in Tymao rubet sanguis ab impressione ignis, & hepar quoque, propter illius majorem copiam. Cæterum obstat Platoni, non omnia rubra calere, neque calida rubere, ut in aquâ ferventiprehenditur. Cum tamen Rudbek non disputes à quonam rubedo sanguinis dependeat, sed hepatis, satis quod licuit de his disserui.

Requireret hoc peculiarem discursum, quo probare possem evidenter, colorem sanguinis rubicundum nunquam dependere a lumine. Sed quia id non patitur instituti mei ratio; superfedebam huic quæstioni. Interim quid color? quid lux?

V. Et quod Atrabilis naturæ instituto generetur, quæ serum est, quod atrum sit à tincturâ purgantis.

Hepar rubicundum esse, quorum sanguis
nec

hec tantâ copia, nec tam flavâ ac atrâ bile conspersus est. Factum. Rudbek magni beneficii existimas aliquo conatu exsolvere; Ided humorem siccissimum atram bilem masculè defendis ut naturalem, quod viscera tua totum livore infeceris, ut aliorum existimationem facilius maculares. Materia tot Medicorum industriâ, & ut morborum mater fecunda nota, à nomine tamen in aliquo loco cum commodo visa, aut reperta insanus est. Tu primus (si Deus placuerit) omni sanguini eam admisces, quasi Natura te interprete aut arbitrio, sua opera administraret. Galenus l. 2. Nat. Fac. c. 9. Distinguit atrum succum ab atrâ bile, quod ille ad commodum natura, hac ut noceat generetur; & Com, 53. aph. 6. abusivè atram bilem concedit Melancholiam vocari. Illius varia symptomata exprimit, 23. aph. 6. 2. aph. 4. & Hippocrates etiam, cum in utero existit, lib. de Morb. p. 666. quamvis illam videatur inter naturales humores resensere, quem tamen librum de nat. Homin. idcò pseudohippocraticum vocat Hoffmannus l. 2. Instit. c. 12. §. 3. & l. 2. Instit. c. 2. §. 5. & nil nisi nomen Hippocratis præfixum habere putant alii. Sunt non pauci qui locum dictum acriter defendunt, quia in omni coctione duplex excrementum docent esse, crassum & tenue. Hoc flavam illud bilem dicunt atram. Quid si crassum excrementum sit bilis flava, & tenue lymphæ Bartholini? Multa mala quæ ab atrâ bile proficisci statumus;

melius obstructis lymphis explicantur, cum lividum colorem conspiciamus; ad quem ille prona naturâ esse videntur. Idem quoque docent atrum humorem catharticiis medicamentis, iisque certis expurgari. Non egero, quod Natura vitiatâ sit, illud saltem moneo, non purgari alium humorem à rhabarbaro, alium ab agarico, alium ab epythymo. Sed, fermentato sero eoque à sanguine secreto, vellicare vasa, ut noxium succum expellant. Veluti ventriculus digito vel penna irritatus evomit superfluos humores. Nec colores variis excretis humoribus attribui possunt, sed medicamentis, à quibus illa tinctura proveniunt. Vnde myrobolani, pro diversis coloribus, dicuntur diversos humores educire, & rhabarbarum quod flavos humores educit, si sub salis forma exhibeatur, non expurgat flavum, sed serosum duntaxat humorem, quia eandem tincturam non habet, quam habuit integrum; cum tamen maxima vis purgandi in sale consistat. Insuper xialappa diversis temperamentis æquali effectu, & in iisdem individuis in diversis tamen morbis exhibetur. Id non eveniret, si à peculiari qualitate ille humor, vel iste expurgaretur. Vide plura apud Calium Aurelianum l. 1. Oxeon. c. 6. & Rudbek errores, ex quibus te manu subtraxi.

Sufficit mihi pro responsione ad huic §. & defensione meâ propositionis clarius ante mihi dictâ explicasse. Per atram bilem nihil aliud intelligo, quam bilem naturalem, quæ
in

in aliquibus, vehementia caloris secundum Medicorum opinionem adurit. Multoties enim in vesicula fellis, apparet bilis non flava, interdum æruginosior, interdum atrior est. Non hic intelligo Melancholiam, non capsularum atrabilarium succum, neque bilem ventriculi adustam sed id denoto, quod experientia crebra me docuit. Neque hoc sic accipi velim, ac si bilis hæc quantitate excedat totam sanguinis massam; sæpe enim hepate plus bilis reperire est, quam sanguinis. Hepar cum dico parenchyma potius, quam vasa majora intelligo. Non potest non hæc caro tingi flavo colore, quoties bilis per eam sequeltranda versus ductum choledochum, vel quantitate exsuperat, vel qualitate peccat. Eadem mens mihi in expositione verborum Vesslingii constat certè parum ex Gummi Gambodia, sive ut vulgo, Gutta Gamba, posse sic satis multum aquæ suo colore inficere parumque bilis urinam tingere. Sic & Hepar à bile quantitate vel qualitate peccante vel alia de causa tingi à ratione, & experientia alienum non est. Sæpe animadverti hepar flavum aut atrum, aut æruginosum; ejusdem coloris humore vesicula distenta, ac nihilominus secto hepate, sanguinem ex vasis fluxisse, non bilem, non obstantè, quod totum parenchyma flavo colore

tinctum, bilisque plenum esset, quæ per copiam vel crassitiem aliasve qualitates secundum naturæ leges filtrari & secerni non potuit à massa sanguinis. Ipsemet denique duplicem statuis bilem l. 1. Anat. Reform. c. 15. p. 95. *Profundit enim canalis crassiolem & fœculentam bilem (quam ego atrum appellavi) vesicula vero continet tenuiorem & magis flavam.* Sed tibi serum atra bilis est. Quomodo autem? Bilis enim secundum Medicos naturaliter flava est & calida: serum vero aqueum, & temperamento frigidum: medici quoque atram bilem generari ajunt à flava, à qua serum non provenit, nisi forte tua autoritate putes recte sero dari nomen atræ bilis. Prætereosciens cætera, quæ in illo paragrapho de purgantibus adducuntur, cum hujusfori non sint.

M E M B R U M VII.

A D C A P. IV.

Fig. Convincitur Rudbek quod exscripserit caput hoc, ex Bartholini Vasis Lymphaticis.

Quereris Rudbek hepar variis morbis affligi. Tu tamen magis duris excruciaris, ut ambitione, invi-

invidiaque nimia. Hac vitia te non patiuntur sanamentis esse, quibus nunquam aliena fors convenit, quam tu maiorem cupis, quo indignior es. Non intelligebas felicitatem tuam, cum in hoc capite Bartholini nomen, aut Vasa lymphatica praterires silentio. Impudens votum! aperta fraude obscurare famam Clari Viri. Docuit Bartholinus qualem, & qua ratione usum Vasa lymphatica praestent in hydro-pu generatione, & quantum constat, & te prius docuit, c. 7. p. 49. Vaf. Lymph. Obstructis venis Lymphaticis quando liquor tenuis à partibus non separatur, oritur Anasarca vel Leucophlegmatia, vel quando impedito per hos transitu, ad venas ire cogitur, Ascitidem excitant, vel quando ob tenuitatem tunicae à copiâ vel liquoris acrimoniâ, vel incumben- tibus gravioribus rumpuntur corrumpunturque, in cavitates vicinas, seu abdomen seu thoracem effluit aqua, maximi morbi causa. Et quos alios morbos in hoc caput ex citato loco transcribis. Quis hoc te Procrustes docuit? Ille quidem prado insueta crudelitatis, obvios insidiis interceptos suo grabbato applicabat, & si proceriores essent, amputatis pedibus decurtabat, si brevior corpufculo, funibus alligatos, intollerabili nervorum tormento extendebat, Plutarch. in Theseo. Hoc facis qui scripta Bartholini miserè torques & laceras.

Non repeto quæ prius satis, ut confido,

sunt discussa, & refutata. Lege totum cap. 4. & confer cum iis quæ cap. 7. pag. 49. adducis.

Quod ad usum lymphaticorum attinet, præsertim in generatione hydropis, dubitari potest, an talis obstructio, qualem ego vidi & descripsi, cap. 4. pag. 271. unquam observata sit a te; nullum enim adfers experimentum. Nec interim cessas jactare, me ex tuis totum exscripsisse caput. Qua porta quæso? nam meorum ne vestigium quidem in tuis erat.

M E M B R U M VIII.

A D C A P. V.

Fig. Ex quo Bartholini loco descriptum sit; & Paradoxum Mesenterium omninò esse liberum, indicatur.

ET ne hoc quidem caput ex tuis descriptum esse, satis superque in præcedentibus probavi. Videamus interim quibus argumentis nitare.

Nil hic nisi pridiana & frigida fercula, quæ olim Roma in peculiari foro vendebantur. Quæ te ubique Bartholinus, & hic c. 5. Vasc. Lymph. p. 32. &c.

12. Tho-

12. Thorac. Lact. p. 37. quoque adjuvat. Non adscribo verba, ne quis facile tristem ferat sententiam, & dignus sis omni malo, qui tibi videris felix transcriptor, cum propria parum curas.

Rem mihi gratam fecisses, si ista verba adduxisses, quæ argutè satis & de industria prætermittis, ut fucum faceres lectori, eumque in creutum in tuam sententiam traheres. Primum exscribam tua, & mox subjungam mea. Tua sunt Pag. 32. edit. primæ Vas. Lymph. Nos nulli nomenclatura adstricti, sine discrimine & his & illis appellationibus dignabimur, donec commodiora alii monuerint.

Exortus Lymphaticorum vasorum est ab extremis partibus seu artubus, & visceribus hepate nempe, ex quo cum ramis portæ prodeunt, vesicula fellic, &c. Qua parte v. ex artubus prodeant, an à venarum extremis, vel musculis, necdum oculus assequi potuit, ob vasorum subtilitatem. Conjectura si quis locus, à partibus nutritis debent emergere, ob usum postea asserendum, quanquam nec à venis capillaribus impossibilis sit exortus. Qui in nervis circulationem admittunt, nullam commodiorem hac viam invenient, quippe subtilissimos spiritus in splendidam aquam resolvi quotidiano in alembicis experimento constat, tumque ex nervorum summis particulis progredierentur.

Insertio duplex. Alia inferiorum vasorum, su-

periorum alia. Distinguiamus hac experientiam sequuti. Latè enim disseminantur, & truncum cum artubus suo ambitu involvunt. Vasa aquosa infra septum medium enata inseruntur in Receptaculum chyli seu glandulas novas chyli, quo tanquam in alveum limpidam suam lympham effundunt, ut porro recto ad Cor tramite per thoracicas lacteas deducatur. Quæ verò supra diaphragma ex artubus trahunt originem, in Iugularem externam sive axillaris concursum ingrediuntur. Vnde truncum nullum habent, sed ex partibus diversis hinc inde veluti rivuli salientesque fontes separatis originibus ad fluvios duos tendunt, glandulam nempe mediam lacteam & axillarem venam, ut in communem cordis oceanum pleno gurgite exundunt. Substantia, est tenuissima pellicula pellucida, instar tela aranea subtilis, ut levissimo vulnere & tactu rumpatur. Hinc est quod effusa limpida aqua statim dispareat, quia applicantur membranula illius venis subjectis, ut discerni nequeant etiam à Lynceo. Non memini tenuiorem in corpore partem, si piam in cerebro matrem excipias, quam amula substantia refert. Sicut per piam meningem transparent cerebri gyri, colorq; levi offensa dilacerari aptam, sic per nostra vasa fragilia liquor contentus cernitur. Hinc aquosarum venarum.

Color est hyatidum, crystalli instar resplendens, quamdiu liquore suo repleta sunt. Inanita non videntur. Lactea evacuata fibrillas visu conspicuas relin-

linquunt, nostra cum liquore in auras videntur evanescere, ut prater venas sanguifluas nihil compareat. Quæ causa est, quod hactenus in cadaveribus observata à nemine fuerint.

Figura vasorum Lymphaticorum interna cava est, venarum aliarum more, externa variat. Maxima pars annulari forma venas ambiunt, hederaque instar amplectuntur, per tenuissima filamenta illis alligata & connexa. Quadam recta prope hepar, & in axillaribus. Exprimunt egregiè fluminum anfractuosos alveos, quibus per apertos campos sinuoso tramite currunt errantque.

Valvula tenerrima textura ingressui in axillarem supra preponitur, quæ regressura aquæ obstat. Eaque sola observari potest. Non dubito quin alibi quoque venis aquosis apponantur valvula, si quidem ne flatum admittunt versus extrema immissum, ob tunica tamen subtilem contextum cultro Anatomico separari non possunt.

Magnitudinem, quanquam in subjectis pro animalium diversitate variet, in singulis tamen accurate demetiri nescias. Pars enim latet, & conspectum fugit. Quas invenimus cognitæque habemus, exiles sunt & angustæ, styli mediocri crassatiem admittentes. Vinculo tamen interceptæ ingrossantur & impleta distenduntur. Prope hepar crassiores, quia sanguis in illo copiosior. Quod verò magnitudini vasorum deest, supplet

Numerus, qui in abdomine iniri vix potest. Iliacum ramum plurima ambiunt. Mesenterium ingredientia augentur. Ex hepate quinque vel septem ut plurimum ramuli in portæ amplexibus exeunt. In anterioribus prope axillarem unicus fere utrinque ramus conspicitur.

Situs & Progressus lymphaticorum vasorum, ut nihil ad perfectum historia nostræ ordinem desideres, iste est: In superioribus artubus ad latius vena brachialis sursum repunt cum vena ipsa cruenta, cui firmiter annectuntur, perguntque cum eadem ad axillarem, in quam exiguo osculo patent valvulâ munito. A cruribus eodem modo permulta adscendunt, sociæ venæ cruralis & Iliacæ, quam ambiunt modò arctè modo laxè, circulatorum instar, progrediunturque ad mesenterium, ibidemque cum portæ ramis in glandulas inseruntur, via oculis haud satis conspicua. Ab hepate quoque & vesiculâ fellis ejusdem portæ societate per eandem viam decurrunt. Et in Tract. de Lact. Thor. Pag. 37. edit. primæ Per cujus modum toto hoc itinere serpebant, paulatim ad sinistram deflectunt, & sursum sub œsophago, aorta que serpunt, & sub arteria subclavia & thymi glandulis, ad claviculam sinistram procedunt. Diversus hic est Pecquetus, qui à tertia dorsi spina, in duos ramos diffindi scribit pingitque, quorum sinister ad claviculam sinistram tendat, dexter ad dextram. Sed inventio vero pictor aliquid addidisse videtur vel inventoris

toris conjectura. Enumverò utrinque diffindi observare non potuimus, sive in brutis sive homine, nisi aliter in Gallia, aliter in Dania ludat natura; Sed semper tantum à tertia vertebra sinistrorsum deflectere, sicut in humana figura exprimi curavimus. Folle in inferioribus indito nullum à dextris vestigium vasis comparuit, nec quidquam huic simile visus potuit explorare. Neque aliter fieri posse existimo, quod in homine diligenter, pluribus etiam oculis investigaturus, deprehendi, quia ad spina dorsi ortum juxta jugulum in dextris statim axillaris vena à cava oritur cordis basi vicina, in sinistris vero longior est protensio ut videatur natura huic insertioni commodum locum designasse, Vtrinque quidem ligatum hoc vas per multos dies servatum à se visumque refert Vir profunda eruditionis Adrianus Auzotius, quemadmodum fratri meo Erasmo Bartholino, antea laudato, confessus est. Sed fide mea apud magnum Auzotium omnesque exciderim si dextram insertionem in ullo cadavere observaverim. Ludis saepe natura, & in unico subjecto illi forsitan revelavit, quod nobis infinita denegarunt.

Mea autem sic habent. Cap. 5.

Qui itaque in hac inquirere volet, canem, felem, vel vulpem sumet (quia in ovibus & vitulis inquisitu difficilimum, propter intestinorum multitudinem) & abdomine aperto, ablatoque vel supra thoracem reflexo omento, ligaturam inter ventriculum & hepar faciat,

faciat, in mesenterii parte, hepar ventriculo ac intestinis connectente, (quæ in omnibus fere animalibus omnimodè libera est) & intra se, venam portæ cum ductu cholidochæ continente ac ducente; mox videbit à jecore ad ligaturam ductus aquoso humore intumescens, qui post horam unam vel alteram flavescent. Liberatis deinde intestinis à loco hepatis infimo, Reni dextro adnexo, & illis ad sinistrum reflexis, separet intestinum colon à lumborum vertebribus, & venas lacteas cum vena portæ immediate sub pancreate glanduloso, in ea mesenterii parte qua intestina dorso alligat, currentes liget; postea thoracem aggrediatur, sternoque avulso, ductum chyloferum, prius evacuata vesicula, filo constringat, eodemve modo alteram extremitatem in abdomine ano prospicientem vinciet, ne vasa serosa eo tendentia vesiculam impleant; quamvis interdum ea ligatura non opus sit; solet enim plerumque ille humor serosus in vasis glandularum restagnare. Aliam quoque in mesenterio prope vesiculam chylosam faciet ligaturam, & conspiciet, laxata prima, inter hepar & ventriculum injecta, glandulam illam (T. I. m.) delineatam ductus hos recipientem, & illos ipsos, usque ligaturam hanc inferiorem, humore gravatos; postea aperto hoc inferiore ligamine, tota vesicula eodem humore implebitur, & si ligamen, ductum chyloferum constringens, paulo supra vesiculam, in thorace solveris, vesiculam evacuatam, & humorem, venam axil-

axillarem ipsumque cor (ligatis prius venis omnibus ad jugulum, dextroque ejus ventriculo dissecto) ingressurum videbis. Postmodum, si vesiculam quoque chylo impletam intueri velis, illud astringenti tibi in thorace ad vesiculam filum, & laxanti, circa pancreas venarum lactearum ligamen, eveniet. Sic, alternatim apertis iterumque contractis ligaturis, humore aquoso & chyloso vesica elevabitur.

Quod verbum ex tuis, aut quam periodum in mea transtuli? discrepant singula non modo in verbis, sed & (quod fraudem arguit) in rebus. Et ubi tu secandi modum illum habes, quem ego ibi docui? quam multa insuper ibidem loci & alibi describo & clare exhibeo, de quibus tu per somnium ne quidem cogitasti. Mirum si non aliquando etiam tibi asseras, glandulam sub porta sitam, in quam ductus hepatici se exonerant. Mirum si non tu primum deprehenderis mutationem aquei humoris, ductibus illis contenti in flavum aut subrubrum, vel ex rubro & flavo mixtum. Mirum si non tuum aliquando inventum sint valvulae horum ductuum. Quas adeo numerosas deprehendimus in singulis ductibus, ut sæpe milii granum non recipiat spatium intermedium: raro autem majus hoc sit, quam ut admittat gramen hordei. Scio te hoc de longitudine intellecturum, non de amplitudine loci. Mirum

rum denique si non & se tibi debeat Anastomosis, quam inter venas lacteas & ductus hepaticos esse demonstravi. Cur enim hanc non notasti, qui hecatombem impendisti in inquirendis lymphaticis. Sic enim jactas Hist. Anat. XLVIII. Cap. 11. Pag. 252. *Propter inventum omni seculo invisum hecatombem, & qui nec dum satis oculis, experientiaque fidebamus alioquin manifestissima, ut perpetuum natura institutum videremus, &c.*

Dicis in vitulis hos ductus hepatis esse difficilissimos inquisitu. At supra ad vitulum primam inventionem retulisti.

Si intelligis vitulum in quo primum lacteas inveni. (ut videtur velli illud *supra*) quo argumento nititur tua consequentia? quia Cap. 5. dixi, difficilissimos esse inquisitu ductus hepaticos in vitulis propter intestinorum multitudinem: idcirco sequitur etiam thoracicas inquisitu difficilissimas esse! an tu putas intestina locum in thorace habere, ut ventriculum ibi locabant primi Anatomiae instauratores? si autem per verbum *supra* intellexisti Cap. 6. quod infra est; deque vase seroso in vitulo, circa œsophagum observato agit, præterquam quod & sic male, per eandem chordam oberras. Nam & hoc vas in thorace sedem habet. Deinde antiquia ductus hepatici inquisitu sunt difficiles, ideo

ideo etiam reliqua, utpote serosa iliaca recti intestini, lumbarum Sterni cordis &c.

Mesenterium verò in omnibus fere animalibus, *Fict.* omnimodè liberum falsò putas. Rudbek nunquam vidisti mesenterium si hac serò dixeris. Hoc apophysis transversis lumbarium vertebrarum firmiter annectitur, (ne intestina facite prolabantur vel ἐν τῷ γόμφῳ φάλλον vel ὀρχεοκήλω excitent) per ligamenta, & arcto complexu intestinis adhæret adeò, ut divisionis nota nulla appareat. Præterea vena innumera mesenterica dicta à vena porta descendentes, & arteria à cœliaca, & nervi à lumbaribus in mesenterium propagantur; ut nulla pars sit in toto corpore, quamvis non adjicias lacteas Asellii, quæ plura vasa habeat, &c.

Ubi Anatomicum agere & inquirere debeas in veritatem, tempus sophismatis teris, ut ne mendaciis dicam. Leve enim tibi mentiri. Cur suppressis verbum *pars*? dico verbis claris & perspicuis Pag. 274. Ligaturam inter ventriculum & hepar faciat, in mesenterii parte, hepar ventriculo ac intestinis connectente; (quæ in omnibus fere animalibus omnimodè libera est) & intra se, venam portæ cum ductu cholidochæ continente ac ducente; ubi non de toto mesenterio locutus sum, sed de parte. Ejusdem ponderis est & hoc argumentum: pars mesenterii libera est, ergo totum mesenterium. Nec crediderim te impu-
tare

tare mihi crassum hunc errorem velle, procul dubio enim vidisti, quæ Pag. 275. scripsi. *Partem mesenterii intestina dorso alligasse — & venas lacteas — in ea mesenterii parte, quæ intestina dorso alligat, currentes liget.* Cæterum quod ad illam mesenterii partem attinet, quam liberam esse dixi, etiamnum profiteor, quia hepar ventriculo & intestinis adnectitur, sic liberam esse, ut digito comprehendere possis, atque per ligaturam constringere. Testes dare possum, quod pluribus id ostenderim.

M E M B R U M IX.

A D C A P. VI.

*In quo propriis telis se confodit
Rudbek.*

Vertumnus Rudbek agis, qui modò felis formam, modò canis refers. Doles (lit. c. 1. o.) te distractum variis negotiis cl^o I^o c. I. non potuisse in sectionem animalium debitam operam conferre, insequentidonec cl^o I^o c. I. saturam fellelem primum secares, quam in hoc capite dicis fuisse canem.

Fig.

Ingenium Cl. Bartholine prodis. Ideo vertumnus ago, quia intra annum alio tempore canum, alio fellelem me dissecuris profiteor, &
in

in utroque invenisse, quod augenda arti erat? videor tibi insanivisse, qui felem & canem pro uno habuerim. Deinde, quia non nisi unius canis, uniusque felis facio mentionem, idione putas plures me non secuisse? possum tibi in conscientia affirmare, me spatium quasi quatuor annorum præterpropter quadringenta animalia incidisse, nescio qua voluptate me rapiente ad hoc studium. Jam tuum est numerare tua pecora. Perparcus numerus est eorum quæ secuisti, si præter ea, quæ observationes tuæ præ se ferunt alia non sequeris. Non credimus vero te tam paucis nixum, tam confidenter prodere in publicum. Sed ut ad mea redeam. Nunquam ex scripto nostro potero convinci habuisse canem pro fele. Legantur verba Cap. 3. Pag. 260. Anno insequente, scilicet 1651. felis saturi post quintam horam, abdomen aperui, &c. Cap. 6. Pag. 277. Anno 1651. 27. Januarii, mihi, venas hamorrhoidales canis inquirenti, &c.

Majus figmentum innuis: cum Anno clō lō c l i: ductus hepaticos & glandularum inveneris, quod eorum in anatome jussu Serenissimæ Regine Christi-Fic. næ clō lō c l i i. celebrata (lit. c. 2.) non memin-eris; neque sexto Martii reperta, mense Aprili manifestaveris.

Me ductus hepaticos ostendisse Ser. Regi-
næ sat probat epistola & cap. 1. Tractatus mei

de Ductibus hepaticis. Quod vero serosa glandularum vasa, quæ jam tum quoque inveneram eadem demonstratione non repræsentaverim tu saltem non mirari debeas. Quam sæpe enim vel ipse expertus es uno in subjecto omnia simul non posse demonstrari? cujus enim manus adeo exercitata est, quæ non cogatur aliqua lacerare & præterire, cum ad alia magis desiderata festinat. Accedebat eo tempore, quod in illa demonstratione agendum mihi erat non pro meo lubitu, sed Sereniss Reginæ meæ jussu. Ut jam non dicam multa me brevi tempore ostendere suæ Majestati debuisse. Si unquam tu lymphaticos ductus, quæ par est diligentia rimatus es, didicisti procul dubio, quanto labore atque patientia hæc res constet, & quam non duabus horis absolvi talis sectio possit.

His omnibus publice tuam prodis fidem, quamvis operosè chronologiam inventionis nectus, quam antea passim inculcasti. Nempè ut Bartholino agrè facias, quem simul hæc vasa non vidisse. Indicium certum tamen inde conficitur, Bartholini inventum tibi visum, quem in chronologia negligentem, hac industria corrigis, de qua correctione in Epistola dicam.

Falsa tamen hæc chronologia, ut ad c. 4. monstratum, nulloque teste firmata.

Quid

Quid mihi toties chronologicam computationem oggeris, in qua si quis solæcismum commisit, tu ille es. Quod testimonia attinet, ea quidem magno numera potuissem, si famam atque gloriam captare voluissem, more eorum, qui ut rerum novarum inventores audiant, nescio quales testes subornant. Non miror te toties provocare ad testes, qui ad conscientiam provocare non ausis. Sunt omnino tibi testes necessarii, ut contra te, semper & ubiq; lymphaticos ductus TVOS clamitantem actio mihi interdicatur, quæ in temerè litigantes institui solet. Mihi satis fuit, quia à nemine actionem expectabam, clare & perspicue narrasse, ubi quando, & quo modo, quidque invenissem. Confidebam quippe eruditum lectorem à me non flagitaturum, quod nemo unquam postulavit ab aliis viris, experientissimis & clarissimis, quos primæ & privatim habitæ inquisitioni & inventioni non adhibuisse valde credibile est. Quibus tamen propterea litem nemo moverit, Ubi Asellius lactearum mesenteriarum : ubi Harvæus circulationis sanguinis, ubi Virsungus ductus pancreatici : ubi Van Horne ductus chyliferi, aut Pecquetus lactearum Thoracicarum inventionem testibus probat.

Fateris in fine capitis, te cIo Io c LIII.

27. Aprilis experientiam adhuc circa hæc vasa fecisse, unde hætenas nihil calamo conceperas.

Dudum ostendi jam mense Aprili me in animo habuisse Tractatum edere de ductibus aquosis. Quæ autem causæ propositum meum protulerint, alibi etiam dixi. Falsus sum, quod dicis me 27. Aprilis 1653. adhuc occupatum fuisse in facienda experientia circa hæc vasa. Quibus uncis hinc extrahes consequentiam, quam inferis? quo argumento evinces me eo tempore, quo occupabar, in confirmanda mea experientia de prioribus inventis nihil calamo concepisse?

Antequam autem laboriosum opus, & stilo impolito tortum & coactum scriberes, ederesque temporis aliqua mora intercessit, ad minimum aliquot mensium.

Quanto labore opus meum constiterit, tu tē judicare poteris, si credis verum dicenti, fuisse 14. diebus absolutum. Si non credis, dabo testes vel centum. In stilo gloriam non quero. Videtur autem alicujus malignitatis esse, dictionem carpere ubi res non possis. Anatomicus sum non Orator. Illius est res dare & sine fuco: neque enim oculi se falli patiuntur. Hujus vero, verba dare & capere aures.

At Bartholini Vasa Lymphatica Cal. Maji c10 l0 c LIII. absolute in vulgus prodierunt, & Lactea Thoracica anno precedenti c10 l0 c LII.

eadem

VAS. ET DUCT. RUDBEK. 101
eodem mense divulgata. Hinc jam manifestum Rud-
bek à Bartholino tua sumere potuisti, vel reapse
sumpsisti; Bartholinum vero culpa tali vacare, qui
& prior scripserat, & à te ignoto nil potuit mutuare.
Vide Rudbek, vilis animi solatium, fictam chronolo-
giam; & vanas observationes, quæ ψευδόμεγόν σε
λέγῃσι.

Parum aut nihil forte discrepabunt tempo-
ra quibus nostros utrinque labores perficimus.
Sed demus, quo tempore tu tuum tractatum
edidisti, me meo manu non admovisse: hinc
non sequitur te esse inventorem. Quid si repe-
tam quod dixi jam ante, animum fuisse mihi
non prius prodire cum novis meis inventis in
publicum, nisi post plenissimam omnium co-
gnitionem: te vero ultra uno experimento non
habito protinus abortiisse rudem istam & in-
digestam molem,

M E M B R U M X.

A D C A P. VII.

I. *Malè hæc Vasa serosa
vocat.*

A Ntequam ad singularia descendam, lubet
paucis præfari, non ita absurdum videri
posse

posse vasorum serosorum appellationem. Primo propter materiam, quæ sero similem in colore & substantia modo vehunt. Deinde propter vocabuli commoditatem. Neque enim insolens est serum appellare, quo cum multo magis quam sero convenit. Existimo quoque non laborandum in appellationibus. Et cui licitum non est nomen rei pro lubitu imponere modo absurdum illud & ridiculum non sit? obvium id in Botanicis est. Annon etiam in Anatomicis? ubi in cerebro sapientiæ domicilio, *nates, testes, vulvam*, pudenda omnia, & rebus suis minime convenientia, toleramus. Id caput rei est, ipsam rem dilucide, clare & evidenter describere ac demonstrare, ut lectori suppedites occasionem, si ipsi lubeat, eandem rem alio nomine pro suo captu insignire. Hoc iudico in omnibus rebus apprimè esse laudandum, & non superciliosè damnandum. Postremo, cur non idem mihi hac in re liceat quod tibi? P. 216. verba tuâ sunt. Nos, nulli nomenclaturæ adstricti, sine discrimine & his & illis appellationibus dignabimur, donec commodiora alii monuerint.

Plagas meritus es, qui conscius Natura opus, & audacter vitias; quaque ipsa meliori muneri præfecit vasa, excrementorum torcular somnias esse. Quo jure vasa serosa dicis, quod nunquam continent? *Dis-
versum*

versum serum est ab hoc liquore, in quo non eundem colorem, odorem, & saporem offendit.

Forte serum esse illud solum existimas, quod vesica urinaria continetur, quod ego tamen minimè intellexi. Constat enim humores alios in corpore serum & aquam appellari, quamvis alii & sapore & odore careant, alii non. Ipsemet propria sententia damnaris, dum in libro 2. Anat. Reform. Cap. 5. Appellas I. Aquam pericardii humorem serosum, quamvis omnis saporis & odoris expertem. II. *Vfus, ut in eo contineatur humor serosus, vel aqueus instar urinae, non tamen acris aut salsus.* Pag. 122. *Quemadmodum serum sanguinis partim per sudores, partim in pericardium, &c.* 2. Humorem glandularum Pag. 65. *Laet. Thorac. Adhac in lactei liquoris defectu, talis humiditas serosa in illis reperitur, qualis in glandulis conspicitur.* 3. Humorem capsularum atrabiliarium serum vocitas. Pag. 65. *Vel capsulas atrabiliaras sero melancholico destinatas.* 4. Humorem mammarum Pag. 95. 127. *Et sero biloso ex mammariis effluente.* 5. Chylum potulentum Pag. 96. *Vel à sero copioso ex potibus.* 6. Humorem testicularum fæminarum. P. 140. *Ipsi testiculi utrinque satis magni, virilibus externa ovi rotunditate nihil cedentes copioso sero in visculis scatebant.* 7. Ipsum hunc humorem vasis serosis & vesicula chyli con-

tentum, ut ego, sic tu serum appellas. Pag. 198. *Et ex Receptaculo prodiens lacuna, supra diaphragma, valde tumida, sero hoc distenta, apparebat.* Pag. 186. 187. Ecce omnis tibi humor aqueus vel tenuis serum est. Sufficiant igitur hæc ad ostendendum inane rixandi studium, & pro scuto contra plagas, quas minari videre, quibus enim eas sum meritus, non sum mihi conscius. Tu an plagas non mereare, qui plagiariorum nulli secundus es, judicabit aliquando seculum. Neque enim sperare audes, te toti posteritati impositurum.

Hic liquor aquæ purissimæ naturam amulatur, & quovis judice mutuatur nomen ab ipsâ.

Falsum quoque hoc est. Nam sæpe ad oculum patet hunc humorem stagnare & coagulari. Experti non semel sumus vasculo exceptum instar gelatinæ condensari. Fuisse quoque falsum lingua docuit, non me tantum, sed & D. van Horne Anatomicum non minus diligentem naturæ scrutatorem, quam attentum observatorem. Nihil horum in aqua. Jam tu quoque hoc experire, & obtrude mundo pro tuo.

Acrimonia feri his araneosis tunicis, sine injuriâ, vehi non potest, quæ tenuissima quovis attactu, nec violento, facile rumpuntur, & visui se mox subducunt.

Quem.

Quemadmodum quod in se vesica colligit ferum, ipsam non erodit, ita neque hoc quod ductibus serosis inest ullam noxam dat suis vasis. Quid annon atra aut æruginosa bilis vasis contineri sine noxa solet? quæ utraque tamen tantum non lixivium in erodendo præcellit. Argumento sunt dysenterix hinc natæ. Nosti aphor. 24. lib. 4. Scis ne chyli cremorem esse falsum, & sine molestia tamen ascendere per lacteas, quæ tunicarum araneositate ductibus serosis non cedunt? inscite vero serosorum tunicas araneosas appellas. Inveniret in hoc epitheto Grammaticus ferula dignum. Nam tunicæ istæ araneorum sunt plenæ, aut ex araneis multis contextæ? hoc meum non facio. Nego eam esse his tunicis tenuitatem, quæ possit ulla licentia comparari cum araneis seu telis araneorum. Patiuntur enim se commode separari à partibus, quibus adhærent, quibusve innexæ delitescunt. Tuæ manus id an possit, dubito. Forte tuus Lyserus exercitatiores in his manus habet. Quid enim sine eo potes? mirum vero te aliena manu inventa, pro tuis crepitare. Patiuntur præterea ligaturam, & se in tumorem insignem inflari. Novisti quo genere follis id faciat? quid dabis mihi, si te docuero, hoc instrumentum parare? vide interim an visui se subducant, quæ industriæ bene-

ficio adeo illi patent. Quin & priusquam inflentur profuso, quem continent, humore, stiliun admittunt, & alte satis, & sine ruptionis periculo, nisi manus festinet, aut quod crassius est impellat, vel acie perforet. Sequentia ad nostram rem non spectant.

Sapiens Magistra Natura seri ductibus (ureteribus) crassiorem tunicam, fibrosam, eamque duplicem, colorem candidum, sed non transparentem, magnitudinem conspicuam post plures dies, iisque evacuato omni sero dedit, & majus robur; quare vehementer in calculo distenduntur. Vreteres raro natura consilio serum continent, nisi impeditis viis. Hac vasa semper liquorem vehunt, cujus beneficio spectari possunt. Si igitur (ut rectè disputat Bart. Vasc. Lymph. c. 5. p. 31.) cavitatem oblongam spectemus, liquori continendo aptam, & vasis appellationem latam, & venæ pressiore mherentur. A contenti liquoris conditione, seu limpidâ aquâ & lymphâ, dicenda vasa, seu lymphatica, seu aquosa, prout cuique libido fuerit. Proinde mulsam frigidam hic propinas Rudbek, unde forsân obtusa memoria, & iudicium tuum. Non meministi quod ductus hepatis aquam contineant, & hac vasa ipsis similia sint, ut ovum ovo non magis possit; & quod non differant invicem colore substantiâ, & insertionem, nisi origine & situ, ut non videatur veritati congruum: In his vasis

vasis glandularum serum, in ductibus hepatis aquam contineri.

Memini probe & aquam esse in ductibus hepaticis, & hos similes serosis. Tu vero nondum oblitus es, quod haecenus nescivisti; humorem in ductibus hepaticis immutari quam saepissimè, in vasis autem serosis nunquam. Neque illud prætermissum à me fuit. Tract. Pag. 255. *Hi ductus hepatici, humoris semper pleni sunt, qui in animalibus vivis, vel statim morte extinctis, colore aqueus conspicitur, sed post unam alteramve horam flavescit. Observat. XV. In sepe jam dudum morte extincto, ductus hepatici, vesicula chyli, vena lactea thoracica ac meseraica humore citrino intumescebant. Itaque cum ductibus hepaticis & vasis serosis contenti humores, interdum colore dissimiles; interdum similes sint: idcirco hepaticorum succum, aquam, serosorum vero, serum nominavi. Donec ulterior experientia aliud doceat moneatque. Etiam in sapore discrimen bis terve observavi. Quoties autem hepaticorum humorem flavum reperi, gustus biliosum saporem deprehendit. Hæc si æque tibi ac comperta fuissent non adeo temere sivisses tibi excidere, quod satis erat detegendę nuditati tuæ: non, inquam, dixisses hæc vasa ductibus hepaticis usque adeo similia esse, ut ovum ovo non magis possit. Scias vero*
dissi-

108 . . . **INSIDIAE STRUCTÆ**
dissimilitudinem, de qua litigamus, in humore, non tunicis vasorum esse: neque enim chylosi, serosi, hepatici differunt substantiæ modo.

Si diffidis, utraque lympham gusta, nil palatum inficit nitroso sapore.

Auscultavi tibi, & bis periculum fecimus Cl. D. van Horne & ego, nisi vero nos lingua fefellit, pro certo affirmare audemus non parum falsi in seroso humore nos gustasse. Tu qui lympham hanc nihil palatum nitroso inficere sapere asseris, videre experimentum non fecisse; sed suadente ratione æ quæ insipiditate ac lymphiditate similem vulgari æ quæ judicasse. Experimentum vero te non fecisse, persuadet mihi opinio, quam de inseparabilitate & fragilitate ipsorum ductuum habes.

II. *Et glandularum.*

In tractatu ipso rationem adposui, quæ me vasa glandularum serosa appellare iussit. repeto: Vasa dixi, quod conformationem, figuram, usum, eadem omnia habeant cum cæteris, Glandularum vero: quod maxima pars eorum glandulis originem debeant.

Autopsia didicimus hæc vasa ultra glandulas in iliacis ad artus porrigi, quod in cercophyteco 18. l. c. 12 c. 14. dissecto vidimus.

Idem

Idem & ego non solum in patria verum etiam hic Lugduni Batavorum aliquoties Doctissimis viris. D. Doctori Hemsterhuis, D. P. Pierio ac Furfmanno Medicinæ candidatis, aliisque ostendi neque ego dissimulavi hoc in Tract. Meo Pag. 284. *Vsus itaque sive actio horum scilicet vasorum erit, humorem e partibus corporis & glandulis.* Pag. 285. *Cum vero istis vasis plerumque apposita sint glandula, quas ramulis suis tegunt atq; penetrant. Ad idem consentiunt figura.* Tab. 2. Fig. 1. rr. G. O. manifeste enim illic ultra glandulas vasa ferosa feruntur.

Tu ipse nullas glandulas, illis vasis quæ sub intestino recto sunt adscribis, aut quæ ex musculis abdominis ipsum abdomen perrepunt, quæ tamen fibrillæ sunt certissima;

Recte quidem, cum dicis, me nullas glandulas illis vasis, quæ sub intestino recto sunt, adscribere. Jam supra hoc ipsum monui. Quæ vero ex musculis abdominis ipsum abdomen perrepunt, fibrillas esse certissimas, dici non potest. nisi à rerum penitus ignaro, quique ea manu nunquam tractavit. Ego vero testibus sæpe jam laudatis sæpiusque laudandis, conspiciendos variis vicibus exhibui.

Aut quæ ad artuum venas deprehenduntur quæ nec vidisti, nec descripsisti. 21. Ian. clō Id c LIV.

Debeo tibi gratiam, quod manuduxeris me
ad

ad inquisitionem eorum serosorum, quæ in artubus deprehenduntur. Debebis aliquando mihi eorundem insertionem in glandulas, & transitum per illas ad axillarem venam aut ductum chyli ferum ei proximum. Jam enim hæc ostendimus præter eos quos modo laudabam; etiam Cl. van Horne:

Vas lymphaticum, ab hepate descendente cavam ad iliacos ramos concomitans, in cane vidimus, sed nullam glandulam. Tibinè nugivende majorem fidem poscas porro, quam negas nobis quoque oculis quam maxime intentis, & acutis.

Nondum Cl. Bartholine Tract: de lymphaticis, neque in figuris tuis exacte delineasti Iliaca serosa: quod argumento est: & mihi quidem: qui novi quanto hæc labore constent in dubio Lyseri tui inventa paucissimis uti sectionibus. Quæ si toties tam maxime intentis & acutis oculis, peractæ fuissent, nunquam se tibi subducere potuissent. Nobis nihil solenniùs est, quam glandulas Iliacas vasis suis serosis instructas oculis exhibere.

Glandula non possunt esse proprium vasorum, quia non omnibus communes sunt.

Non dixi uspiam glandulas serosis vasis esse proprias, seu omnes à glandulis oriri: Vid. Pag. 280. Secundo glandularum quod plerique scilicet illorum vasorum, inde sciam trahant origi-

VAS. ET DUCT. RUDBEK. III
originem. Pag. 285. Cum vero istis vasis ple-
rumquæ adpositæ sunt glandulæ. Verum cum à
potiori soleat fieri denominatio secutus sum
consuetudinem.

III. *Reliqua quæ ex Bartho- lino suffuratus est, bona sunt.*

Quidquid in hoc capite lymphæ superest, illam tra- Fict.
duxisti ex capite V. Bartholini. Si tamen quidquam à
salivâ accepit, num tibi adscribendum totum nego-
tium? Non credo, nisi Rudbek Philoxeno famosissi-
mo helvoni te similem prædicas, qui nidore fumi ta-
ctus alienas ades ingrediebatur, & adpersis obsonio
levibus condimentis, quorum usum apprimè callebat,
totam deinde patinam sibi vindicabat. Quamvis tu
eandem artem parum feliciter adhuc tractaveris,
illâ tamen vehementer te oblectari, deduxi.

Quam egregium mendacium committis,
ex 1. & 2. membro aliisque locis patet. Dein-
de apponam & Tuum caput 5. & meum. 7. ut
omnibus perspicuum fiat hoc mendacium.

NB.

DE

DE

VASIS GLANDULORUM SEROSIS.

CAP. VII.

De nomine, substantia, origine, &c. Horum vasorum.

HOS canales *vasa glandularum* serosa nominandos existimavi. Primo, *vasa*, quod in conformatione, figura, & usu cum reliquis meatuum generibus, conveniant: Secundo, *glandularum*; quod plerique illorum inde suam trahant originem. Tertio, *Serosa*; propter succum quo abundant.

De illorum *Substantia*, *Temperie*, *Quantitate*, *Figura*, *Communione*, nihil singulare occurrit. Sunt enim ex membranis conflata, intus infinitas habentia valvulas, exteriùs nodosa, &c. quibus omnibus ductuum hepaticorum naturam repræsentant.

Originem & situm simul considerare visum fuit, cum hi canales in diversas corporis partes sese quasi insi-

DE

VASIS LYMPHATICIS,

CAP. V.

Methodica Vasorum Lymphaticorum descriptio.

QUO nomine signanda sint *vasa* nuper à nobis detecta, non facile ipse dixerò. Fruere qui *serosa vasa* indiderint, quod serum contineant. Non potui acquiescere huic nomenclaturæ. Serum enim, ut infra parebit, ab aqua hac limpida diversum est, & serum aliâ sibi in corpore receptacula elegit, supra signata. Ureteres, sero ex renibus ad vesicam deferendo destinati, ab his prorsus differunt, substantia, colore, contentis, & distributione. Ureterum enim tunica crassiores, color candidus quidem sed non transparent, contentum serum nunquam in ductu sistitur, denique distributio varia, sive terminum à quo, renes, sive ad quem, vesicam, consideres. Si igitur cavitatem oblongam spectemus liquori continendo aptam, & *vasis* appellationem latam & *vene* pressiore merentur. A contenti liquoris conditione, seu limpida aqua & lymphâ, dicenda *vasa* seu *lymphatica* seu *aguosa*, prout cuique libido fuerit. Si denique externum splendorem illustrem, hyatidibus æmulam contempleris, nescio quid cause subsit, cur non *vasa Crystallina* condigno mererentur.

nuent. Quæ enim ad jugulum inveniuntur, ramulos sub sternum inter pinguedinem (*vid. Tab. 2. fig. 1. ad G. & o.*) & venas, mediastino suffultas, spargunt, ubi glandulam unam vel alteram, (*Tab. 2. fig. 1. O.*) circa sterni principium ingressi conjunguntur, & unum (aliquando duos) constituant tubulum, (*Tab. 2. fig. 1. pp.*) qui venæ axillari supravectus, ductus chyli ferri conjunctione circa finem gaudet. Hic porro tubulus aliquando visus est, alium substantia similem, à costis dextris (*Tab. 2. F. 1. q.*) venæ axillari dextræ incumbentem admisisse.

Illi autem serosi ductus, qui cordis latus sinistrum occupant, rivulos pericardio (*T. 2. F. 1. r.*) ejusque pinguedini, & mediastino committunt (*T. 2. F. 1. A. B. r.*) inde glandularum parvularum auxilio uniti, arteriam aortam trajicientes (*T. 1. F. 1. f.*) ramulò ductui chyli-fero inhiant.

Alii verò, qui multa ramulorum copia, inter mus-

tis titulo nominentur. Nos, nulli nomenclaturæ adstricti, sine discrimine & his & illis appellationibus dignabimur, donec commodiora alii monuerint.

Exortus. Lymphaticorum vasorum est ab extremis partibus seu artubus, & visceribus, hepate nempe, ex quo caput ramis portæ prodeunt. vesicula fellis, &c. Qua parte v. ex artubus prodeant, an à venarum extremis, vel musculis, necdum oculus assequi potuit, ob vasorum subtilitatem. Conjecturæ si quis locus, à partibus nutritis debent emergere, ob ipsum postea asserendam, quāquam nec à venis capillaribus impossibilis sit exortus. Qui in nervis circulationem admittunt, nullam commodiorem hac viam inveniunt, quippe subtilissimos. spiritus in splendendam aquam resolvi quotidiano in alembicis experimento constat, tumque ex nervorum summis particulis progredientur.

Insertio duplex. Alia inferiorum vasorum, superiorum alia. Distinguiamus hæc experientiam sequenti. Latè enim disseminantur, & truncum cum artubus suo ambitu involvunt. Vasa aquosa infra septum medium enata inferuntur in Receptaculum chyli seu glandulas novas chyli, quo tanquam in alveum limpidam suam lympham effundunt, ut porro recto ad Cor tramite per thoracicas lacteas deducatur. Quæ vero supra diaphragma ex

culos transversos & obliquos abdominis, propullulant (T. 2. F. 1. *h h h h.*) plerumque sine glandula visi, duorum fere digitorum transversorum spatio, à vena cava, uniuntur; & lumbarium vasorum consortio gaudentes, vesiculam chylosam ingrediuntur. Situm obtinent inter peritonæi tunicas, quantum quidem mihi inspicere concessum.

Qui deinde tubuli, sero pleni, venas crurales (T. 2. F. 1. *g g.*) comitantes vesiculam chylosam sub vena cava, osculis excipiunt, glandularum duarum (T. 2. *fig. 1. f f f.*) vel trium substantiam, inguina occupantium, tam extra, quam intra amplexantur. Horum ductuum magnitudinem reliquorum antecessisse in omnium animalium anatome comperi.

Denique vasa serosa deorsum sub intestino (T. 2. F. 1. *e e e e.*) colon progredientia, oriri videntur inter os sacrum & intestinum rectum ramulis aliquibus inter pinguedinem sparsis, qui paulo infra divaricationem venæ

artibus trahunt originem, in Jugularem externam sive axillaris concursum ingrediuntur. Unde truncum nullum habent; sed ex partibus diversis hinc inde veluti rivuli salientesque fontes se paravis originibus ad fluvios duos tendunt, glandulam nempe mediam lacteam & axillarem venam, ut in communem cordis oceanum pleno gurgite exundent.

Substantia, est tenuissima pellicula pellucida, instar tele araneæ subtilis, ut levissimo vulnere & tactu rumpatur. Hinc est quod effusa limpida aqua statim dispareat, quia applicantur membranulæ illius venis subjectis, ut discerni nequeant, etiam à *Lynceis*. Non memini tenuiorem in corpore partem; si piam in cerebro matrem excipias, quam æmula substantia refert. Sicut per piam meningem transparent cerebri gyri, colorque levī offensa dilacerari aptam, sic per nostra vasa fragilia liquor contentus cernitur. Hinc aquosarum venarum.

Color est hyalidum; crystalli instar resplendens, quam diu liquote suo repletæ sunt. Inanitatæ non videntur. Lactæ evacuatæ fibrillas visu conspicuas relinquunt, nostræ cum liquore in auras videntur evanescere, ut præter venas sanguifluas nihil compareat. Quæ causa est, quod hæcenus in cadaveribus observatæ à nemine fuerint.

Figura vasorum Lymphaticorum.

cavæ in cruales, juncti, supra illarum superficiem procedunt, atque tandem cum reliquis serosis vasis vesiculam adoriuntur.

Illud autem serosum vas, quod in vitulis & ovibus sub œsophago conspicitur, delineare non curavi, cum ægrè reliquis inseri potuit; descriptionem tamen ejus non omittendam putavi. Oritur multis radicibus, à glandula quadam magna, & oblonga, quam natura œsophagi lateribus propè diaphragma apposuit, inde sursum recta fertur & sese osculis ductui chyliifero conjungit.

Delineationem postea ab *Authore* impetravimus, ut videre est in secundæ Tabulæ figura quinta.

Numero, nunc plura, nunc pauciora, modo minora, modo majora apparent.

Colorem, sortita sunt aqueum, quem à succo, per illorum substantiam transparente, mutuarunt.

Notandum probe venit, omnia hæc vasa serosa diversimode se habere, non solum in variis animalibus, ve-

rum interna cava est, venarum aliarum more, externa variat. Maxima pars annulari forma venas ambiunt, hederæque instar amplectuntur, per tenuissima filamenta illis alligata & connexa. Quædam recta prope hepar, & in axillaribus. Exprimunt egregiè sumipum anfractuosis alveos, quibus per apertos campos sinuosos tramite currunt errantq;.

Valvula tenerrimæ texturæ ingressui in axillarem supra præponitur, quæ regressuræ aquæ obstat. Eaque sola observari potest. Non dubito quin alibi quoque venis aquosis apponantur valvulæ, si quidem ne flatum admittunt versus extrema immisum; ob tunicæ tamen subtilem contextum cultro Anatomico separari non possunt.

Magnitudinem, quanquam in subjectis pro animalium diversitate variet in singulis tamen accuratè demetiri nescias. Pars enim latet, & conspectum fugit. Quas invenimus cognitasque habemus, exiles sunt & angustæ, styli mediocris crassitiem admittentes. Vinculo tamen intercepræ ingrossantur & impletæ distendantur. Propè hepar crassiores, quia sanguis in illo copiosior. Quod vero magnitudinî vasorum deest, supplet

Numerus, qui in abdomine iniri vix potest. Iliacum ramum plurima ambiunt Mesenterium ingredientia augentur. Ex hepate quinque vel septem ut pluri-

rum etiam in ejusdem speciei
diversis individuis; sic natu-
ram, & in hisce, atque in
venis, arteriis, nervis, & la-
teis ludere videmus.

muti ramuli in portæ amplexi-
bus exeunt, In anterioribus pro-
pe axillarem unicus, fere utrin-
que ramus conspicitur.

Situs & Progressus lymphati-
corum vasorum, ut nihil ad per-
fectam historię nostrę ordinem
desideres, iste est: In superiori-
bus artubus ad laus venę bra-
chialis sursum repunt cum vena
ipsa cruenta, cui firmiter anne-
ctuntur, perguntque cum eadem
ad axillarem, in quam exiguo
osculo patent valvulā munito.
A cruribus eodem modo per-
multa adscendunt, sociæ venę
cruralis & Iliacę, quā am-
biunt modo arcte modo laxę,
circularum instar; progrediun-
turque ad mesenterium, ibidem-
que cum portę ramis in glandu-
las inferuntur, via oculis hand
satis conspicua. Ab hepate quoq;
& vesicula fellis ejusdem portę
societate per eandem viam de-
currunt.

MEM.

*Paradoxum I. est; serum hæc
vasa vehere.*

NE ignoret, quis paucis exponendum putavi, quid illud sit, quod hic in controversiam cadit, ubi de vasis serosis mentio facienda erat, nolui præterire glandularum usum, ut humoris ipsis contenti naturam, cum vero ea, quæ à sensibus nostris remotiora sunt, satius sit sub specie probabilitatis proponere, quam temerè affirmando fallere lectorem, nolui ego eruditis viris aliquid obtundere, de quo mihi certo non constet: interim aliquid afferre, quod neque pro paradoxo haberi à sobrie judicantibus posset & tamen præbere occasionem amplius inquirendi. Ego quæ mihi sententia probabilis maxime in istis, videretur. Studio non exposui: scilicet ne vel ulli præjudicarem, ne quidem mihi ipsi, qui non facile quicquam pro vero admitto, quod omnibus angulis atque recessibus non perlustravi. Præstat id certe, quam temerario ausu ita fidere suo ingenio, ut aliorum detrahas. Hæc conferri possunt cum iis, quæ à me tum

temporis scripta sunt. Pag. 285. Non abs refa-
cturum me existimavi, si aliquas de illarum scilicet
glandularum usu quæstiones vel brevissimis move-
rem. Pag. 287. Quamvis, ut quod sententiam li-
bere profuear, nihil nisi probabiliter, hujus de humo-
ris usu affirmare nunc ausim, donec ipsa experientia
hanc nebulam meis, aliorumve oculis difflexerit.

Fict. Num Vasa Lymphatica serum intestinorum, &c.
ferant, ut simul cum sero chyli à renibus secernatur,
satis dilui hunc liquorum serum non esse.

Antea sat demonstratum, humorem vasis
serosis contentum, serum appellari posse.

Nec ex intestinis prolicere possunt aquam hac va-
sa, quam ad ipsorum vebunt regionem ab iis partibus
plerisque neque Natura sunt consuetæ ista ambages,
si salva sit.

Apertè mihi injurius es, si me existimas or-
tum iis vasis tribuere ab intestinis, & hinc se-
rum prolicere. Tantum enim abest me id
scripsisse, ut ne cogitaverim quidem. Id solum
veri speciem habet, vasa serosa æque revehere
serum in cavitatem abdominis evaporantem,
ac aliarum partium. Quis enim est, qui non
animadvertit, aperto viventium abdomine,
magnam vaporum copiam evaporare, quæ in-
fecto non apparet. Vaporem illum exhalare
ab intestinis aliisque abdomine contentis par-
tibus ne dubitari quidem potest. Cum autem
abdo-

VAS. ET DUCT. RUDBEK. 119

abdomine intacto nulla vaporum detur, qua diffluat vel expiret, via, necessario cavitare coercitâ condensatur: non quidem ob frigus peritonæi, ut Galenistæ passim somniant, sed eodem profus modo, quo in destillationibus Chymicis quotidie experimur: in quibus Alembicus & recipiens, licet caleant nihilominus opus procedit. Sic vaporem in pericardium & thoracem exsudentem condensari in aquam, & coacervari videmus, non obsidente aliquo frigore, sed membranas densitate sua transitum denegantibus, remissoque calore, cujus vi à cardiacis vasis exhalabat. Quid verò impedit quo minus ex simili origine liquor abdomine receptus, possit à glandulis absorberi & recipi vasis serosis? hæc est ratio probabilis ad quam intendebam.

II. *Chylum crudum.*

Magis falsus es, qui serum hoc chylum, in corde nondum in sanguinem mutatum, asseris; quo dicta omnia ante prolata falsa esse admones.

Et hoc tanquam verosimile attuli. Neque mirum est alterutram everti, si quis unam harum rationum legerit mihi singulas probabiles putanti neutra visa est absurda, aut contra principia Anatomica, licet simul veræ esse nequeant.

Hic liquor, ut limpidissima aqua in corde melius præparari non potest, aut ut simplex elementum digerri, cum in alitis partibus sibi immista elementa reliquerit.

Ex superioribus liquet, liquorem hunc simplex elementum non esse. Coagulari enim gelatinæ instar docuimus, suoque præditum sapore esse, quæ quidem tuæ lymphæ non adscribis, nec adscribi possunt.

Nec chylus esse potest, quia aquam à chylo Lymphatica planè diversum continent, & chylus in corde statim in sanguinem mutatur, quâ de causâ & nomen chyli omittat.

Dixi Pag. 286. & publice constat, chylum sua natura lacteum esse. Hoc tamen non obstat quo minus in partibus, ad quas impulsu cordis appellit, deposito, quod nutrire eas potest, redeat pars ejus aquosior in chyli delatrices venas. Hac consideratione motus dixi, humorem hunc chylum esse, tum etiam, quia sapore convenit cum chylo. Et procul dubio solâ tantum cordis efficacia aptari ad nutriendum post heterogeneous subductionem propriis in locis, necesse habet. Chylum in corde, statim in sanguinem mutari, quis præter te unum dicere ausus est? miseret me tuorumve auditorum, quibus adeo à veritate & naturâ abscondita instillas. Naturæ est paulatim pro-

procedere, ne festinando cæcos pariat capulos. Hoc ex Aph. 5. 1. 2. didiceris si mihi tecum disputandi otium esset, quot non tibi absurda ex illa sententia elicerem, quæque sine iliorum ruptione forte amoliri non posses. Tuo exemplo doces Cl. Bartholine, omnem ordinem suum, habere vulgus, sed ut gratificemur tibi, chylum cordi illatum statim in sanguinem mutari. Jam tuum est ostendere nobis, qua ratione factum, sit quod scribis Pag. 87. puellæ cuidam vena secta cum sanguinem chylum effluxisse?

Nec aqua apta fieri potest ad nutriendum corpus, quæ concoqui nequit, ut in hydrope, in quo sine præviâ concoctione statim expurgamus. Et aqua quæ in Thoracis lacteis cernitur, non ex chylo est, sed Vasis Lymphaticæ; quæ aquam lacteam infundunt, chylumque vel protrudunt vel miscent.

Hæc in dubium non vocari: ideo me explicare neque hic necesse habeo.

Animadvertis benè chylum non ejusdem consistentiæ & coloris esse, malè tamen id tribuis motui locali, quod debes calori.

Absit ut uni motui locali acceptum referam chyli consistentiam coloremque. Caloris appellatione intellexi motum circulatorium, qui qua ratione differat à calore, docendus sum, si respectum non admittis. Neque enim nisi me-

lioribus, quam hactenus allatæ sunt, rationibus credam, calorem talem qualitatem esse, qualem nobis hactenus fingunt Philosophi. Verba mea legantur. Pag. 286. *Sed animadvertendum est, chylum non semper eandem consistentiam & colorem servare, præsertim ubi jam tot vasis sanguineis, per viscera, circulatus, multo tenuior redditur.*

Magis eruditè dixisses, hunc album humorem fuisse superfluum succum, qui partes aluit, quod Harvey docuit Exerc. 70. de G. A. p. 332. & ante ipsum Ent. in Apologiâ pro circulatione sanguinis contra Parisanum digress. 4. p. 68. licet in hepate & partibus extremis qua aluntur nullus albus succus vel chylus reperitur.

Nihil hic me doces. Nam si *superfluum succum* intelligis, serum nutritioni ineptum, & ad fontes vasorum serosorum refluxum, nihil dicis præter id, quod à me dictum in quæst. Tract. de D. Hep. 1. cap. 8. de glandulis. Si vero per *succum superfluum* chylum nutritioni non satis aptum, ideoque necesse habentem revehi ad cor ulterioris elaborationis gratiâ, eruditius quid dicere non potui supra id quod dixi quæst. 2. ejusdem capituli.

III. *Pinguedinem à calore liquefactam.*

Quo doctior Scholiastes audias, hoc serum pinguedinem calore partium liquefactam commentariis esse, num probè, parum observas. An persuaseris omnia animalia in quibus hanc lympham à naturâ reconditam invenisti, pingua fuisse, aut ejusmodi calore astuasce. Pinguedo raro in hepate vifitur, imo vasa lymphatica in artubus habere conspectiora, quam minus pingues sunt.

Tertium hoc, tibi paradoxum, mihi probabile est. Supponamus, ordinariè vasa hæc aquam vel serum superfluum revehere à partibus: quid impedit quo minus eadem opera colliquefactam pinguedinem à partibus eâ donatis una vehant. Nisi id concedimus quam dabimus rationem, corporibus macrescentibus, pinguium sudorum, urinarum facum? ubi vero dixi pinguedinem à partibus minime pinguibus resumì in hæc vasa? Tune unquam in hepate pinguedinem vidisti? si enim raro ibi vifitur, faltem aliquando. Quod præter te dixit nemo.

Certum est canes & feles non sudare, ideo nec hanc lympham debere habere, addo & ea animalia quæ ossibus solidis nascuntur. Solin. c. 4. p. 182.
qua

quæ tn. cotidiana experientia lympham habere docet.

Hoc colon neq; meum est, neque intelligo.

Nec febribus, diuturnis morbis, aut languido ventriculo tuas feles consumtas fuisse, ut necessario hanc lympham haberent, quâ alerentur.

De hominibus locutus sum non felibus. Et in illis inquisitione dignum Pag. 286. dixi, num glandulæ etiam abducant pinguedinem, quam vis caloris solvit, & in vesiculam chylosam inferuit.

Mi Rudbek Abderam magnis itineribus contendas, quo consilium exquiras. quid tibi opus sit.

Si ita videtur, præibo Abderam, ut Helleborum invenias jam præparatum cum appuleris.

Oportet ut discas, in animali egroto non solum sanguinem imminui, verum & omnes partes molles, quidni & duriores.

Quem non hæc omnium stultorum magistra docet.

Et IV. Quod humores isti insensibili transpiratione in ipsâ infundantur.

Fict. Insensibili transpiratione demum hunc liquorem suis vasis immitti credis.

Rur-

Rursus affingis mihi, quod nunquam in mentem venit. Non enim dixi hæc vasa suscipere humorem insensibili transpiratione. Adverte animum ad ea, quæ scripsi Pag. 281. *Nam si illum esse serosum atque per insensibilem transpirationem emissum, concedatur.* Aliud certe est recipere humorem ab aliis partibus transpiratione insensibili emissum; Aliud, humorem illum in vasa insensibili transpiratione recipi: illud enim denotat, partes carnosas vasis circumjectas; humorem serosum sibi cum sanguine advectum per minimos poros exsudare, atque sic insensibili transpiratione colatum à serosis vasis recipi. Hoc autem sensum longè alium habet. Vasa enim serosa dicit liquorem, quem continent, obscuris viis per tunicam suam accipere. Denique æquæ probabile est carnosas partes serum evaporare, ac viscera abdominis: de quibus supra dixi.

Qui videmus vias, & vasa diligentius rimamur, non confugimus ad hoc ignorantia asylum, ne conspecto ductu erroris arguamur.

Qua diligentia vias & vasa, ceteraque omnia rimeris, nulla non pagina tuorum Anatomicorum abunde satis ostendit, & dabimus mox operam, ut ipse tu cognoscere queas. nullum magis odio nobis est, quam publicum illud ignorantia asylum. Ceterum ad partes venire
hoc

hoc serum à corde per arterias necesse habet, ut vero redeat in vasa serosa prius opus habet a carnibus evaporare. Cui enim natura tam Lynceos oculos concessit, ut in ipsa carne vasa serosa monstrare possit? videre tamen tu hoc beneficium nactus, quod te vias istas vidisse gloriaris, quicquid sit invidere non debebas aliis hanc notitiam, si eam adeptus sis: quam clarè & perspicuè descripsisses in vasis tuis Lymphaticis. Si vero id factum vel verbis vel delineatione figuræ confendas, ubi sunt vasa illa cuilibet carnium particulæ inserta, ut aquam ex singulis earum hauriant.

Tibi Rudbek Paradoxologe placet ineptire, ne Bartholinum optimum ducem perpetuò sequaris, aut confitearis, te in hac re ab ipso sublevatum fuisse.

Ineptivissem sane, si te mihi Bartholine ducem elegissem. Quid enim aliud expectandum erat, quam ut una tecum in ignorantia foveam inciderem.

MEM.

MEMBRUM XII.

AD CAP. IX.

*Fucus Rudbeki animadvertitur,
qui Bartholini dicta aliorum
observationibus additis absone
supprimit.*

SI animus esset longis responsionum diverti-
sculis (quod quidem calumniæ tuæ mereban-
tur) apologiam hanc extrahere, implenda esset
charta, non tam rebus, quam rerum umbris.
Ego hæc parvi facio confidens ea sufficere, quæ
initio hujus adducta sunt.

*Quomodo retrorsum ire potest lympa, si valvu-
larum quas supra toties adstruxisti modicè officium
intellexeris.*

Non sunt hæc usque adeo obscura; ut ad ea
ratio nostra nequeat penetrare. Ostendam ti-
bi modum & rationem. Fiat canalis ex ductili
materia, latitudine digiti, cujus omnes valvu-
læ ejusdem sint magnitudinis, vel paulo ma-
joris.

Este



Esto *a. b.* canalis. *d.* pars fixa valvularum. *c.* earundem extremitas mobilis. Impellatur in canalis. 1. Figuræ inferiorem partem aqua ab. *a.* versus. *b.* quæ eleuet valvulas, cogaturque ascendere supra ipsas; videbis aqua quæ dixi impulsæ refluxum negari à valvulis, quia cum sint majores cavitate canalis, incumbunt lateri *c.* qua parte mobiles sunt. Deinde

extremitas canalis *b.* stringatur, ligatura, ut in Figura 2. majoreque violentia impellatur aqua: videbis canalem majorem fieri, nec valvulas posse lateri *f.* attingere. Deinde humorem infusum ad lateri. *a.* inde ascendere versus. *b.* iterumque humorem prius ad latera. *g. h.* commorantem descendere ad. *f. k.* Eodem modo in animalium vasis fieri potest. Nam lacte vel alio humore vasa serosa & lactea in duplo majorem latitudinem extendi possunt. Atque ita ut valvulæ cavitatem non tegan-

tegant. Postea compresso digito, humorem videbis vel ascendere vel descendere, in quam partem digitum direxeris. Applica nunc hanc demonstrationem ad obstructionem naturalem, & hanc eodem modo fieri animadvertes. Longiori descriptione hæc equidem possent multo clarius dici. At quia hæc sapienti dicuntur, satis sunt.

Aut hac tenuia vasa sufferentne tua manus violentiam, quæ frequenter ipso attactu disparent?

Meas manus jam sufferre didicerunt. Oportet tuas esse admodum tudes, quatum ipso attactu disparent.

Nec restagnare aqua in abdomen potest obstructis vasis serosis, siquidem aqua ab inferioribus, non superioribus provenit abdominis partibus.

Primo hic concedere necesse est, vasa serosa tam lumborum, quam intestini recti in abdomine esse. Si hoc verum, absurdum non est, aquam sive serum ab ipsis non assumtum in abdomine posse restagnare. Deinde hic laboras præconcepta, eaque falsa opinione; vasa nempe serosa ex cruribus venientia obstructionem pati, saltem in initiis eorum. Cur autem tibi impossibile videtur etiam obstrui in medio, aut ad insertionem in vesiculam. Quod si hoc fieri potest (quod negari nequit) possunt etiam vasa in abdomine rumpi, serosumque humo-

rem, effundere, vel serum à visceribus evaporans, beneficio glandularum, quibus immerguntur, non allicere. Humor itaque à glandulis & vasis serosis non assumtus, in cavitate abdominis stagnat, ac hydropem efficit, ut per experientiam à me probatum est. P.288. *Quod mihi 6. Aprilis Anno præsentis scilicet. 1652. videre in ore contigit, cujus glandula in abdomine circa crurales venas sita, pugni ferè excedebant magnitudinem, exterius molles & aqua tumida, intus prædura, (T. 2. F. 1. fffff.) quarum vasa serosa; ad divisionem venæ cavae & arteriæ aortæ in ramos crurales, à tumore duro compressa erant, atque inter glandulas ac tumorem illum calami scriptorii crassitiem amulabantur, supra autem versus vesiculam chyli, ne vestigia aliqua reliquerunt. In abdomine 6. libras succi aquosi reperi; in quo intestina quasi fluctuabant. Postmodum cultello ductus serosos abscindebam, quo factò, humor illis atque glandulis contentus confestim evanuit; glandulas deinde comprimēbam, donec evacuato omni sero, fabæ magnitudinem non æquarent; unde conjiciebam aquam abdominis cavitatem occupantem restagnasse, propter horum vasorum obstructionem, quæ non sinebat illam à glandulis excipi atque illorum beneficio in vesiculam traduci.*

Sic fuco omnia implicas, quem ut aliquâ ratione approbes, simulas multorum autorum familiarem lectio-

lectionem, qui nullum verbum de scripto Bartholini profers. Qui tua conspiciunt, facile cognoscunt esse aliena. Tadet repetere ea quæ capite 4. objeci, ubi expressi caput, paginam Vasorum Lymphaticorum, ex quibus hujus cognitionis utilitatem sumferis. Hanc an tu melius adumbraveris Doctis constat. Ex Tulpio lib. 2. rar. obser. c. 34. exactius hanc doctrinam quam Rondeletio expressisses. Notat ille, in puellâ apertâ ob aquam intercutem, mesenterii tumorem 20. lib. ponderantem, & refertum plurimis vesiculis limpidâ aquâ distentis, fuisse. Increvisse lentè, ut moveret suspicionem imprægnationis, sed elapso partus tempore afflixisse eam triennium. Meliora ex Platero & aliis omitto, ne queraris te ubique à me laceffi.

Antiquum obtines : nihil agis : præstisset otium fuisse.

M E M B R U M XIII.

A D C A P. X.

VT supra caput V. ita & hoc ad V. caput Lymph. Bartholini refero, in quo accuratè hac omnia Fic. pertractavit. Si aliter observaveris, me iniqua in te congesse fatebor.

Non jam morabor in eo capite repetendo, quod hic citas. Nam cui bona. Hoc solum te rogatum velim, ut retegas, quæ ibi dixi. Re-

peries (nisi fallor) ea convenire cum tuis, ut lucem cum tenebris : non repetam tuam descriptionem mancā esse, atque imperfectā: nam in superioribus id passim ostendi. Indigtanda tamen quādam existimo, quorum ne cap. V. meministi quidem. Hujus generis sunt vasa serosa, pericardii, intestini recti, vasorum lumbarium, sterni, æsophagi: quæ haud dubio non præteriisses, si cognita tibi fuissent: Patet ergo vel ex hoc uno quam tu mihi nupiam auxilio fueris. Ut jam non dicam modum secandi & investigandi hæc vasa in illud usque tempus te ignorasse. Quæ enim alia causa omissionis tuæ.

Fid. Optimum tamen ut soles non expressisti, opportunum tempus hac vasa inveniendi; quod in hac ἐκχρηστὶ per necessarium scitu.

Nihil verius, & doles credo hunc boluin tibi non objectum: interea si quæ scripsi, Pag. 294. recte expendisses, invenisses quæ desideras. Quibus nunc hoc addo, *Cavendum tibi esse in vivis ne sanguine obruaris, in mortuis ne humor se justo citius subducatur.*

Fateris in fine nihil tibi gratius fore, quam augeri has observationes: Et tamen ferre non potes in Bartholino, quod & invenerit & auxerit inventa.

Illud prius etiamnum te alioſve cujusvis pretii Anatomicos rogo, ut observata mihi suis

suis observationibus augere dignentur. Tantum abest ut tibi vitio vertam, si quo bono nos juveris. Quod in te non fero, non feram, illud est quod aliorum inventa pro tuis venditas.

Non tango tuas observationes anatomicas, quæ nil novi præter feles dissectas noverunt; ut citius ad tuam Epistolam perveniam, & demonstrem; te κλέψαι αἰχρῶν τὴν Φήμην.

Catalogum novorum, quæ observationibus meis Anatomicis protuli, non texam. An dissimulas, an nescis quid novum in Anatomicis dici mereatur? me furari turpem famam, turpè dictum est. Cave ne illius aliquando tu reus agere,

M E M B R U M X I V.

Ad Epistolam à Rudbekio scriptam ad D. D. Hemsterhuis. In qua Rudbekii impudentia notatur.

Inscitiam arguit temeritas, quæ non didicit vereri, nisi suos vanos impetus viderit infelices esse. Si primum impetum effudit, sicut quædam animalia

omisso aculeo, torpet. Lata tamen est, si modo lacerasset turpiter. Ideo virtutem spondet sibi, quod ausa sit in conspectum progredi, licet à vulgo ipsius ferocitas possit compefci. Quod robur huic inesse putaveris, cum jactitat suam vim nil superare. Fugit hanc pestem cujus mens meliori genio gaudet & abominatur hanc perniciem omnibus mortalibus invisam. Nunquam felici auspicio gaudet, qui se protervè gerit. Verum cum sibi abblauditur infausta voluptate, speratum pramium amittit. Hâc insigni voluptate nisi Rudbek nimis efferares animum non astimarem tua adolescentia tantum cogitationes, ut ipsas vellem corrigi, quas majores anni solent mutare. Movet me quod insultas claris nominibus insontium virorum, etsi præter strepitum nil efficias.

O quam te torquet epistola mea! hæc fudes in oculis tuis. Hæc tibi scribendi occasio. Et vel ob hanc causam eam me scripsisse gaudeo; ut scilicet vires tuas ad elaboratius atque modestius scriptum provocarem. Quos enim in me impetus damnas innocui fuere, quotquot videre tuos, minis insolenter sublarva proditos riserunt omnes præter eos fortè, quibus nihil non tuum benè olet. Quod verò ceu vanus haruspex hariolare post primum adolescentiæ impetum, nihil vigoris, nihil solertiæ, superfuturum: dabo operam benedicenti Domino, ut liqueat prudentioribus, quanta arro-

arrogantia aliqui sibi abblandiantur, quorum tamen scientia maxima parte in opinionis fumo consistit. Nihil quod sciam, in epistola à me scriptum est immodesti, nihil veritati contrarium. Nihil denique contra ullius viri auctoritatem. Non insulto nominibus clarorum Virorum, quorum à me facta est mentio sine ullo incommodo. Quod autem miratus sim non nulla te mutasse, quæ solum tempus inventionis vasorum Lymphaticorum concernunt, ejus rationem te assecutum non esse, aut assequi non voluisse, hæc innuunt.

Quid tuâ refert Rudbek monere, Cl. Bartholinum in hac iteratâ editione nil mutasse, nilque præter annum inventis addidisse?

Nunc igitur mihi reddenda est ratio. Vidi statim, quid parturit ea, & intelligere poterit quisque. Non tam abjecte de me sentiebam, Ut desperarem fructum capere ex labore sedulo, quem alii audent sibi promittere ex defunctorio, imo vano. Deinde majus erat, quod ex silentio verebar: scilicet non defuturos, qui ideo dicerent Tractatum meum tuam cram- bem esse in mea culina recoctam, quod in principio non contradixissem. Id prævenire volui, quo non ulli ex eo nascatur malè de me loquendi aut sentiendi occasio. Nec puto præter te alium fore, qui me in consortium

laudis, inventis tam utilibus, debite non admittat.

Vecors censor censuram agis, homines censu. Quo veritatis vestigio hujus inventi auctoritatem negas Bartholino? aut quo tibi vindicas? Eo, quod omnia ex Bartholino exscripseris, ut pateret, te furtum commississe memorandum. Hodie te primum vidisse Lymphatica Bartholini asseris, & tamen statim animadvertis differentiam prima editionis à secunda, quod hodie fieri non potuit, nisi priorem heri priusve vidisses.

Hoc scripsi si demas adverbium primum, quod consilio non bono interjicis, & ut mihi persuadeo, arguendi me mendacii causâ. Jam tum primum vidi secundam editionem, de cujus discrepantia à priore. Quamque alibi dixi me Hamburgi emisisse, hic agebam.

Pungit te vecors libido, qua te in quavis pericula precipitem agit maleconscium, ut suspiceris quodvis sine ratione. Quod tempus inventionis prima accuratius positum sit in secundâ editione, hæc causa est.

Quod in tempore non expressio, refugium tibi ponis, si quis (quod mihi accidit) eodem tempore prodiret in publicum. Hoc consilio obtrusisti nobis vasa lymphatica in homine, quæ non sine gravi ratione dubito an videris.

Quod Typographi passim recudant, non Laclea tantum Thoracica, sed & Vasa Lymphatica, quæ
iterato

iterato prodierunt, jam Leydæ, Parisiis, Genuæ, unde evenit ut semper in ærâ dubitetur, & alii scioli sibi inventionem attribuant, quod jam factum videmus.

Quali vero ignorent cati emtores, quæ prima quæ ultima libri editio sit. Sed videtur hujus periodi is scopus esse, qui indicis librorum à te editorum, præfixi centuriis Anatomicorum: scilicet ut publice constet quot libellos vomueris.

Eadem ratio, quod pag. 196. lin. 21. Annus clō lō c LII. sit additus, quia in tot editionibus variorum annorum semper annus ignorabitur, vel pro postremo exit accipiendus quod falsum foret. Adhæc Typographus primus, nescio qua incuria omisit hunc annum in autographo auctoris signatum, & à me visum sanctè affirmo.

Quanti tua hæc affirmatio sit, lector noster ex antecedentibus judicabit.

Insulse objicis Bartholino: Superiori anni scil. clō lō c LII. theatrum nostrum Lactæas thoracicas in homine parturivit, ne aliquibus inventis diligentia nostra subsideret hic annus majora prodit, nempe Vasa Lymphatica. Indicat Bartholinus scriptum editum & publicam demonstrationem, non inventionem.

Theatrum scio publicis sectionibus aptum, & inquirendis quæ alibi conscribas. Quid est,

hoc, *lacteas Thoracicas parturivit?* ut ego accipio, eo tempore primum eas invenisti, quo & in Hist. Anat. LIII. Cent. 1. confiteris. De inventione ergo non de olim inventi demonstratione sunt tua intelligenda. Abundè enim tua ipsius verba testantur antea tibi lacteas thoracicas hominis cognitās non fuisse. Quod si hæc vera sunt, sequitur etiam Vasa Lymphatica non prius à te visa fuisse, quam Anno 1653, quod itidem verba tua ostendunt. Ne aliquibus inventis diligentia nostra subsideret, hic annus majora prodit. Si autem editio Leidensis vera erit, ubi Vasa Lymphatica à te Anno 1651. mense Decembri, & 1652. inventa esse loqueris, cur non eorundem mentionem fecisti in Lacteis thoracicis, qua primo prodierunt 1652. mense Majo? hæc clarius in generalibus exposita sunt.

Vnde diffidis & his argumentis, suspicionibusque, & concedis veram aram, etsi differentiam unius anni adducis, quæ supra explosa est. Insignem quoque fallaciam consequentia necis, reperisse te vasa hæc clō Iō c L. quia ea clō Iō c LII. monstrasti Regina. Posses hoc argumento evincere, te invenisse illa decem annis ante cum sub ferula esses.

Insignem fallaciam depravatæ interpretationis committis aut intellectus. Nonne ratio argumentationis meæ satis evidens est? quia
ego,

ego serosa vasa Anno 1652. mense Aprili Serenis. Reginae monstravi; necessarium esse ut jam ante mihi inventa, cognitaque fuerint, quid enim talium describi aut explicari potest, quod non antea fuerit in sensu & intellectu. Ceterum non ea fuit vis argumenti mei, quam existimas, quia vasa illa An. 1652. in Aprili Serenis. Reginae monstravi, ideo sequi An. 1650. à me reperta fuisse. Nihil minus volo, nam id putidum esset, & vanum, ut rectè animadvertis. Hic sensus est narrationis meae. Quia Serenis. Reginae Anno 1652. mense Aprili publicè ostendi vasa aquosa, te autem cum tuis mense demum Majo prodiiisse: idcirco mihi inventionis laudem, non tibi debere, ut jam non repetam eo tempore te vasa hæc aquosa, si forte genuina vidisti, pro lacteis habuisse.

Et sit te ea conspexisse cło lς c l. idne potuit Bartholinus olfacere, qui ne natum te sciebat, antequam feriis natalitiis exeuntis cło lς c l i i i. anni, per Hauboldi servum Holmia adveniret Hassniam tuum scriptum.

Non pudet te tam splendidè mentiri? annon ineunte autumnno, qui præcessit ferias natalitias Anno 1653. præstantis. D. M. Wormius submitit tibi exemplar sua manu descriptum ex unico meo, quod huc attuleram ex iis, quæ Arosiæ edita fuere, una cum picturis ad inventi
mei

mei intellectum necessariis, & propria mea manu delineatis signatisque. Vah pudor? neque enim credo Dⁿ. Wormium aliud nunc dicturum quam quod antea locutus est.

Auges malitiosè signenta, qui tua verba c. 3. Fict. l. c. 2. producis, & demonstrationem publicam, cum ibidem nil de Lymphaticis, aut serosis scripseris. Ineptum subsidium petis, & famam ignavâ operâ quaris, cujus loco ignorantiâ reperisti.

Non sum arbitratus te tantæ Reginae, qualem antehac nulla sæcula videre, fidem in dubium vocaturum. Adeone frontem perfricui-
sti. An vero me adeo impudentem existimas, qui ausim temerè provocare ad testimonium Reginae, & vel tacito tantum nomen in conscientiam pudentissimi facti vocare? opto tibi in omnibus tuis conscientiam tam integram, ac mihi est hac in re. Quæ tibi malè sana ratio dictavit Serenis. Reginae, me vasa lactea non aquosa ostendisse. Ut vero aliquid probasse videre, regrederis ad Cap. 3. præteritis omnibus, quæ in ceteris clarè erant dicta. Vide quæso Cap. 1. ubi invenies non modo lactea sed serosa vel aquosa nominata: Hoc ita pro vero habito, cum aliquando, presentibus, Magnâ Europæ virgine CHRISTINA serenissima atque clementissima nostra Regina, illustrissimis atque generosissimis Dominis, amplissimo senatu

senatu Academico, studioforumque corona; lacteas thoracicas publice ostenderem, hos quoque ductus scilicet aquosos in medium adduxi. In capite vero tertio non opus erat eorum denuo meminisse quod unius ejusdemque sectionis essent. Hal- lucinaris ergo, qui non modo hic, sed & antea toties citas, quæ citari non debent: quæ vero clarè scripta & explicata sunt, quasi nunquam edita essent, præteris. Deprehendi tamen mendacii vestigia, & ex fuga te retraxi. Quid restat, nisi ut infamix litera noteris.

Facillimè expiscari potuisses, si non vidisses Lym- phatica, ex Thoracicis editis cl. I. C. LII. Bar- tholinum inventorem rectè dici, Lymphaticorum: Expressa ibi Vasorum Lymphaticorum sæpius habetur mentio; & cap. 6. pag. 21. præcipue eorum, quæ circa hepâr cum Cl. Viro M. Michaelæ Leysero 15. Dec. cl. I. C. LI. vidit. Mirum observamus in cane ductus lacteis similimos sed modo lacte, modo sero pellucidos, à mesenterio five receptaculo novo serpere; partim sursum ad hepâr cum portâ, modo ad renes per emul- gentes, modo inferiora versus, secundum ca- vâ descendentis ad ilia tractum, cui insterne- bantur, & mediâ membranulâ jungebantur, donec vesicæ alveus conspectum interciperet, ulteriorem, qui vinculo levi intercepti infe- riora versus tumeant, versus mesenterium

vero

vero inaniebantur, ut suspicio nobis nata sit, peculiare hoc esse vasorum genus, sero destinatum, de quo iudicium in alias observationes distulimus. Meminit quoque Iliacorum in eodem tractatu repertorum 4. Ianuarii c15 l5 c LII. cap. 12. pag. 38. Singulare est quod in cane vidimus, ad pedes anteriores serosa quædam vasa, quemadmodum in abdomine venas pedis comitari utrimque; pellucida instar illorum, quæ in thorace & abdomine aliàs observavimus, quorum neque ingressum neque egressum potuimus tùm distinguere, sed vinculo intercepta tuebant versus ipsos artus. *Simulas te hac non vidisse in Bartholino, & tamen immemor tui hunc librum citas. Ita ter ex tuo indicio te prodis, ut nil clarius dici possit, aut quo tua protervia corrigatur, aut factum nefandum indicetur.*

In omnibus hiis pessimè sapiis. Quomodo vasa aquosa demonstrare potui Serenis. Reginæ, mense Aprili, adjutus tuo de lacteis Tractatu, qui ut toties dicere cogormense primum Majo ejusdem anni prodiit. Quam calidè autem hæc loca citaveris, ex tractatu de Lacteis, membro secundo palam feci.

Est scriptum tuum fœtus posthumus, ideo exfors juris hereditarii, quemque perlustrum circumtulisti, mola meritò audit:

Mon-

Monstrum horrendum informe ingens cui
lumen ademptum.

*Id cur non prius edideris calva est excusatio: si id te
absterruit quod esset immaturum & capite
truncatum; debuisses adhuc te continere, quia cot-
tidie augetur inventum, tam Lactearum, quam
Lymphaticarum, sed verior causa, quod te expedire
non potueris ante visum Bartholinum.*

Inventa mea, qualia Anno 1650. & 1652.
habebam, quare immatura vocaverim, etiam
ante rationem reddidi: Quibus nunc addo,
quod fidendum non putarem, quoties in pu-
blicum prodeundum est cum novis: sicut à te
factum est in Vasis Lymphaticis, in uno Jano
vix cognitis. Addo & propter Lacteas, qua-
rum progressus in Pancreate, ad vesiculam,
mihi nondum erat satis perspectus. Non volui
autem pedes & caput ostentare sine corpore.
Si vero animus fuisset illud quod tum temporis
immaturum erat, in lucem proferre, potuif-
sem equidem eodem jure & pari fructu, quo
tu tua protulisti. Sed eadem omnia, quæ me
absterrebant, à divulgandis meis vasis serosis
& lacteis, merito etiam te à proposito abster-
rere debuissent; quidquid enim de illis edidi-
sti, quibus rationibus se excusabit ab incondita
ruditate, ut ne dicam merâ incertitudine? im-
maturum est, quod de lacteis vulgasti. Ubi
enim

enim progressum à pancreate in vesiculam chyli exhibes? immaturum est, quod de vasis lymphaticis animalium vulgasti. Multa enim eorum, quæ vidisse prius debueras, in hunc diem non vidisti. Visa autem falso descripsisti, & imperitè delineasti. Immaturum est quod vasis lymphaticis in homine vulgasti. Hepaticorum enim nec ductum nec insertionem, nec valvulas, nec figuram, nec substantiam verbo nihil explicavisti. Deinde lacteas binas Mesenterii Lymphaticis venditasti. Quarum origo etiam & insertio tibi ignota est. Hæc ego singula, quæ in brutis bene perspecta, te longe accuratius & clarius, (quamvis stilo impolito) non modo descripsi sed & delineavi.

Et ut scripto qualicunque stipendium Regina exambires, ut Leyde studia continuares.

Quod in opprobrium mihi objicis, nescio qua animi libidine ac stupore, hoc mihi maxime laudi ducó. novisti credo incomparabilis istius Reginae Doctissimæ meæ clementissimæ; singularem liberalitatem, & in hac non temere collocanda acre iudicium. Quid in me Sereniss. Regina viderit, quare me dignata sit stipendio, quo multi in Belgio Professores non fruuntur, non possum dicere: exosculor cum omni veneratione hoc beneficium ac publicè priuatimque de prædicare immeritam
in

in me munificentiam soleo. Eja vero quanti interest Professoris titulo an studiosi (ex quibus professores fiunt) stipendium Principis mereri? an vero dolet tibi ali ingenia in spem frugis? an vero metuis, ne quis te doctior evadat adjutus liberalitate Optimæ Maximæ studiorum Promotricis.

Prudentem verecundiam fingis, quam invidia summa destruis. Si ambitionis vitio me dammare vellem, & Lactearum thoracicarum inventionem certamen cum Pecqueto inire auderem; *Audaculum tyronem!* qui sine auspicio, sine tessera Bartholini progredi non audet, qua passim utitur, & hic nititur. Neque Experientiss. Pecqueti Thoracicarum lactearum descriptionem in animalibus unquam inveni, nisi natuta aliter in Galliâ, quam Suecia, Dania, &c. cum brutorum conformatione ludat. *Hæc ex Bartholini Thorac. t. 12. p. 73. fide bona recitas, quibus annuis te Bartholinum assidue volvere.*

Verum est ea verba, quæ ex epistola mea adducis, originem debere tibi, idque non injuria, siquidem nihil rerum exscripsi, sed solummodo verba, propter maximam eorundem elegantiam, quam in scriptis tuis tanquam puræ Latinitatis gnarus adhibere soles. Mihi id ab aliis probro non erit quod in Latinitate cujus rudis arguor, subsidium non

nunquam ab aliis petam. Neque tu id reprehendere aut vitio vertere potes, neque etiam tibi blandiri, quod toties revolvam scripta tua, quasi aphorismos continerent Hippocraticos. Talia enim mihi succurrere poterant, vel semel tua perfunctoriè legenti. Non superciliosè de his nuper inventis judico, non arroganter repudio, neque tamen quod credis, inter manus meas quotidie versantur.

Id tibi non invidet, imò invitat ad Lymphaticorum inquisitionem in homine, modò ne illum superciliosè allatres, & candidum ingenium infamia saucies. Totà Europa diffusum est, primum Bartholinum hac Vasa Lymphatica reperisse, descripsisse, divulgasse, nil de te Rudbek, nil de tuo furtivo scripto quam nuper percepisse. In omnibus Bartholinum amulatus, & ubi non affecutus es, Paradoxa adjecisti. Si quid invento addidisti, laudem mereris, quam tua malevolentia & astutia jam imminuis. Non est, quod provoces ad Doctores Leydenses, illi enim Bartholini Lymphatica vasa viderunt, antequam de te Rudbek quidquam inaudiverunt, ut litera ad Bartholinum testantur.

Imo ad Doctores Leideneses provoco, maximaque debito propensione atque benevolentia excellentiss. Dⁿ. van Horne, quod me tam contentim ab inimico oppugnatum, honorare testimonio suo voluerit, cujus exemplum apponere placuit.

Clas-

Clarissimo VIRO

D. OLAO RUDBECK

Sueco S. P. D.

Perlegi, non sine animi sensu, Olae Doctissime, qua de Martini Bogdani tractatu ad me scripsisti, nec prius conquievi, donec ejus mihi facta fuerit copia. Iudico autem & invidia & maledicentia plenum esse libellum, à quibus cum longè absit Celeberrimi Bartholini animus, indignè sero ejusmodi hominis tumultuarii calamum in hujus defensionem fuisse strictum. Quid, nonne suas satis superque tutabitur partes Bartholinus, aut suis forsan viribus diffidit. Vt ejusmodi indigeat Hysperaspiste? à tali namque Achille non vulnerari tantum, sed & interfici gloriosum esset. Hic vero sub exuviis leonis Asinum condit, in re Anatomica planè rudem, atque audet etiam obrudere Anatomicorum (palam dico quod sentio) dexterrimum & accuratissimum cuique ego palmam facile concessero: tantum abest ut fateri nolum, me primo omnium Lugduni Batavorum fuisse deductum tua opera in cognitionem vasorum seu Hepaticorum seu Lymphaticorum, prout appellare libuerit. Cum enim ad manus meas & aliorum pervenisset excellentissimi Bartholini de Vasis Lymphaticis libellus, continuè itum est ad me, quem Anatomica professio incumbere jubet meridianis ejusmodi exercitiis. Ego autem negavi ea vasa à me visa fuisse,

partim quod encheirisiſ ratio (quod in recens inventis contingere mirum non eſt) non ſatis ad captum eſſet expreſſa, partim quod canes magni macilentiq; , quales venatici ſunt , ab Autore ad horum vaſorum indiginem requirerentur , quos cum nullo modo nanciſci potuerim , atque inſuper modum adminiſtrationis ignorarem , deſtini ea perſcrutari , ne oleum ſimul & operam perderem. Tu vero ſpretis & poſthabis his omnibus difficultatibus, non in cane venatico, macilento, vivo, aut ante certas horas paſto, ſed in Eriſaceo terreſtri ante viduum mortuo. Adhibitis dexterrimis ligaturis , eadem, eorundemque cum lacteis meſentericis jucundiſſimam viſu anastoſin oculis meis ſubjeciſti. Adeo ut aſſerere non dubitem , nullum fore tam perfricta frontis Lugdunenſem Doctorem medicum , qui ante tuum adventum ejuſmodi vaſa in aliquo ſubjecto à ſe viſa auſit fateri. Tu vero amicorum optime , cui nunc de prima inventione vaſorum lis movetur, quam ego meam non faciam , ita apud animum reputa tuum, jam primum bene tecum agi, quia invidetur, nec aſinum , qui te calce percuſſit , in iudicium vocare noli, ſed contemptu Te vindica, ipſa namque virtus ſibi ſatis eſt pramiū , quam unice juxta cum omnibus bonis in Te colo & eſtimo, & propter quam ſemper ero

Dabam Amſtelodami 1654.

Tibi Addictiſſimus

JOANNES VAN HORNE

Doct. Anat. & Chirur.

Prof. Ordinarius.

Icones

Icones etiam ex ingenio fingis. Nec possunt Latæ ita accuratè separari, multò minus serosa illa tenuiores.

Ita tibi persuades, procul dubio, quia separandi ea vasa dexteritatem nondum es nactus, quod tamen non ita difficilè, ut existimas. Si lubet, & hanc gratiam à me requires, coram testibus illa integra eximam tibi que transmittam.

Glandulas in Fig. 1. Tab. 2. ex ove morbida desumpsisti c. 9. & pro naturalibus venditasti.

Imo naturales sunt, illas enim glandulas non solum in ove, verum etiam in omnibus animalibus, à me dissectis observavi multoties, præsentibus illis, quos sæpius laudavi. Sed forsan tibi Cl. Bartholini mirum hoc videbitur, qui vel nullas sectiones, vel saltem insufficientes, pro inquirendis Vasis Lymphaticis, & eorum glandulis instituit.

Ego quo potui ingenio Cl. Præceptoris dignitati, consulere nisus sum, ad id tua epistola me primum impulit, etsi antea tuo instituto non favebam, & me Cl. Bartholinus ab hoc scripto retrahebat, interserens: Tempori infecuturo convenire iudicium, & candidis ingenis, quod hoc publico scripto non sustuli, sed quo id facilius fieret, & digno palmam ferrent indicavi. Igitur Cl. Bartholinus non diffidit suo juri, qui laceßitus non resistit.

Cl. Bartholine quia jam ad finem festinat responsio mea, apponam, autoris cujusdam optimi, non inconcinnam in simili argumento narrationem. Refert is de duobus viris, quos transmutato nomine appellare libet Libartonum & Tinarmum quorum ille famâ, alter affectu mentis erroribus nomen suum plerisque commendaverat. Jucunda erat spectatoribus scena, dum Libartono fugâ se subducenti atq; curiosè investigato, Tinarmus inventus est, qui se Libartonum esse constanter nimis profitetur. Paucissimi quidem aderant, quibus mentiri illam personam poterat, non vestis Libartono digna, non corporis & lineamentorum æqualitas, & quod maxime arguebat, non eadem animi bona. Nihilominus tamen in illa publica ignominiâ gratulatus est sibi vehementer, se eundem esse quem quærebant. Intenderat ea res in initio adstantium animos, sed postquam fabula percrebuit, iis etiam invitis, risum expreslerat. Mutato nomine de Bogdano fabula narratur. Multa sunt Cl. Bartholine quæ tuam inconstantiam, quam in me sæpe frustra reprehendis, arguunt. Primo dicis Te retraxisse Bogdanum à suo instituto; qui fit ergo, quod amico tuo hic Lugduni Batavorum versanti scripseris, Te nihil scivisse, neque quando scripserit, neque quando edide-

VAS. ET DUCT. RUDBEK. 151
ediderit hoc scriptum apologeticum: verba
tua sunt.

Vir Clarissime, affinis Honorande!

TVas recte non ita pridem, cum icone Recepta-
culi lactei in homine inventi accepi. Pro utraq;
gratias ago, & unicum in votis habeo, ut in officio
& amore tecum paria faciam. Elegans lactearum
nostrarum augmentum perplacet. Et utinam his
aliisque augmentis inclarescere magis vellent non-
nulli, quam obtrectatione fame alterius, & inventi.
Si recte conjicio in icone transmissa & à Cl. Rud-
beckio delineata, videtur Lymphaticus quidam esse
ramus, qui à receptaculo lacteo ad inferiora descen-
dit, litera p. significatus, per quem aqua receptaculo
ab inferioribus infunditur, lactem enim esse nequit,
quia nec usum haberet, nec eo usque progrediretur.
Quicquid sit, laudem diligentiae author meretur.
Mitto tibi centurias duas Historiarum anatomicarum
nuperrime editas, quas aequi bonique pro candore tuo
consules. Misisssem & reliquis Lycæi vestri Doctori-
bus, si Iansomo commodum fuisset. Adjunxi Bogdani
Apologiam, quam me inscio & conscripsit & edidit,
rogavitque ut tibi cum salute transmitterem. Ego
certe nunquam ne verbulo respondiſsem satur enim
jam fame sperno contentiones, & sufficere mihi cre-
do mentem recti consciam. Præterea non magnopere
laborandum duco quis hujus vel illius inventi autor

fit prior, sat est inventum esse, & ad publicam utilitatem conferre posse. Riolani autem opusculum avidius exspecto, in cuius iudicio plus apud eruditos formidinis. Hisce vale amicissime. N. N. & meo nomine saluta; quos salutare consuevisti; & si iconem receptaculi inventor mihi transmisit, & illum salvere jubebis cum prompta officiorum oblatione. Hafnia

x. Martii St. V. 1654.

Tuus Totus,

TH. BARTHOLINUS.

Quod in cæteris cum laude mentionem meiffacias, pro eo Tibi non parum Cl. Vir, me obligatum esse fateor. Cæterum quod spectat inventionem vesiculæ & vasorum ferosorum sive Lymphaticorum in homine, quam mihi tribuis, eam mihi non arrogo, licet ex beneficio Cl. Viri van Horne, una cum ipso sectionem admimisstraverim. Ad hæc accedunt quod Sympatriotæ meo Dⁿ. P. Pryts nuper per Daniâ huc ex Suecia advenienti, testatus sis, in sermone cum ipso habito, Te moleste atque egrè tulisse Bogdani tractatum scriptum atque editum esse. Et tamen de novo amicum Leidensem rogas, ut novis Typis hoc tuum scriptum Bogdano attributum imprimi curet: quasi non sufficeret ex prima editione gau-

gaudium, quo animum tuum pascas. Tertio quomodo conciliari possunt, quod propinqui tui & amici asserunt, Bogdanum neque Anatomicum, neque Medicum, neque Philosophum ullius nominis aut doctrinæ, sed purum putum Asinum esse, & in eo occupari, ut sibi creditos sibi similes reddat. Tu vero ubi de Vasis Lymphaticis hominis, non vereris ipsi famam insignis eruditionis attribuere?

Scit quodvis quæ præceptis ruit, si non impediatur languescat, & cum primo impetu nil offendit evanescat. Ego studui tuas scopas dissolvere, quo plures superessent fascēs, ad coercendum tantam audaciam, & te ad studium Grammatistarum compellendum, cuius nimis rudis es Rudbek, ut elegantiori scriptores novas, non vitiosissimo divulges, & paniteat te scripsisse, cum hos relegis solacisimos, quibus ut & aliis abundat scriptum tuum, ut:

Lit. a 2. l. 15. reperierim, l. 22. mædicina Lit. a 2. o. l. 6. æsophagus & alibi multoties. Lit. a 3. o. l. 5. ductuum cholidochum. Lit. b. 1. l. 3. convisorum. l. 11. Heraclite. l. 14. Galenus Pergameus. Lit. b. 1. o. l. 15. præallegatum. Lit. b. 2. l. 4. ad eam desideraretur. l. 14. In venarum lactearum originem ac infectionem inquirendam versabar. l. 17. cholidocis quoties. l. 24. expertum passivè. l. 26. ducto vitsungiano. Lit. b. 2. o. l. 9. manifesta

evaserunt pro manifestæ evaderent. l. 25. originem depromunt. Lit. b. 3. l. 2. ferit profert, Lit. b. 3. o. l. 8. reverberatus. l. 12. & 15. ductus hepatici duo egressos reperi. Lit. b. 4. o. l. erint. Lit. c. 1. l. 14. inficias ira actionem, Lit. c. 2. o. l. 4. tota vitiosa. l. 14. amandare intestinis. l. 24. ipsâ anatome liquet adde ex, Lit. c. 3. l. 5. tincturâ affecerint, pro infecerint, approbare. l. 20. exercitatione adde in. Lit. c. 3. o. l. 17. revchitur hepati. l. 24. cum oportet & tota linea vitiosa. Lit. c. 4. l. 10. vel an, l. 23. consentire. l. 26. inquiramus pro inquirere. Lit. c. 4. o. l. 1. sub quem commentatus pro inquem, l. penul. in causam vesicularum inquirendam diligentissimos. Lit. d. 1. l. 25. caussari passivè. Lit. d. 1. o. l. 26. Colidochi. Lit. d. 2. o. l. 8. hæmorrhoidal. l. 9. Intestino Colon. l. 17. mihi dubium pro me. Lit. d. 3. l. 23. Vasa plerique. Lit. d. 4. o. l. 10. vasa habentes. Lit. e. 1. l. 25. comedant. Lit. e. 2. l. 1. relinquerunt. l. 16. ad 20. totus paragraphus vitiosus. Lit. e. 2. o. l. 27. octogesimo, quod vitium in Sennerto non existat. Lit. e. 3. l. 24. humore vigent. l. 28. in ovis pro ovibus. Lit. e. 30. l. 9. cernas pro cernes. l. 28. Vasa illarum origo. Lit. e. 4. l. 11. gravidum selem vid Vossium de arte. Gram. lib. 1. analog. c. 36. p. m. 151. aliter.

VAS. ET DUCT. RUDBEK. 155
ter. Lit. f. 1. l. 1. quam pro quas. l. 24. Catti
fretus.

*Barbaries hæc te rudem indicat Rudbek, & ad
Grammatistas ablegandum; vel festinantem. Hanc
festinationem ipse affers cum potiores errores expun-
gis. Cur non alios eâdem operâ correxisti multò
graviores? Sed causa festinationis est verior quod
viso Bartholini invento, properavit infelix calamus,
ut sibi inventionis laudem arrogaret, præriperetque
Bartholino incondito fœtu, & artubus truncato par-
tu. Insanires Rudbek si sermonis leporem Medico
negaveris conveire, quem à barbaris desideramus,
& à tyronibus ferulis. Nec te sisto iudicio Ausonii,
qui suo tempore non infacetè lusit in ejusmodi farina
hominem, qui scripserat activâ voce reminisco.*

Reminisco dixit Rufus in versu suo:

Cor ergo versus imo Rufus non habet
alias si te barbarum legisset, te cum corde nec cere-
brum, nec bilem habere prodidisset.

Claudis Cl. Bartholine, tractatum enume-
ratione quorundam errorum, quos, certo af-
firmare audeo; te primum non vidisse. Vidi
ego quoque eosdem; sed emendare non potui
propter plurimas meas occupationes & festi-
nationem itineris mei suscepti, quibus destri-
ctus fui. Quod vero non nunquam ibi inveni-
ris periodos non ita ad modum Ciceronianum
constructas, & forte verba latina civitate ad-
huc

huc nondum donata, id pro tua humanitate excusare potuisses. Præsertim cum ipse profitear me animum ad expoliendum & ornandum stylum nunquam appulisse. In hoc quidem libens tibi palmam concedo, neque pudet monita tua sequi. Prodis vero affectum tuum nimis difficilem corrigendo ea, quæ facile potuisti videre Typographo esse adscribenda: nempe cum litera, quod facile fieri potest, transposita est, quem errorem non esse appellandum, vel ex eo, si æquus es, judicabis, quod alio loco rectè scriptum idem verbum sis reperturus. E. G. cum semel pro ovibus, Typographus posuisset, C. X. ovis, quod aliis in locis C. V. recte est appositum. &c. Deinde multa sunt à me recepta ex usu Medicorum & Philosophorum, qui cum suas res agunt, non admodum solliciti esse de verbis solent, cujus farina etiam videtur esse tuum illud ingrossari, & quod præterea, si otium his nugis esset, notari posset. Denique perplurima sunt, quæ inimica tua manus traduxit, ut solacisimos, quæ recto sensu vera & genuina sunt. Quo enim titulo & ratione defendere poteris, quæ reprehendis Pag. 20. 23. &c. Quicquid sit, existimo sufficere, modo barbariem evitem, res, ut in se sunt, dilucidè & planè explicasse, neque oportere molestis & intricatis periodis sensum

fenfum obfcurum reddere, adeoque rem ipfam involvere. Nam id arbitror in ſcientiis, quæ deſcribi rectè debent, vel imprimis eſſe neceſſarium, ut verba minus, quam res obſervemus: in quo Cl. Bartholine dabis mihi veniam, ſi non nulla repoſuero errata, quibus in rem peccaſti. Monſtrabunt autem ea non ruditatem in verbis ſed maximam in rebus ignorantiam. Confidera,

Tractatu tuo de Lacteis.

Pag. 60. *Spargebant glandula lactea nova ramulos ad pancreatis partem duodeno ſubjectam, emulgentem venam ſiniſtram tranſcendentes, alios quoque ad arteriam emulgentem dextram.*

Pag. 66. *Maniſeſtum jam eſt & certa breviffimaq; via inventa eſt, qua potiores, qui cum Promacho congios vini vel quatuor hauriunt, vel cum Boneſo, qui bibit quantum hominum nemo, non ut vivant nati ſunt, ſed ut bibant, citiſſimè & copioſè mejant.*

Pag. 68. *Laborent quantum velint Prædici in renum intemperie, viarum laxitate, attractricis vel retentricis imbecillitate, nunquam tamen ſe expedient, niſi breves has vias habuerint perſpectas, per quas, ſine ſubſtantia mutatione aut ſanguinis miſcela, cito meatu tranſeunt aſſumpta.*

L

Pag.

Pag. Eadem. Iam demum assequimur, unde in quibusdam lac seu chylus cum urina sit redditus.

Pag. 70. Promptum nobis videre, cur nephriticos exhibita remedia lithontriptica statim subinde sublevent; vel quo modo Venerem stimulantia, legumina &c. brevi mora & sine impedimento viarum ad arterias emulgentes deveniant & spermaticas, quia in consuetō & hactenus recepto itinere longiore, virtus alioquin remediorum facile hebesceret.

Pag. Eadem. Nec amplius dubitamus, cum hausta Diuretica in urinis odorem & colorem imprimant, ut de Terebinthina, Casta, Iunipero; aliisque notum.

Pag. 71. Quomodo, & quā via expedita, cum cibus deglutita multa, simul per urinas sint reddita, nemo est qui non divinare possit.

Pag. 73. Patet præterea nobis jam oculatioribus; cur hydrops interdum hausto potu statim distendat ventrem, quod in amico meo intimo non ita pridem observari; nempe ob peritonæi tunicam, cui glandula lactea immersa latent, impletam.

Pag. 82. Connectuntur inferius, ut dictum; Receptaculo vel glandulis lacteis; postica parte spinæ dorsi; antica œsophago, ad quem & ramosulos mittunt.

Pag. 89. Si vera est historia; inventis lacteis thoracicis facile viam modumque inveniemus. Axillares



lares rami, seu potius insertio lactearum in axillares ampliata fuit & solito majoribus ostioliis hiabat.

Pag. 103. Ipse ego ante annos paucos in Orbe pisce utriusque sexus non solum venas lacteas inveni sapius, sed rerum in hepate insertionis locum semper controversum.

Pag. 108. Et saepe, quia omnis chylo praecluditur ad thoracicas via, superfluum revomunt.

Pag. Eadem. Hepar sanum sanguinem consicere debet, ubi cor patitur, & vena thoracica nihil deferunt chyli sive vitio viarum obstructarum aut compressarum.

Pag. 109. Proportio esse debet vasorum lacteorum ad vasa chylum recipientia, sive hepar sive cor. At nulla est ductuum lacteorum Pancreatis & thoracicarum ad cor vel hepar proportio, si vel soli hi vel illi chylum deferunt.

Pag. 110. Ita tenuiorem sanguinem per septum cordis ad sinistrum ex dextro ventriculo transcolat, crassiorem vero & copiosiore per pulmones circulat.

Pag. 114. Ad cor per Receptaculum & thoracicas tenuem tantum distribui multa habeo indicia.

Pag. Eadem. Quod spectat & eorundem ductuum angustia, imo exilia foraminula quibus patent in subclavias, nonnunquam unicum tantum tenui



valvula munitum, facile à crasso chylo rumpenda.

Pag. Eadem. Nec debet ad cor per subclavias crassus chylus inferri nondum satis per moras in hepate concodtus aut praparatus, nam à calore cordis adureretur potius vel suffocaret hominem, vel continua ejus systole seu contractione impura ad partes nutriendas devolveretur, ex quibus Ilias morborum & pessima exsurgeret nutritio.

Pag. 115. Receptaculum ipsum, præter subtilem, nec alium recipit, nec expellit, quia caca sunt ostia per quæ illabitur chylus & elabitur, turgetque chylo antequam crassior in ventriculo sit perfectus.

Pag. 116. In aliis eadem hora dissectis apparuerunt nominatæ viæ splendens sero plenæ. In aliis per vices, serum & lac commeabant iisdem viis.

Pag. 118. Hepati aliquid transmitti communio lactearum ex pancreate prædeuntium monstrat, & succi, identitas, ut barbarè loquar, hic & ibi similis.

Pag. Eadem. Imo observavimus in homine, canibusque promiscuam lactearum à Receptaculo in hepar prope portam insertionem, ut suspicio sit ex Receptaculo non tantum ad thoracicas protrudi chylum, sed ad hepar quoque, quemadmodum ex pancreate mesenterii & ad hepar & Receptaculum distribuitur idem.

De Dubiis Lacteis.

Pag. 142. Certè thoracica ex axillari provenit,
in quam lactea nostra desinunt.

Pag. 152. Glandulas axillares ab dominisque lactei
ductus perreptant vel exterius lambunt, sive ut
fulcri vice illis utantur,

Pag. 153. Adhac chylus fibrarum autor, qualis
qualis sit, ex ventriculo venit, tam ille qui tho-
racicas ingreditur, quam qui hepar.

Pag. 157. Quis in Chylo concretionem talem ani-
madvertit? Expositus aëri demptus ex lacteis
chylus, permanet liquidus.

Pag. 164. Per intestina purulenta lactiformis in-
terdum effluit materia, vel sincera vel stercoribus
permixta, sine ullo intestinorum dolore, qua cre-
ditur manare à mesenterio ulcerato & absces-
sum passo, quum tamen procedat ab ista collectione
chyli in magna glandula mesenterii.

Pag. 167. Natura autem providentiæ adscribimus,
quod non nisi utilem chylum lactea sugant.

Pag. 176. Arteris emulgentibus conjuncta lactea
proximâ per renes viâ vinum liberalius haustum
& thermale aquas eliminant.

De Vasis Lymphaticis in brutis.

Pag. 211. Lactea vena, præsertim thoracica, in
gelidis cadaveribus supersunt, partim quod
L 3 muscu-

musculorum compage non adeo premantur arcte, partim quod tunica illis sit robustior, & amplior vasis capacitatis. Aquosa contra vena tenuissimis vestiuntur membranulis, telis araneorum similibus, quæ evacuato liquore translucente in totum evanescent.

Pag. 216. Qui in nervis circulationem admittunt, nullam commodiorem hac viam invenient, quippe subtilissimos spiritus in splendidam aquam resolvit quotidiano in alembicis experimento constat, tumque ex nervorum summis particulis progredientur.

Pag. 217. Vnde truncum nullum habent, sed ex partibus diversis hinc inde veluti rivuli salientesque fontes se paratis originibus ad fluvios duos tendunt, glandulam nempe mediam lacteam & axillarem venam, ut in communem cordis oceanum pleno gurgite exundent.

Pag. Eadem. Substantia, est tenuissima pellicula pellucida, instar tele araneæ subtilis, ut levissimo vulnere & tactu rumpatur.

Pag. 218. Hinc est quod effusa limpida aqua statim dispareat, quia applicantur membranule illius venis subjectis, ut discerni nequeant etiam à Lynceo.

Pag. 219. Maxima pars annulari formâ venas ambiunt, hederaque instar amplectuntur, per tenuissima filamenta illis alligata & connexa.

Pag.



Pag. 220. A cruribus eodem modo permulta ad-
scendunt, sociæ venæ cruralis & Iliacæ, quam
ambiunt modo arcte modo laxè, circulatorum in-
star, progrediunturque ad mesenterium, ibi demq;
cum portæ ramis in glandulas inseruntur, via ocu-
lis haud satis conspicua. Ab hepate quoque &
vesiculæ fellis ejusdem portæ societate per eandem
viam decurrunt.

De Vasis Lymphaticis in Homine.

Pag. 16. Ecce circa ramum Mesentericum & Spleni-
cum duo Vasa Lymphatica se produnt tantò illu-
striora, quanto visu magis grata:

Pag. 17. Majora illa duo per ramum Mesentericum pro-
gredientia; digito compressa humorem limpidum absti-
nate retinebant, nec ad inferiora propellebant, unde ex
cruralibus Lymphaticis orta judicabam, propter valvulas
& cursum liquoris nihil remeare admittentibus:
Disparuit autem versus superiora supra digitum quid-
quid cavitati inerat, ut conspici amplius nullo visu potue-
rit. Ex hepate quæ emergebant, eundem humorum cur-
sum servabant, quem in brutis notavimus.

Pag. 28. Lymphatica autem primo & sola, solam aquam
limpidam excipiunt & ad destinatos terminos alveosque
effundunt.

Pag. 43. In Vena sectione magna feri copia in sanguine emis-
so fluitans, ex Vasis Lymphaticis cum vena pertusis prodit.

Pag. 43. Fieri aliter non potest, quin vulnus vena à
lancetta inflictum, pertundet quoque incumbentia illi
Lymphatica. Hinc plus minusve aquæ sanguini innatas
pro vario ramorum Lymphaticorum in venis situ, quæ si
lancetta aciem effugerint, crassior in pelvi sanguis aqua
defectus hærebit.

Pag.



Pag. 48. In Vesicatoriis præcipua Lymphaticorum Vascularum opera elucet, ubi ichor exprimitur & provocatur tenuis, quem vel Lymphatica vicina suppeditat, vel, si in locis excitentur, in quibus Lymphatici rami non conspiciuntur, partes ipsa mittunt. Et sanè hinc manifestum jam evadit, quæ via in malignis morbis vesicatoria extremis artibus apposita, à centro ad circumferentiam provocare dicantur venenum.

Pag. 53. Præter Vasa Lymphatica ex hepate & vesicula fellis multiplici ramo ad Receptaculum descendentiâ, olim nobis observata, vidimus præterea in cane per venam cavam adscendentem aliud vas Lymphaticum prioribus per omnia simile oblongumque repere, & à diaphragmatis regione versus Cor progredi, incumbereque more aliorum, trunco vena cava.

Pag. 54. In Cercopitheci Vasa Lymphatica ultra glandulas in Iliacis ad artus porrigi, visum hic amicis meis, in Vasa Lymphatica diligenter inquirentibus. In aliis plerisque animalibus per pinguedinem transire in Iliacis sunt observata, nullis glandulis mixta, & in artubus semper sine harum vel minimo indicio.

Hæc sunt, Cl. Bartholine, folia; vide ne in te cadant arbores. Memineris te hominem. Et si ita lubet, congregiamur: ostendam tibi millia errorum in Anatomia Reformata, imò omnibus tuis Anatomicis commiseris, & quam vix in his tyro merearis audire, qui dictaturam in alios sumus. Vale. Et monitus sape.

F I N I S.

Errata.

Pag. 10. l. 17. pro suis lege tuis. pag. 28. l. 1. pro Medicina l. Medicina. pag. 51. l. 28. pro hæc l. hac. pag. 65. l. 1. pro Lactearum l. Lymphaticarum. pag. 72. l. 14. pro sint l. sunt. pag. 109. l. 10. pro suis l. suis. pag. 112. l. 9. pro fructu l. succo.

